

Nassuaatit nalinginnaasut

1. Aallaqqasiut

Nappaatit tunillaassortut akiorniarlugit iliuutsit pillugit Inatsisartut inatsisaat maanna atuuttoq (Inatsisartut inatsisaat nr. 10 20.juuni 2022-meersoq) 1. juli 2022-mi atuutilersinneqarpoq, taannalu nappaatit tunillaassortut akiorniarlugit iliuutsit pillugit siornatigut malittarisassamut taarsiutaalluni (Nappaatit tunillaassortut akiorniarlugit iliuutsit pillugit Inatsisartut peqqussataat nr. 20, 12 .november 2001-imeersoq, Inatsisartut inatsisaatigut nr. 1, 1. April 2020-meersukkut allanngortinnejartoq), taannalu suliassaqrifimmik ilaatigut Covid-19-imut iliuuseqarnermi misilitakkani nutarterneqartussaasimalluni. Inatsisartut inatsisaannik atuuttumik suliaqarnermi (UPA2022/161) aalajangerneqarpoq inatsit piffissamut aalajangersimasumut atuutsinnejartussatut aalajangerneqassasoq, taamaalluni Inatsisartut inatsisaat 1. Juli 2023-mi atuukkunnaartussanngortinnejartoq. Inatsisartut inatsissaannik nutaamik Inatsisartut nakkutiginninnissaannut aalajangersagartalimmik saqqummiussisoqarnissa kissaatigineqarmat taamatut aalajangertoqarpoq. Inatsisartut inatsissaattut siunnersuut manna kissaammik tamatuminnga eqquutsitsineruvoq, taamaammallu Inatsisartut inatsisaata imarisaatigut assigilluinnarpaa, aalajangersakkanik ataasiakkaanik aamma inatsisartut nakkutiginninnissaat pillugu kapitali 9-mik nutaamik ilanngussinerit eqqaassanngikkaanni.

2. Siunnersummi immikkoortut pingaarerit

Siunnersuut kapitali 1-imi taaneqartutut maanna inatsimmit ingerlatitseqqinneruvoq, taamaattoq makku allannguutigalugit, oqaaseqatigiit allannguutaat ersarissaanerillu arlallit aamma ilanngullugit:

- § 28, imm 1: Oqaaseqatigiinnik "inillu allanik" ilanngussinermi inuussutissarsiortunit pigineqartunut sumiiffiit attuumassuteqartut aalajangersakkami ilaatinnejartunut tamanut atuuppoq.
- § 40, imm. 1 nr. 2: Timimik misissuisinnaanermut periarfissaqarnerulersineq.
- Kapitali 9: Inatsisartut nakkutiginninnissaannut malittarisassanik ilanngussineq.
- § 33, imm. 3 aamma § 37, imm. 4: Umiarsuarnut timmisartunullu susassaqanngitsut isinnginnissaannut malittarisassanik unioqqutitsinermi aningaasartuutit akilernissaannut akisussaaffiup allanngortinnera.

Siunnersummi immikkoortut pingaarerit tassaapput:

Kapitali 1, Nappaatinut tunillaassortunut atuuffiata aalajangerneqarnera.

Kapitali 2, Nappaatit inuiaqatigiinnut aarlerinartorsiortitsisut siammatsaalineqarnissaat eqqarsaatigalugu pinaveersaartsinermi suliniutinut pineqaatissiisarnissamullu akisussaaffik.

- Tunillaassortunik Nappaalanersuaqarneranut Ataatsimiititaliarsuup katitigaanera suliaalu.

- Pisortani oqartussat ingerlatseqatigiiffillu pisortanit pigineqartut Naalakkersuisut Inatsisartut inatsisaat naapertorlugu pisussaaffimminnik piginnaatitaaffimminnilu ingerlatsineranni ikiussallugit pisussaaffiligaapput. Kommunalbestyrelsit pinaveersaartitsiniarnermi pineqaatissiisarnissamut il.il. Naalakkersuisunut tapersersuisarnissamut pisussaaffiligaapput.
- Namminersorlutik suliffiutillit immikkorluinnaq pisoqartillugu oqartussaasut suliassaannik isumaginneqataasinnaapput.

Kapitali 3, Inunnut nappaatinik inunnut nalinginnaasumik ulorianartunik imaluunniit inuiaqatigiinnut aarlerinartorsiortitsisunik nappaatilinnut ataasiakkaanut pineqaatissiisarnerit.

- Nunatta Nakorsaaneqarfia inuit ataasiakkaat misissortinnissaannut, napparsimmavimmut innartitaanissaannut, mattusimanissaannut, katsorsartinnissaannut il.il. peqqussuteqarnissamut periarfissaqarpoq.
- Naalakkersuisut inuit ataasiakkaat eqimattat misissortinnissaannut, napparsimavimmut innartitaanissaannut, mattusimanissaannut, katsorsartinnissaannut il.il. malittarisassanik aalajangersaanissamut periarfissaqarput.

Kapitali 4, Inuiaqatigiinnut aarlerinartorsiortitsisumik napparsimasoqartillugu pineqaatissiissutit.

- Naalakkersuisut tamatumani ilaatigut katersuunnernut killilersuinerit inerteqqutillu ilangngullugit pillugit, tamanit orninneqarsinnaasunik soorlu timersortarfinnik oqaluffinnillu atuinermut killilersuineq inerteqquteqarnerluunniit pillugu, niuerniarfinnut piffinnullu soorlu atisaarniarfinnut sutorniartarfinnut assigisaannullu killilersuinerit pillugit, ulluunerani neqeroorutinut, atuarfinnut ilinniarfinnnullu killilersuinerit pillugit, assartuutinut killilersuinerit pillugit kiisalu illersuutinik tunillaassuunnaveersaatinik atuineq pillugu malittarisassanik aalajangersaanissamik periarfissaqarput.

Kapitali 5, Nappaait tunillaassuuttut maannga eqqussorneqannnginnissaat pillugit akiuiniarnermi suliniutit.

- Umiarsuarmi timmisartumiluunniit nappaammik inunnut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqartillugu umiarsuit timmisartullu Nunatta Nakorsaaneqarfianut nalunaarnissamik pisussaaffeqarput.
- Umiarsuarmi timmisartumiluunniit nappaammik tamanut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqarpal, Nunatta Nakorsaaneqarfia akuersisumsumik nalunaartinnagu nunami inoqammik naapitsisoqaqquaanngilaq.
- Naalakkersuisut nunatsinnut angalaneq pillugu aamma nassiussat, nassatat assigisaallu malittarisassanik kiisalu teriarsuit assigisaasaluunniit tuniluutsitsinissaat

pinaveersaartinniarlugu pinaveersaartitsinermi suliniutissanik aalajangersaasinnaapput.

- Napparsimasut toqusullu niuneqarnerannut malittarisassat.

Kapitali 6, Tunillaassuunnerup aqunneqarsinnaanissaa siunertaralugu, toqungasumik pilattaalluni misissuinissaq il.il. siunertaralugit suleriusissat

- Naalakkersuisut tunillannartumik nappaammit tunillaassortuminngaanneersumik suliaqarneq pillugu aammalu timinik toqungasunik eqqussineq annissinerlu pillugit malittarisassanik aalajangersaasinnaapput.
- Nunatta Nakorsaaneqarfia timimik toqungasumik pilattaanikkut misissuisoqarnissaanik peqqusisinnaavoq.
- Nunatta Nakorsaaneqarfia bakterianik assigisaannilluunniit misissuinerit aallartissinnaavai.

Kapitali 7, Nappaatit tunillaassortut il.il. siaruaannerannik paasiniaanermut nakkutilliinermullu atatillugu inuit pillugit paasissutissat suliarineqartarneri

- Nunatta Nakorsaaneqarfianit qinnuigineqarnermikkut inunnut inatsisitigullu pisinnaatitaasunut paasissutissiisussaatitaaneq.
- Naalakkersuisut nappaatinut tunillaassortunut tunngatillugu nalunaaruteqartarnermik aaqqissuussaq pillugu malittarisassanik aalajangersaasinnaapput.
- Inuit pillugit paasissutissanik Nunatta Nakorsaaneqarfia Statens Serum Institutimut ingerlatitseqqiisinnaavoq.
- Kapitali 3 malillugu iliuusissanik aallartitsisoqartariaqartillugu Nunatta Nakorsaaneqarfia inuit pillugit paasissutissat attuumassutillit ingerlateqqissinnaavai.
- Tuniluunnerup paasiniarneranut atatillugu Kommunalbestyrelsip inuit pillugit paasissutissat Nunatta Nakorsaaneqarfianut ingerlateqqittassavai.

Kapitali 8, Pisortat pisussaaffimmink saneqqutsinerat aamma inatsisit allat naapertorlugit inuit pisinnaatitaaffii kiisalu pilersuinerik qulakteerinninnej.

- Naalakkersuisut nappaatip inuaqtiginnut aarlerinartorsiortitsisup kingunerisaanik inunnik tassanngaannartumik katsorsartariaqartunik imaluunniit katsorsarneqarnissamik pisariaqartitsivissortunik katsorsaanissamut paaqqinninnissamullu isumalluutit naammannissaannik qulakteerinninissamut pisariaqarpal, pisortat tamanut pisussaaffiinik aamma innuttaasut pisinnaatitaaffiinik saneqqussisinnaanermut piffissami aalajangersimasumi malittarisassanik aalajangersaasinnaapput.
- Naalakkersuisut pisortat tamanut pisussaaffiinik aamma innuttaasut pisinnaatitaaffiinik saneqqussisinnaanermut piffissami aalajangersimasumi malittarisassanik aalajangersaasinnaapput, matumanii pisussaaffiit pisinnaatitaaffiillu pineqartut naammassinissaat periarfissaqarsimatinnagu imaluunniit nappaatinut

inuaqatigiinnut aarlerinartorsiortitsisunut iliuusissat kingunerisaannik periarfissaajunnaarsimappat ajornakusuulersimappalluunniit.

- Nappaat inuaqatigiinnut aarlerinartorsiortitsisoq pissutigalugu Naalakkersuisut nioqququtissanik pilersuineq qulakteerniarlugu piffissami aalajangersimasumi malittarisassanik aalajangersaasinnaapput.

Kapitali 9, Piginnaatitsinermik aalajangersakkanik Inatsisartut nakkutiginninnerat

- Tunngavissatut aalajangersakkanik taaneqartunik arlalinnik atuinermi ataatsimiititaliamik Inatsisartut pilersitaannik peqataasitsinissamut Naalakkersuisut pisussaatitaapput.
- Naalakkersuisut Inatsisartut ataatsimiititaaliaasa arlaannut ilisimatitsisussaatitaapput Tunillaassortunik Nappaalanersuaqarneranut Ataatsimiititaliarsuarmi ilaasortat amerlanerussuteqartut inassuteqarpata nalunaarutit atorunnaarsinneri il.il. pillugit paragraffit eqqaaneqartut malillugit inatsisitigut tunngavissinneqartut Naalakkersuisunit malinneqanngippata.
- Naalakkersuisut Tunillaassortunik Nappaalanersuaqarneranut Ataatsimiititaliarsuup paragraffit taaneqartut ilaat malillugit malittarisassanut aalajangersaanissamut inassuteqaatai tamanut saqqummiutissavaat.

Kapitali 10, Pinngitsaaliisummik taarsiinertalimmik pigisanik piginnikkunnaarsitsineq

- Naalakkersuisut inatsit naapertorlugu pineqaatissiinissat aallartisarniarlugit pinngitsaaliisummik taarsiisitsinertalimmik pigisanik piginnikkunnaarsitsisinjaapput.

Kapitali 11, Naammagittaalliorneq aamma eqqartuussivinnut suliassanngortitsineq.

Kapitali 12, Uppernarsaatissanik ujaasineq aamma pineqaatissiissutaasinjaasut pillugit aalajangersakkat.

Kapitali 13, Atortuulersitsinermut aalajangersakkat.

Inatsisartut inatsisaata nappaatit tuniluuttut nunatsinni atugaalernissaat pinaveersaartissavaa, tassani ingammik nappaatit inuaqatigiinnut aarlerinartorsiortitsisut, soorlu tunillaassuussinjaasut eqqarsaatigineqarput.

Nappaalanersuaqartillugu innutaasut tuniluunnermut illorsorneqarnissaat eqqarsaatigalugu nappaalasoqarnerani aqutsinermi Naalakkersuisut ajornartorsiutip ingerlaarnera naapertorlugu iliuuseqarsinnaanerat pingaaruteqaaq.

Taamaammat inatsisissatut siunnersuummi – piginnaatitsissuteqarnikkut – Naalakkersuisut suliassaqarfinnut inatsisiliorlutillu sukumiinerusumik malittarisassiorsinnaatinneqarput.

Tamakku saniatigut matumani siunnersuummi naleqqiussineq pinngitsaaliinaveersaarnissarlu pillugit tunngaviit erseqqissarneqarput.

Siunnersuummi nappaatit immikkoortiterneqartut tassaapput nappaatit tuniluuttartut, nappaatit inunnut nalinginnaasumik ulorianartut nappaatillu inuiaqatigiinnut aarlerinartorsiortitsisut.

Nappaat tunillaassortoq tassaavoq nappaat imaluunniit peqqissutsikkut atugarisaq, tappiorannartunit nappaateqalersitsisartuniillu allanit, inunnit, inunnut imaluunniit inuit akornanni tunillaassuussinnaasumit pilersartoq. Assersuutigalugu nappaatit tuniluussinnaasut, maannakkut nappaatit inunnut nalinginnaasumik ulorianartutut inuiaqatigiinnulluunniit aarlerinartorsiortitsisutut taaneqarsinnaanngikkallartut ilaatigut tassaasinnaapput kilaat, kolibakteeriat, nakasulunneq, bakterianit aseruuttoortitsisinnaasunit (streptokokker) toqquusaarlunneq, allallu.

Nappaat inunnut nalinginnaasumik ulorianartoq tassaavoq nappaat tuniluuttartoq, annertunerusumik tunillaassorsinnaasoq, annertuumik toqqutaasartoq, ulorianartumik ataavartumilluunniit ajoqsiisinnaasoq aammalu katsorsaanermik, napparsimalluni takkutinngitsoornermik imaluunniit piffissami sivisunerusumi piginnaanngorsartoqartariaqneranik kinguneqarsinnaasoq, inuit peqqissusaannut annertuumik ulorianartorsiortitsisumik siaruarujussuarsinnaasoq imaluunniit sunniuteqarluartumik pinaveersaartitsisoqannginnera katsorsaasoqannginneraluunniit pissutigalugu annertuumik kingunerlutsitsisinnaasoq. Nappaatinut inunnut nalinginnaasumik ulorianartunut assersuutitut taaneqarsinnaapput puallut TB, kuppit, anersaartorniarnikkut nappaat SARS aammalu pesti (nappaassuaq).

Nappaat inuiaqatigiinnut aarlerinartorsiortitsisoq tassaavoq nappaat inunnut nalinginnaasumik ulorianartoq, siaruarnermigut inuiaqatigiinni pingaaruteqarluinnartunut sakkortuumik ajoqsiisinnaasoq imaluunniit ajoquseeratarsinnaasoq. Nappaatit inuiaqatigiinnut aarlerinartorsiortitsisutut assersuutitut nappaat Coronavirus (Covid-19) taaneqarsinnaavoq, ataatsimoorluta tunillatsissinnaanermut akiuussuteqarfinginnginnatsigu, kapitinnikkut akiuussutissaliisinnaasoqannginnera immikkulluunniit katsorsarneqarsinnaannginnera pissutigalugit inuiaqatigiinnut suliat qitiulluinnartut, soorlu peqqinnissaqarfik, assartuineq/angallanneq aamma politiit, attatiinnarnissaannut akornutaasinnaammat.

Nappaatit tunillaassortut nappaatillu inunnut nalinginnaasumik ulorianartut peqqissutsikkut ilisimasat tunngavigalugit tassunga ilaatigut nappaammit toqusarneq, nappaatit tuniluuttarneranut tunngasut, il.il. tunngavigalugit immikkoortiterneqassapput. Nappaatit sorliit immikkoortunut sorlernut inissinneqartassanersut Nunatta Nakorsaneqarfia inassuteqareerneratigut peqqissutsikkut ilisimasat tunngavigalugit pisassaaq.

Naalakkersuisut Tunillaassortunik Nappaalanersuaqarneranut Ataatsimiititaliarsuaq siunersiueqatigereerlugu nappaat inuiaqatigiinnut qaqugukkut aarlerinartorsiortitsisunersoq aalajangertassavaat Inatsisartullu ataatsimiititaliamik pilersitaannut taassuma kingorna saqqummiuttassallugu. Tassa imaappoq, nappaat inunnut nalinginnaasumik ulorianartoq *aamma* inuiaqatigiinnut kingunerlutsitsisussaaneranik politikkut naliliisoqarneratigut inuiaqatigiinnut aarlerinartorsiortitsisutut immikkoortinneqassaaq.

Nappaatip sutut immikkoortinneqarnera tunngavigalugu siunnersummi pineqaatissiissutit sorliit atorneqarsinnaanerannut sunniuteqassaaq.

Nappaalanersuaqartillugu imaluunniit nunarsuaq tamakkerlugu tunillaassusoqartillugu Naalakkersuisunut siunnersuisartussamik Tunillaassortunik Nappaalanersuaqarneranut Ataatsimiititaliarsuarmik pilersitsisoqassaaq.

Tunillaassuuttoqarnerata nalaani nakkutilliineq, aarlerinassutsip nalilernera paassisutissallu allat tunngavigalugit ataatsimiititaliarsuaq ilaatigut pakkersimaarinninniarluni suliniutinik il. il. pillugit aalajangersimasunik inassuteqarsinnaasassaaq.

Ataatsimiititaliarsuaq ataavartumik iliuuserineqartut naammannersut, atorunnaarsinneqassanersut, sivitsorneqassanersut imaluunniit allanik suliniutissanik ilaneqartariaqarnersut naliliisassaaq.

Siunnersummi nunatsinnut nappaatinik tuniluuttunik eqqussuinermut nunatsinnilu nappaatinik tuniluuttunik siaruaattoqarnissaannut pitsaliuineq, pinaveersaartitsineq killilersuinerlu pingarnertut siunertarineqarput.

Tassunga atatillugu annertuumik annikinnerusumillu nappaatinik tuniluuttoqartillugu inuiaqatigiit pisortallu piareersimanissaat pingaruteqarluinnarpoq, matumani aamma Covid-19-ip nangillugu aqunneqarnissaa eqqarsaatigalugu.

Taamaammat Naalakkersuisut maanna covid-19-imik nappaalanersuaqarnerani siunissamilu allanik nappaalanersuaqartillugu sunniuteqarluartunik sakkussaqartariaqarput. Taamaattumik maanna siunissamilu nappaatit tuniluuttut pinaveersaartinniarnerini siaruatsaaliniarnerinilu piginnaatitsissutit pisariaqartut qulakteerneqartariaqarput, matumani ilanngullugu isumalluutit sunniuteqarluartumik atorluarnissaannut aqunnissaannullu toqqammavissaqarneq.

Naalakkersuisut arajutsisimangilaat inuiaqatigiinnut, innuttaasunut suliffeqarfinnullu pineqaatissiisarnissamut siamasissunik annertuumillu piginnaatitaaffiliisoqassasoq. Sutigut assigiinngitsuni arlalinni tunngaviusumik kikkut tamat oqartussaaqataanerat eqqarsaatigalugu pisinnaatitaaffiinullu sunniuteqartussamik killiliisoqartariaqarsinnaavoq, assersuutigalugu innuttaasut amerlasuukkaarlutik katersuussinnaanerannut tunngatillugu.

Naalakkersuisut isumaqarput, arlaannik aallartitsinermi naleeqqiussineq pinngitsaalinaiveersaarnissarlu pillugit tunngaviit nalinginnaasut tamatigoortullu malinneqassasut.

Taamaammat siunnersuutigineqarpoq, nappaatip pineqartup siaruunnginnissaannut suliniut pisariaqarlunilu naapertuuppat aatsaat suliniummik aallartitsisinnaasoqarnissaa pillugu erseqqissumik aalajangersagaqassasoq, aammalu suliniut suugaluarpalluunniit sapinggisamik qajassuussisuussasoq sivikitsuullunilu kiisalu suliniutigineqartup siunertaanut naapertuuttuussalluni.

Pineqaatissiissutit akuliutsinnejannginnerpaat atorneqassapput, taakkua siunertarineqartup naammassinissaanut naammappata, pineqaatissiissutilu peqquteqartumik pisariaqarunnaarpata ingerlatiinnaq atorunnaarsinnejassapput.

Inatsisinut tunngaviusunut inuillu pisinnaatitaaffii pillugit inatsisinut tunngatillugit naleeqqissisinnassuseq piumasaqaataavoq, tassa imaappoq akuliutsitsineq naapertuutissaq pisariaqarlunilu aammalu akuliutsitsineq siunertarlu naleeqqunneqarsinnaasariaqarput.

Innuttaasut kiffaanngissuseqarnissamut inuttullu pisinnaatitaaffii inatsisit tunngaviusut aamma Inuit Pisinnaatitaaffii pillugit Europamiut Isumaqtigisiissutaat (EMRK) aqqutigalugit illorsorneqarput.

Piumasaqaatilli aalajangersimasut naammassineqarnerisigut pisinnaatitaaffinnut taakkununnga akuliuttoqarsinnaavoq.

Inatsisartut nakkutiginnissinnaanerannut aalajangersaasoqarpoq, taakkulu inatsisitigut aalajangersaanerni toqqakanik atuinerit pillugit immikkut ittumik nakkutiliinissaannut atuutissaaq. Aalajangersakkat taakku aamma ilaatigut qallunaat inatsisaanni atorneqarput, Naalakkersuisulli siunnersummi aalajangersakkat ikinnerit ilaatinissaat toqqarsimavaat aalajangersakkat innuttaasunut inuiaqtiginnullu sunniutigisinnasaat ataatsimut nalilersoreerlugit.

Inatsisartut nakkutiginnississaannut aalajangersakkat sakkussatut pignaaruteqarsinnaapput, taakku aalajangiinernut ikorfartuutaasinnaapput, inuiaqtiginnilu immikkualuttunut tamanut annertuumik kinguneqarsinnaallutik. Ataatsimiititaliarli Inatsisartunit pilersinnejartuni aamma annertuumik akisussaaffeqarpoq, tassa aalajangiineri isumaliutigilluaqqaarlugit, ilisimatinneqarluarlutik kiisalu pisut aallaavigalugit - sukkasuumik pisartussaammata. Ataatsimiititaliap Naalakkersuisullu akornanni teknikkikkut, naalakkersuinikkut allatigullunniit suleqatigiinnermik ajornartorsiuteqalissagaluarunik tamatuma naalakkersuisup akisussaasup Naalakkersuisullu akornanni attassinnaassanngilaat. Iliuuserineqartunut iliuserineqanngitsunullu tunngatillugu Naalakkersuisoq Naalakkersuisullu politikkikkut akisussaasuunerat isiginiarneqarpoq, Inatsisartut ataatsimiititaliaanni aalajangiineq pigaluarpalluunniit. Taamatut pisoqassagaluarpat tamatuma kingunerisinnavaavaa peqqissutsimut naalakkersuisup naalakkersuisuuneranit

tunuartariaqalernera, pineqartup nunarsuarmi tuniluuttoqarnera pissutaalluni pineqartup illersorneqarsinnaasumik suliaqarsinnaanera pisinnaassanngimmat.

Inatsimmut tunngaviusumut attuumassuteqarneq

Inatsit tunngaviusumi § 67

Inatsimmi tunngaviusumi § 67 naapertorlugu innuttaasut katerisimaarsinnaapput pingaartitsinertik najoqqutaralugu guutisioqatigiinniarlutik, kisiannili assuarnaatsumik inuunermut eqqissismallunilu inooqatigiinnissamut akerliusumik ajoqersuisoqaranilu iliortoqassanngilaq.

§ 67-ip atuuffia tassaavoq "guutisioqatigiinnermut" tunngasoq.

Aalajangersakkami pingaarnertut upperisami ileqqulersuutit iliuutsillu assersuutigalugit nalunaajaaneq, qinuneq, naalagiarneq, kuisinneq allallu pineqarput.

Aalajangersakkami innuttaasut upperisaqarnikkut peqatigiiffeqarsinnaanerannut, katerisimaarsinnaanerannut isummersinnaanerannullu pisinnaatitaaffii qulakkeerneqarput.

Assuarnaatsumik inuunermut eqqissismallunilu inooqatigiinnissamut akerliusumik ajoqersuisoqaranilu iliortoqartinnagu inatsisiliortut upperisaqarnermut tunngasunut killilersueqquaanatillu inerteqquteqarsinnaannngillat. Tassa § 67 naapertorlugu upperisarsiornikkut kiffaanngissuseqarneq killeqarpoq, assuarnaatsumik inuunermut eqqisisimasumillu inooqataanermut tunngasut tunngavigalugit inatsisiliortut upperisarsiornikkut kiffaanngissuseqarnermut killissanik aalajangersaasinnaammata. Innuttaasulli ilagiittut guutisioqatigiinnerat akuliuffigineqarsinnaangilaq akuliunnermut upperisap isumaqataafffiginnginnga pissutituaappat.

Inatsisiliorneq guutisioqatigiinnermut akornutaasussamik siunertaqanngippat soqutigisalli allat tunngavilersuutigalugit pippat (assuarnaatsumik inuuneq imaluunniit eqqisisimasumik inooqataaneq illersorniarlugit) inatsisiliortut inatsisiliornissaminnut periarfissaqarput.

Siunnersuummi § 25 naapertorlugu Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu, nappaatip inuiaqatigiinnut aarlerinartorsiortitsisup siaruarnissaata pinaveersaartinnissaanut siaruatsaalinnissaanulluunniit pisariaqarpal, ininut piffimnullu allanut tamanit iserfigineqarsinnaasunut isersinnaanermut inerteqquteqarnermik imaluunniit killilersuinernik malittarisassanik aalajangersaasinnaapput.

Init piffiilluunniit guutisioqatigiinnermut atorneqartartut pineqartillugit taamatut inerteqquteqarneq imaluunniit killiliisoqarneq inatsimmi tunngaviusumi § 67 naapertorlugu akuliunnertut isigineqarsinnaavoq.

Inerteqqutit killilersuinerillu siunnersuummi § 25-mi aalajangersagaq tunngavigalugu aalajangersarneqarsinnaasut nappaatip inuiaqatigiinnut aarlerinartorsiortitsisup siaruarnissaata pinaveersaartinnissaai siaruatsaalinnissaaluuunniit anguniarlugu (taamatuttaaq nappaatit inunnut nalinginnaasumik ulorianartut, takuuk § 19, imm. 2) aalajangersarneqassapput, taamaasillunilu guutisioqatigiinnermut attuumassuteqaratik assuarnaatsumik inuunermut

attuumassuteqassapput. Tamanna pissutigalugu § 25-mi aalajangersagaq Naalakkersuisut isumaat malillugu inatsimmi tunngaviusumi § 67-imut akerliunngilaq.

Inatsisini tunngaviusuni § 71

Inatsimmi tunngaviusumi inuup kiffaanngissusaata illorsorneqarneranut tunngatillugu aallaaviatigut pingarnertullu imaappoq mattussineq inatsisitigut tunngaveqartariaqartoq. Naalakkersuineq upperisarsiornerluunniit pillugit isummat nagguigarluunniit pissutigalugit mattussineq inatsit tunngaviusoq naapertorlugu inerteqquaavoq, tamakkuli saniatigut inatsisiliortut inuit kiffaanngissusaat pillugu aalajangersaasinnaapput. Tamanna inatsisitigut tunngaveqassaaq, takuuk inatsimmi tunngaviusumi § 71, imm. 2, tassani aalajangersarneqarpoq kiffaanngissusiiagaaneq taamaallaat inatsimmik tunngaveqarluni pisinnaasoq.

Inatsisini tunngaviusuni § 71 naapertorlugu kiffaanngissusiiagaaneq pingarnertigut tassaavoq inuup timikkut mattessimaneqarnera. Aalajangersakkamili inimi mikisumi, assersuutigalugu inimi parnaarneqartartumi, inuup mattessimaneqarnera kisimi pineqanngilaq.

Inuk timikkut mattessimaneqanngikkaluarluni aamma kiffaanngissusiiagaasinnaavoq. Soorlu pineqartup akuersissuteqaqqarnani sumiiffik aalajangersimasoq qimaqqusaanngikkuniuk, imaluunniit akuersissuteqaqqarani sumiiffiup qimanneratigut utertinneqarnissaa siunertalarugu ujartorneqarsinnaappat imaluunniit sumiiffiup qimanneratigut pineqaatissinneqarsinnaappat. Tamanna pillugu Jens Peter Christensen allallu atuakkiaat Grundloven med Kommentarer (2015) qupp. 422 tulliuttullu takukkit.

Inatsimmi tunngaviusumi § 71 naapertorlugu qaqugukkut kiffaanngissusiiagaasoqarnersoq erseqqissumik oqaatigineqarsinnaanngilaq. Kiffaanngissusiiagaasoqarnersoq paasiniarlugu pisuni amerlasuuni nalilersueqqissaarneq tunngavigineqartassaaq.

Siunnersummi aalajangersakkaknik arlalinnik kiffaanngissusiiaanissamut tunngavilersuutaasunik imaqrpoq.

Assersuutitut taaneqarsinnaapput inatsisissatut siunnersummi § 10-mi napparsimavimmut unitsitaanermut tunngasoq, § 11-mi mattusimanermut tunngasoq aammalu § 16-imti timikkut aalaakkiinermut, tigummineqarallarnermut aamma pineqartup sumiiffigaani inimut utertinneqartarnermut parnaarsuinermullu tunngasut.

Taamatuttaaq § 23-mi aalajangersakkatut siunnersuutigineqartumi sumiiffimmik, nappaatip inunnut nalinginnaasumik ulorianartup imaluunniit nappaatip inuiaqatigiinnut aarlerinartorsiortitsup atuuffianik, imaluunniit sumiiffimmik nappaatip taama ittup atuuffiulernissaanik eqqunneqarnissaanilluunniit aarlerinartorsiortumik, matusisoqarnissaanik peqqusisinmaaneq kiffaanngissusiianertut paasineqarsinnaassanersoq aamma apeqquserneqarsinnaavoq.

Eqqartuussisoqarnerup avataatigut kiffaanngissusiiagaaneq eqqortumik iliornunersoq qinnuteqartoqarneratigut eqqartuussisukkoortinneqassaaq. Tunngaviusumik inatsimmi § 71, imm. 6 naapertorlugu pineqaatissiarnermut inatsiseqartitsinerup avataani

kiffaanngissusiagaaneq, eqqartuussivittut oqartussaasunit aalajangiiffigineqanngitsoq, allamiullu pillugit inatsisini inatsisitigut tunngavissaqanngitsup, inatsisitigut unioqqutitsiviusimassannginnerra kiffaanngissusiagaasoq imaluunniit taanna sinnerlugu iliuuseqarniartoq sinnerlugu, eqqartuussivinnut imaluunniit eqqartuussisutut oqartussaasumut allamut saqqummiunneqartussaavoq.

§ 57-imik siunnersuutigineqartoq malillugu innuttaasup taassumaluunniit sinnisuata Kalaallit Nunaanni Eqqartuussisarneq pillugu inatsimmi malittarisassat malillugit aalajangiinerit kiffaanngissusiagaanertut isigineqarsinnaasut eqqartuussivinnut suliassanngortissinnaavaat.

Inatsimmi tunngaviusumi § 72

Inissiap inniminartuunera inatsimmi tunngaviusumi § 72-imik takuneqarsinnaavoq. Illumik misissuineq, allakkanik pappiaraatinillu allanik arsaarinninneq kiisalu allakkerinermi, nalunaarasuartaateqarnermi oqarasuaateqarnermilu isertuussinissamik unioqqutitsineq, taamaaliornissamullu immikkut ittumik allatut iliorsinnaanermut inatsiseqanngippat, eqqartuussisup aalajangiineranik taamaallaat tunngaveqarluni pisinnaavoq.

Taamaammat aalajangersagaq malillugu akuliussinnaanermi eqqartuussiviit akuerseqqaarnissaat tungaviusumik inatsimmi aallaaviuvoq.

Taamaakkaluartoq akuliunneq inatsimmik tunngaveqarluni pisinnaappat eqqartuussiviit akuersissuteqaqqaarnissaannut piumasaqaat saneqqunneqarsinnaavoq.

Taamaakkaluartoq anguniakkat atortussallu akornanni arlaatigut naleqqiussisinnaasoqarnera maluginiartariaqarpoq, taamaaliornikkut inuit inuunerannut akuliuffigisassaanngitsumut pinngitsaaliilluni akuliussinnaaneq tamat soqutigisaatigut piumasaqarnikkut inatsisitigut aatsaat tunngavissinneqarsinnaassalluni kiisalu atortut aqqutigalugit sakkukinnerusumik akuliunnerit

siunertamut tassunga naammassinnittutut isigineqarsinnaajunnaarsimatillugit.

Siunnersummi § 20, imm. 5 malillugu katersuussinnaanermut inerteqquteqartitsineq pillugu malittarisassanik eqqortitsinissap nakkutiginissaa siunertaralugu ininut piffinnullu allanut eqqartuussiviup aalajangigaa isersinnaanermut malittarisassanik erseqqinnerusunik Naalakersuisut aalajangersaasinnaanerat periarfissaqarpoq.

Eqqartuussiviit aalajangiiteqqaarnagit isersinnaaneq taamaallaat atorneqarsinnaavoq tamanna pisariaqartutut isigineqarpat.

Inatsisini tunngaviusuni § 73

§ 56 malillugu Naalakersuisut - inatsit malillugu iliuusissanik aallartitsinissamut imaluunniit tamanna malillugu aalajangersakkat aalajangersarneqartut malillugit atugassanik - nammineerluni illuutigisanik arsaarinninnernik aallartitsisinnaapput. Aalajangersakkap kingunerissavaa inatsit malillugu imaluunniit malittarisassat inatsit malillugu aalajangersarneqartut malillugit iliuusissamut atatillugu inuit inatsisitigullu pisinnaatitaasut pisussaatitaasullu illuutaannik arsaarinninnissamik aallartitsinissat inatsisitigut tunngavissaqalissammata.

Inatsimmi tunngaviusumi § 73, imm. 1-imí takuneqarsinnaavoq tunngaviusumik inatsit malillugu arsaarinninnissaq pineqassappat piumasaqaatit pingaarutillit marluk naammassineqarsimassasut. Siullertut akuliunneq "illuummut" sammitinneqartussaavoq, tamannalu inatsimmi tunngaviusumi § 73-imí illersugaavoq. Aappaattut akuliunneq arsaarinninnertut isikkoqassaaq, tassalu tunisineq matumani pineqartussaavoq.

Tunngaviusumik inatsit tunngavigalugu arsaarinninnermi akulerunneq matumani pineqarsimassappat akuliunneq inatsimmut tunngaviusumut naapertuulluni pisimassappat piumasaqaatit pingasut naammassineqarsimassapput. Akuliunneq tamanit piumasarineqarsimassaaq, inatsit naapertorlugu pissaaq, piginnittumullu eqqugaasumut tamakkiisumik taarsiissuteqartoqassaaq.

Inatsimmi tunngaviusumi § 73-imí inuit kisimik illersorneqanngillat, kisiannili inuit inatsisitigut pisinnaatitaasut pisussaatitaasullu qanoq ittulluunniit namminersortunit pilersut (imaluunniit pigineqalersut) - ingerlateqatigiiffit, peqatigiiffit, suliffeqarfiiit imminnut pigisut il.il. illersugaapput.

Tassungalu atatillugu pisortat ingerlatsineranni inatsisitigut allagaatini ileqqunilu nalinginnaasumik isumaavoq inatsisartup - arsaarinninnissaq pigineqanngikkaluartoq - pisinnaatitaaffinnik tunngaviusumik inatsimmi § 73-imí illersugaasunik suliaqarnissaa malittarisassiunneqarsinnaasoq, tassami ilaatigut naalakkersuisut innuttaasup kiffaanngissuseqarluni iliuuseqarsinnaaneranut namminerlu pigisaminut nammineerluni aalajangiisinnaaneranut killiliinissaq pillugu nalinginnaasunik malittarisassiorsinnaammata.

Illuatungaani akuliunnerit pinngitsaaliilluni tunisinernut tunngassutillit, taamaalillutillu inatsimmi tunngaviusumi § 73 malillugu taarsiissuteqarnissamik pilersitsisut, illuatungaanilu akuliunnerit taarsiissuteqanngikkaluarluni ingerlanneqartut akornanni killiliinerit arlaatigut nalorninernik pilersitsisinhaapput.

Iliuutsit inatsisisstatut siunnersummi siunnersuutigineqartut ilaasa ingerlannissaanni inatsit tunngaviusoq malillugu arsaarinninnej pineqartutut nalilerneqarsimatillugu § 56-imí piumasarineqarpoq piginnittumut piginnittunulluunniit pineqartunut tamakkiisumik taarsiissuteqartoqassasoq.

Inatsimmi tunngaviusumi § 79

Inatsimmi tunngaviusumi § 79 malillugu innuttaasut siumut akuerineqanngikkaluarlutik sakkulorsornatik katerisimaarsinnaanerat pisinnaatitaaffiuvoq. Tamat katersuussinnaanerat politiit najuuffigisinnaatitaaffigaat.

Silami katersuussinnaanerit inerteqqutigineqarsinnaapput tamat eqqissimanissaat navianartorsiortinneqartutut isigineqarpat.

Inatsimmi tunngaviusumi § 79, oqaaseqatigiit pingajuanniittooq akuliunnernut katersuunnennullu tamakkiisumik isiginninnginnera pisortat ingerlatsinerannut allagaatini nalinginnaasumik isumaqarfingeqarpoq.

Taamaalilluni ilaatigut isumaqartoqarpoq - inatsimmi allami tamatumunga inatsisitigut arlaatigut tunngavissaqassappat - inatsimmi tunngaviusumi § 79-imi oqaaseqatigiit pingajuanniittooq atunngikkaluarlugu pisortat inuinnaalluunniit soqutigisaat pingaarutillit allat eqqarsaatigalugit akuleruttoqarsinnaasoq, matumani katersuussinnaasut oqaaseqarsinnaanerat akuliuffiginissaa siunertaasimanngippat.

Eqqartuussiviit qullersaata eqqartuussummini 16. august 1999-imeersumi (Ugeskrift for Retsvæsen 1999, qupperneq 1798-imi naqiterneqartoq) Illuutini aalajangersimasuni katersuussinnaanermut inerteqquteqartitsineq pillugu inatsimmi nr. 907, 15. oktober 1996-imeersumi (rockerit pillugit inatsit) aalajangersagaq isummerfigisimavaa, taannalu politit inuup illummi aalajangersimasumi piumasaqaatit sukumiinerusut taaneqartut malillugit najuussinnaaneranut inerteqquteqartitsinissaannik imaqarpoq.

Eqqartuussiviit qullersaata eqqartuussutip piumasaqataanni ilaatigut erseqqissarpaa katersuunnerit aqqutigalugit isummersorsinnaanernut periarfissat eqqarsaatigalugit kiffaanngissuseqarluni katersuussinnaanerit inatsimmi tunngaviusumi § 79 aqqutigalugu qulakkeerneqartut, tassalu katersuunnerit pisortani oqartussaasut akuersiteeqqaarnagit ingerlanneqarsinnaasut imaaliallaannarlu inerteqqutigineqarsinnaanngitsut.

Taamaakkaluartoq aalajangersagaq katersuunnissamut kiffaanngissuseqarneq killiliiffinginkkaluarlugu - katersuunnenri isummanik annissinissamut sammitinngikkaluarlugu - inatsisitigut malittarisassanik aalajangersaasoqarnissaanik akornusiinngilaq, tamanna soqutigisat allat illersornissaat pillugu pissappat, soorlu allat inuunerat atugarissaarnissaallu, tassami taamatut killiliinerit taamatut illersuinissamut pisariaqartinneqartunik qaangiissanngippata, takuuk aamma EMRK-mi artikel 11 tullinnguuttuniittooq.

Inuit arlallit ataatsikkut piffimmi tassani katersuussinnaanerannut inerteqquteqartitsineq pillugu § 20-mi siunnersuutigineqartumi aalajangersagaq pingartumik pisut aallaavigalugit katersuunnerit ilaannut iliuuseqarnissamut malittarisassanik aalajangersaanissamut tamatuma kingorna atorneqarsinnaassaaq.

Aqqissuussineq siunnersuutigineqartoq inatsimmi tunngaviusumi § 79 malillugu katersuunnissamut kiffaanngissuseqarnermut akerliusumik iliuuserineqarnavianngitsoq Naalakkersuisut isumaqarput.

Taamaalilluni pingartinneqarpoq aqqissuussineq siunnersuutigineqartoq isummersorsinnaanermut sammititamik malittarisassanik aalajangersaanissamut allatullu iliuuseqarnissamut periarfissiisanngitsoq, kisiannili iliuusaajunnartut kikkut tamarmik peqqissuunissaat eqqarsaatigalugit pingartuunerata illersornissaanut aalajangersaaffigineqarumaartut, soorlu nunatsinni maani nappaatit inuiaqtigiiinnut aarlerinartorsiortitsisut annikillisarnissaat siaruaatinnginnissaallu eqqarsaatigalugit.

Tassunga tunngatillugu oqaatigineqarpoq aalajangersagaq nappaatitut inuiaqtigiinnut aarlerinartorsiortitsisinnaasutut taaneqarsinnaasuni aatsaat atorneqarsinnaassasoq.

§ 18 malillugu iliuutsinik aallartitsinissamut ilaatigut § 20-mi aalajangersagaq malillugu aamma piumasarineqarpoq iliuuserineqartup pisariaqartuunissaa, sapinngisamik sivikitsuunissaa iliuuserineqartumilu siunertarineqartumut sanilliullugu naammaginartuunissaa. Iliuuserineqartoq akuliuffiunnginnerpaaq qajassuussinerpaaru atorneqassaaq, tamanna siunertap anguniarnissaanut naammassappat, iliuuserineqartullu pisariaqarunnaarpata atorunnaarsinneqartassapput.

Inuit Pisinnaatitaaffii pillugit Europamiut Isumaqtigiissutaat (EMRK)

EMRK artikel 5

EMRK artikel 5, imm. 1, litra e-mi aalajangersagaavoq nappaatit tunillaassuuttut siammarnissaat pinngitsoortinniarlugu inuit unioqqutitsinani kiffaanngissusiiagaasinnaasut. Nappaatit tunillaassuuttut siaruarnissaat pinngitsoortinniarlugit unioqqutitsinani kiffaanngissusiiagaasinnaanerup naliliiffiginarnerani nappaatip tunillaassuuttup kikkut tamarmik peqqissuunissaannut isumannaatsuunissaannullu siaruaatinnginnissaa pingaartuusoq, inuullu tunillatsissimasup kiffaanngissuseqarunnaarnera nappaatip tunillaassuuttup siaruaatinnginnissaanut kingullertut aqqutissaanersoq Eqqartuussivinni ileqquuvoq, tassami iliuutsit iliuuseqarfiusut kikkut tamarmik soqutigisaannut qulakkeerinninnissamut naammanngitsutut nalilerneqarmata.

Siunnersuut aalajangersakkani arlalinnik akuliunnissamut tunngaviusunik kiffaanngissusiiassutaasinnaasunik imaqarpoq. Tassani § 10 unitsitsisarnissaq, § 11 aneqqusajunnaarneq aamma § 16 timikkut aalajangiisarneq il.il. kiisalu ininik pineqartup najuuffigisaanik paArnaarsisarneq pillugit siunnersuutigineqartut pineqarput.' Aalajangersagaq malillugu kiffaanngissusiiagaanermi apeqquaassaaq pineqartup nappaammik inunnut nalinginnaasumik ulorianartumik imaluunniit nappaammik inuiaqtigiinnut aarlerinartorsiortitsisumik tunillatsissimanerata paasineqarsimanissaa imaluunniit pineqartup nappaammik taamaattumik tunillatsissimanissaa ilimanaateqarsimanissaa.

Siunnersuummi § 8 malillugu aalajangersakkat taaneqartut atorneqarnissaanni apeqquaassaaq nappaatit inunnut nalinginnaasumik ulorianartut inuiaqtigiinnulluunniit aarlerinartorsiortitsisut pinaveersaartinniarneranni, siaruatsaaliorniarneranni piuneerutsinniarneranniluunniit iliuuseqarnissamut pisariaqartutut isigineqartut. Iliuuserineqartoq suugaluartorluunniit sapinngisamik qajassuussillunilu sivikitsuussaaq, iliuuserineqartumi siunertamut naammattumik naleqquttuussaaq, iliuuserineqartussarlu akuliutinnginnerpaaq atorneqassaaq, taanna siunertap anguniarnissaanut naammattutut isigineqarpat. Iliuuserineqartut pisariaqarunnaarpata atorunnaarsinneqassapput. Aalajangersakkat taaneqartut malillugit kiffaanngissusiiagaanerit taamaalillutik aatsaat pisinnaassapput nappaatit nalinginnaasut ulorianartut imaluunniit nappaatit inuiaqtigiinnut

aarlerinartorsiortitsisut siaruaannissaasa annikillisarnissaannut pinngitsoortinnissaannulluunnit pisariaqartutut isigineqarpata. Tamanna tunngavigalugu Naalakkersuisut isumaqarput aaqqissuussineq siunnersuutigineqartoq EMRK artikel 5-imi tunngaviliunneqartut iluanni ingerlanneqarsinnaassasoq.

EMRK artikel 11

Ilaatigut EMRK artikel 11, imm. 1-imi taaneqarpoq kinaluunniit katersuunterni eqqisisimaffiusuni peqataanissaminut kiffaanngissuseqarluni pisinnaatitaaffeqartoq. Aalajangersakkami silami illullu iluani katersuunnerit pineqarput. Taamaakkaluartoq pisinnaatitaaffik taanna tamakkiisuunngilaq. *Pisinnaatitaaffimmut taaneqartumut akuleruttoqarsinnaavoq akulerunneq inatsimmi taaneqarsimappat aamma nunap isumannaatsuuunissaa imaluunniit tamat toqqisisimanissaat eqqarsaatigalugit (assigiimmik pinninnissamut piumasaqaammik naammassinnippat), eqqisisimannginnerit pinerluutilluunniit pinaveersaartinnissaanut, peqqissutsip ileqqorissaarnissalluunniit illersornissaanut imaluunniit allat pisinnaatitaaffiinut kiffaanngissuseqarnerannullu pisariaqarpat, takuuk EMRK artikel 11, imm. 2.*

§ 20-mi aalajangersakkami siunnersuutigineqartumi Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu, nappaatip inuiaqatigiinnut aarlerinartorsiortitsisup siammarnissaata pinaveersaartinnissaanut siaruaatsaaliornissaanullu pisariaqartut, inuit arlallit piffimmi ataatsimoornissaannut nuna tamakkerlugu nunalluunniit ilaanut inerteqquteqartitsinissamut malittarisassanik aalajangersaasinnaanerannut inatsisitigut tunngavissaannik pilersitsisoqarsinnaassaaq, taakkununngalu ilaapput katersuunnerit, aaqqissuussinerit nalliuottorsiornerillu annertuut annikinnerusulluunniit.

Peqqusinerit inerteqquteqarnerillu taamatut isikkullit pillugit malittarisassat inatsimmi tunngaveqartinneqassapput, tamallu peqqissuunissaasa illersornissaat pillugu eqqarsaatigisassat pingaartut malersornissaat siunertaralugu atortussanngortinneqassallutik, soorlu nunatsinni maani tunillaassuunnerit pinaveersaartinnissaat siaruaatinnginnissaallu eqqarsaatigalugit.

Kiisalu inatsisissatut siunnersuummi § 18-mi taaneqarpoq iliuusissaq suugaluartorluunniit pisariaqartuussasoq, sabinngisamik sivikitsuussasoq, iliuuserineqartumilu siunertarineqartumut naammattumik naleqquttuussasoq. Iliuuserineqartoq akuliuffiunginnerpaaq qajassuussinerpaaru atorneqassaaq, tamanna siunertap anguniarnissaanut naammassappat, iliuuserineqartullu pisariaqarunnaarpata atorunnaarsinneqartassapput.

Malittarisassanik, peqqusinernik inerteqquteqartitsinernillu taamaattunik aalajangersaasoqarnerani sabinngisamik innuttaasut pisariaqartitsinerat naapertorlugu, tamallu

peqqissuunissaat eqqarsaatigalugu, katersuunnissanut periarfissaqarnissaat piumasarineqassaaq.

Tamanna tunngavigalugu nalilerneqarpoq iliuutsit katersuunnissanut periarfissanik killeqartitsisut katersuunnissamut kiffaanngissuseqarneq pillugu EMRK artikel 11-mi tunngaviliunneqartut iluanni pisinnaassasut.

EMRK artikel 8, EMRK artikel 9 aamma EMRK-mut ilassutitut tapiliussat sisamaanni artikel 2.

EMRK-mi artikel 8, imm. 1 malillugu kinaluunniit nammiq ilaqtariittullu inuunerminut, angerlarsimaffimminut attaveqartarnerminullu ataqqineqarnissaminik pisinnaatitaaffeqarpoq. EMRK-mi artikel 9, imm. 1 malillugu kinaluunniit kiffaanngissuseqarluni eqqarsarsinnaanerminut aamma eqqarsartarnikkut upperisakkullu kiffaanngissuseqarnissaminut pisinnaatitaaffeqarpoq. Pisinnaatitaaffeqarnermi ilaqtigut nammineerluni allalluunniit peqatigalugit, tamat peqataatillugit nammineerluniluunniit naalagiärnerit, atuartitsinerit, qinnussinerit upperisarsiornermilu ileqqorineqartut aqqutigalugit upperisarsiornerminik upperisaminillu ingerlatssissalluni pisinnaatitaaffeqarpoq.

EMRK-mi artikel 2, imm. 1, ilassutitut tapiliussat sisamaat malillugu kinaluunniit naalagaaffiup pigisaani unioqqutitsinani pigisaaniittooq, sumiiffiup taassuma iluani kiffaanngissuseqarluni angalaarsinnaavoq, sumiinnissaminillu kiffaanngissuseqarluni toqqaasinnaalluni.

Pisinnaatitaaffilli taakua piumasaqaatitaqanngitsuunngillat.

Pisinnaatitaaffinnut taaneqartunut iliuuseqartoqarsinnaavoq iliuuseqarneq inatsit aqqutigalugu pisimappat aamma siunertat ataqqisassatut immikkut aalajangersarneqartut isumaginissaannut pisariaqartinneqarpata, soorlu peqqissuunissap illersornissaa eqqarsaatigalugu, takuuk EMRK-mi artikel 8, imm. 2, EMRK-mi artikel 9, imm. 2 aamma EMRK-mi artikel 2, imm. 3, EMRK-mut ilassutitut tapiliussami sisamaat.

Katsorsaaneq akuersissutitaqanngitsoq

§ 12 malillugu akuersisoqqaarnani katsorsaaneq eqqarsaatigalugu oqaatigineqarpoq, pinngitsaaliilluni katsorsaaneq EMRK-mi artikel 8 malillugu nammiq inuuneqarnissamut pisinnaatitaaffimmut akuliunnerusoq.

Inuit Pisinnaatitaaffii pillugit Europami Isumaqtigiissummi artikel 8 malillugu pinngitsaaliilluni katsorsaaneq nammiq inuuneqarnissamut ataqqinninnissap pisinnaatitaaffiunaranut akuliunneruvoq.

Aalajangersagaq siunnersuutigineqartoq aqqutigalugu akuliunneq inatsisitigut periarfissangortinneqassaaq, aalajangersakkamilu innuttaasuni tamani peqqissuunissap illersornissaa siunertarineqartussaalluni.

Aalajangersagaq immikkorluinnaq pisoqarsimatillugu taamaallaat atorneqarsinnaavoq, tassanilu siunertarineqartoq iliuutsit annertunngitsut allat aqqutigalugit

anguneqarsinnaasussaanani - tassalu nappaatip inunnut nalinginnaasumik ulorianartup unitsinnissaa imaluunniit siaruaannissaata annikillisarnissaa, matumani inuit peqqissuunissaannut navianaat siooranerluunniit pineqarsimatillugit.

Tamatuma kingorna nalilerneqarpoq siunnersuut eqqarsaatigisassat taaneqareersut isumaginissaannut pisariaqartineqartut saniatigut ingerlatinneqaqqissanngitsoq.

EMRK-mut ilassutitut tapiliussamut siullermut artikel 1

EMRK-mut ilassutitut tapiliussami siullermi artikel 1-imí takuneqarsinnaavoq inuk kinaluunniit imaluunniit inatsisitigut pisinnaatitaasoq pisussaatitaasorlu nammineq pigisaminik ataaqqineqarnissaminik pisinnaatitaaffeqartoq, inullu kinaluunniit pigisaminik arsaarneqarsinnaanngitsoq inuiaqatigiit soqutigisaat minillugit aamma piumasaqaatit inatsisitigut aalajangersarneqartut naapertorlugit kiisalu inuit nalinginnaasumik pisinnaatitaaffitsigut pisinnaatitaaffii malinneqarlutik.

EMRK malillugu piginnittussaatitaanermut akuliunnissaq periarfissaavoq, soorlu illuutinut isersinnaanerup killeqartinnissaa, matumani akuliunneq inatsisitigut tunngavissaqarsimappat inatsisitigullu akuerisaasumik soqutigisaappat, akuliunnermilu inuiaqatigiit ataatsimut soqutigisaasa aamma inuup tunngaviusumik pisinnaatitaaffiisa akornanni naammattumik oqimaaqatigiittoqarnissaa.

Aalajangersakkat siunnersuutigineqartut ilaanni, matumani pingaartumik ininut piffinnullu allanut atuisinnaanermut isersinnaanermulluunniit killilersuinerit inerteqquteqartitsinerilluunniit pillugit § 28-mi siunnersuutigineqartumi, inuillu nalinginnaasut inuillu inatsisitigut pisussaaffillit pigisaannut kiisalu pisortat iserfigisinnaasaannut tunngatillugu, pisut tunngavigalugit piginnittussaatitaanermut akuliunnerussaaq.

Piginnittussaatitaanermut akuliunnerusinnaasut inatsisitigut tunngaveqartassapput, inuiaqatigiinnilu eqqarsaatigisassat pingaartut isumaginissaat siunertaralugu atorneqarsinnaassallutik, soorlu nappaatit inuiaqatigiinnut aarlerinartorsiortitsisut siammarnissaasa pinngitsoortinnissaat eqqarsaatigalugit.

Aamma siunnersummi § 18 innersuussutigineqassaaq, tamanna naapertorlugu iliuusissaq suugaluartoq pisariaqartuussaaq, sapinngisamik sivikitsuussaaq iliuuserineqartumilu siunertamut naammattumik sanilliunneqarsinnaassalluni. Iliuuserineqartoq akuliuffiunnginnerpaaq qajassuussinerpaarlu atorneqassaaq, tamanna siunertap anguniarnissaanut naammassappat, iliuuserineqartullu pisariaqarunnaarpata atorunnaarsinnejartassapput.

Tamannalu tunngavigalugu nalilerneqarpoq iliuutsit ininik il.il. atuinissamut periarfissanik killeqartitsisut piginnittussaatitaaneq pillugu artikelimi tunngavigineqartut iluanni ingerlanneqarsinnaassasut.

3. Pisortanut aningaasaqarnikkut allaffissornikkullu malitsigisinjaasai

Pisortanut aningaasaqarnikkut iliusissaajunnartunullu qanoq kinguneqassanersoq aalajangiiffigeriissallugu periarfissaqanngilaq.

Siunnersuutip malitsigisaanik utaqqiisaagallartumik aningasartuuteqalersinnaavoq. Pisoqarnerata nalaani ilaatigut politikkut aalajangersimasumik aalajangiinerit utaqqiisaasumik aningasartuutaagallartut annertussusaanut apeqqutaassapput. Tassani iliuuserineqartup sakkortussusaa piffissallu iliusissat ingerlaannarnissaannut pisariaqartinneqartup sivisussusissaa apeqqutaassapput. Iliuseqarnissat aallartinneri pillugit aalajangiinermut atatillugu iliusissanik aallartitsisoqanngippat matumani pisortanut aningaasatigut kingunerisassat ilangullugit, kingunerisassatigut suut kingunerissaneraat eqqarsaatiginnilluni missiliuinermi ilaasaaq.

Siunnersuut aqqutigalugu oqartussaasut attuumassutilit tamarmik Naalakkersuisut iliusissanik suliaqarnissaannut ingerlatsinissaannullu ikiuinissamik pisussaaffilerneqarnissaat periarfissinneqassaaq. Matumani ilaatigut pineqarput Ilanngaaserivinnut akileraartarnermullu oqartussaasut, politit, mittarfeqarfuit umiarsualivinnullu oqartussaasut, Nakorsaaneqarfik allallu.

Peqqinnissaqarfik allatut ajornartumik peqqinnissakkut sullissinernut pingaarnersiusarnernik allanngortitsisariaqassaaq, tamatumalu saniatigut oqimaatsorsiortinnejarsinnaassalluni, soorlu sulisunik amigaateqarnikkut.

Tamatuma saniatigut kommunit killilersuinernik sunnerneqartassapput, soorlu piffissami aalajangersimasumi pisortat timersortarfiutaasa, atuarfiit, ulluunerani paaqqinnittarfiit aamma ulloq unnuarlutaaq paaqqinnittarfiit il.il. matusarnerisigut, soorluttaarlu kommunit pisut tunngavigalugit innuttaasut tunillatsissimasut aneqqusajunnaarnerannut ininut ikiunnissaannut peqquneqarsinnaassallutik.

Kiisalu ilinniarfinni atuartitsisarnerit angalanernut killilersuinernik piffissamilu aalajangersimasumi matusisarnernik sunnerneqarsinnaassapput.

4. Inuussutissarsiortunut aningaasaqarnikkut allaffissornikkullu malitsigisinjaasai

Siunnersuutigineqartoq malillugu iliuuseqartoqassappat tamanna inuussutissarsiortunut aningaasaqarnikkut pitsaanngitsumik kinguneqartussaassaaq.

Aningaasaqarnikkut ajortumik sunniutaasussat qanoq annertutiginissaanni qanoq iliuuserineqartoq sakkortutigissanersoq, piffissallu iliusissat atuinnarnissaannut pisariaqartinneqartup sivisussusissaa apeqqutaassapput.

Siunnersuut suliffimmik inuussutissarsiutaasumik ingerlatsinissamut atugassarititanik allanngortitsisinnaavoq nuna nappaalanermik nunarsuarlu tamakkerlugu tunillaassuuttunik eqquaassappat.

Suliffeqarfuit sillimaniarnissamut piumasaqaatinik aalajangersimasunik eqqortitsinissamik peqquneqarsinnaassapput, soorlu inuit qassit inimi isersimasinnaanerannut killilersuinerit eqqarsaatigalugit. Tamanna sutorniartarfiit nioqqtissanillu pisiniarfiit tuniniaanissaannut sunniuteqarsinnaassaaq killeqartitsilersinnaassalluniluunniit.

Taamatuttaaq eqqiluisaarnissaq il.il. pillugit malittarisassat immikkut ittut peqqussuteqarfiusut suliffeqarfuit aningaasartuuteqarnerulerterannik kinguneqarsinnaassapput.

Tamatuma saniatigut tikinnissanut killilersuinerit, taakkununnga takornariat tikissinnaanerannut killilersuinerit ilanngullugit, takornariartitsartut isertitaqarniarnerannut sunniuteqarsinnaassapput.

Kiisalu inuussutissarsiutillit ilaannut allaffissornikkut sunniuteqartoqarsinnaassaaq, soorlu nalunaaruteqartussaataanerit allanngortut, oqartussanit akuersissuteqartoqarnissaanik piumasaqarneq, uppermarsaanissamut pisussaaffit il.il.

5. Avatangiisinut, pinngortitamut inuillu peqqissusaannut kingunerisinnaasai

Siunnersuut avatangiisinut pinngortitamulluunniit sunniuteqannilaq.

Siunnersuut inuaqatigiit nappaatinut tunillaassortunut illersornissaat siunertaralugu saqqummiunneqarpoq, taamaammallu inuit peqqissuunissaanut pingaruteqartorujussuulluni.

6. Innuttaasunut kingunerisinnaasai

Siunnersuummi pingaarnertut siunertarineqarput tassaavoq, nunatsinnut nappaatinik tuniluuttunik eqqussuinerup killilersuineq nunatsinnilu nappaatinik tuniluuttunik siaruaattoqarnissaannut pitsaliuinikkut pinaveersaartitsineq innuttaasut illersorniarlugit.

Siunnersuut aalajangersakkanik arlalinnik innuttaasunut ataasiakkaanut annertuumik kinguneqartitsisinnaasunik imaqarpoq.

Tassani inunnut aalajangersimasunut iliuusissatut siunnersuutigineqartut, inuaqatigiit tungaasigut iliuusissat pillugit aalajangersagassatut siunnersuutit aamma nunatsinni tunillaassuuttunik eqqussuinissamut iliuusissat pillugit siunnersuummiittut ilaat pineqarput.

Tassunga atatillugu taaneqarpoq inunnut ataasiakkaanut inuaqatigiinnullu akuliuttarneq pinngitsaaliinaveersaarnissaq pillugu tunngaviup naleeqqiussinerlu pillugu tunngaviup isiginiarnerisigut pisassasoq. Iliuuserineqarsinnaasunut siunnersuutigineqartut pissutsini innuttaasunut annikitsuinnarmik kinguneqartitsisinnaasut innuttaasut illersorneqarnissaannut iliuuserineqartut pisariaqarluinnartutut nalilerneqarpata.

Siunnersuut aqqutigalugu eqqartuussivinnut suliassangortitsineq Kalaallit Nunaanni Eqqartuussisarnermut inatsimmi malittarisassat malillugit periarfissaavoq.

7. Kingunerisinnaasai pingarnerit allat

Siunnersuut naalagaaffeqatigiinnermut tunngasunut imaluunniit naalagaaffimmi oqartussaasunut tunngatillugu allannguutinut allanut aallaaviatigut kinguneqassanngilaq. Iliuuseriniakkanik aallartitsineq soorlu umiarsuarnut silaannakkullu angallannermut attaveqarnermut suleqatigiinnermullu allakkullu naalagaaffeqatigiinnermut nunanullu allanut piffissami aalajangersimasumi sunniuteqarsinnaavoq.

8. Pisortanik aamma kattuffinnik il.il. tusarniaaneq

Siunnersuut ulloq 10. oktober 2022-mi www.naalakkersuisut.gl-imi tusarniaanernut iserfissiaq aqqutigalugu, tusarniaanermi akissuteqarnissamut 9. november 2022-mut killilerlugu tamanut ammasumik saqqummiunneqarpoq.

Tusarniaanermut akissutigineqartut oqaaseqaatinik ilaqtut oqaatsit atorneqartut allanngortinnagit oqaatigeqqinneqarput, siunnersuummullu ilangussami 1-impi pisariaqartitsineq naapertorlugu oqaaseqarfingineqarlutik. Tusarniaanermut akissutigineqartunut oqaaseqaatit equngasumik allanneqarput.

Siunnersummi aalajangersakkanut ataasiakkaanut nassuaatit

§ 1-imut

Nappaatit § 2-mi taaneqartut nunami maani nungusarnerisigut imaluunniit pinaveersaartinnerisigut, siaruarnissaasa eqqunneqarnissaasaluunniit pinngitsoortinnerisigut, siaruatsaalinerisigut killilersimaarnerisigulluunniit inuiaqatigiinnik inunnilluunniit illersuinissaq Inatsisartut inatsisaanni siunertarineqarpoq.

Inuit pineqartut tassaapput inuit kikkulluunniit nunamiiittut nunamulluunniit angalarusuttut. Taamaattumik Inatsisartut inatsisaat kikkunnalluunniit nunamiiittunut imaluunniit nunatsinnut angalasunut atuuppoq, pineqartut sumi nunaqvissuuunersut apeqqutaatinnagit aamma pineqartut nunami maani najugalittut nalunaarsorsimanersut apeqqutaatinnagit.

§ 2-mut

§ 2, imm. 1-imi aalajangersakkami soorluttaaq Inatsisartut inatsisaanni maannamut atuuttumi nappaatit sakkortussusaat aallaavigalugit immikkoortiterisoqarnissaa periarfissaavoq, taamaalilluni nappaat immikkoortuni pingasuni sorlernut atassuteqarnersoq apeqqutaalluni inatsit naapertorlugu il.il. killilersuinerit aallartinneqarsinnaassapput. Taamaalilluni nappaatit tuniluuttartut, inunnut nalinginnaasumik ulorianartut inuiaqatigiinnullu aarlerinartorsiortitsut immikkoortinneqarput

Nappaatit tuniluuttartut inunnut nalinginnaasumik ulorianartunut inuiaqatigiinnullu aarlerinartorsiortitsunut tunngatillugu immikkoortunut sorlernut atassuteqarnersut nalunaarutikkut allattorsimaffittut aalajangersarneqarnissaat siunnersuutigineqarpoq, imm. 5 aamma 6 takukkit.

Aalajangersagaq malillugu kinguaassiutitigut nappaatit Inatsisartut inatsisaanni ilaatinneqanngillat.

Nappaat tuniluuttartoq

, § 2, imm. 2 naapertorlugu nappaat tuniluuttartoq tassaavoq nappaat imaluunniit peqqissutsikkut atugarisaq, tappiorannartunit nappaateqalersitsartuniillu allanit, inunnit, inunnut imaluunniit inuit akornanni tunillaassuussinnaasumit pilersartoq.

Peqqissutsikkut atugarisamik inuup tunillatsissimasup nappaammik erseqqissumik ersiuteqarani tunillannartumik timimiittoqarsinnaanera pineqarpoq.

Nappaat peqqissutsikkulluunniit atugarisaq tappiorannartunit tunillannartuniilluunniit allaniit pissuteqarsinnaavoq.

Tappiorannartut tassaapput uumassusillit, sananeqaammik ataatsimik arlaqanngitsunilluunniit sannaqartartut, isiinnarmik takuneqarsinnaanngitsut ilaatigullu virusinik, bakteerianik, miluuttunik (parasit) svampinillu ilallit ataatsimut taaguutaat.

Tunillaassuunnerit nappaatillu tappiorannartiguinnaanngitsoq siaruarsinnaaneri taaguutit "tuniluussinnaasut allat" atornerisigut qulakkeerneqarpoq. Assersuutigalugu miluuttut aalajangersimasut (soorlu kilaat) tappiorannartuunngillat isaannarmik takuneqarsinnaammata, taamaakkaluartoq nappaatip qanoq ittuunera, tunillaassuussinnaanera il.il. eqqarsaatigalugit nappaatitut tuniluuttartutut allatulli isigineqartariaqarpoq, taamaattumillu Nunatta Nakorsaaneqarfiata erseqqinnerusumik aalajangersagaa naapertorlugu Inatsisartut inatsisaanni ilaatinneqartariaqarpoq.

Inummiit inummut aammalu inuit akornanni tunillaassuuttoqarsinnaanerata kingunerisaanik, nappaat inuit akornanni atuussinnaanera, taamaattorli tunillaassuunneq inummiit allamiit inummut allamut uumasumulluunniit, uumasumiit (inummiit uumasumut uumasumiilluunniit inummut tuniluussinnaasoq) inummut imaluunniit avatangiiserisamiit inummut siaruarsinnaanera nappaatip inatsimmi ilaatinneqarnissaanut piumasaqaataavoq.

Assersuutigalugu nappaatit tuniluussinnaasut, maannakkut nappaatitut inunnut nalinginnaasumik ulorianartutut inuiaqatigiinnnulluunniit aarlerinartorsiortitsisutut taaneqarsinnaanngikkallartut ilaatigut tassaasinnaapput kilaat, bakteerianit aseruuttoortitsisinnaasunit (streptokokker) toqquaarlunneq, bakterianit aseruuttoortitsisinnaasunit (pneumokokker) puakkut aseruuttoorneq, ammikkut svamerneq kiisalu ukiup qanoq ilinerani nuallunneq.

Nappaat inunnut nalinginnaasumik ulorianartoq

Nappaat inunnut nalinginnaasumik ulorianartoq tassaavoq, nappaat tuniluuttartoq, annertunerusumik tunillaassorsinnaasoq, annertuumik toqqutaasartoq imaluunniit ulorianartumik ataavartumilluunniit ajoquisiisinnaasoq, *aammalu* piffissami sivisumi katsorsarneqarnermik, napparsimalluni takkutinngitsoornermik imaluunniit piginnaanngorsaanermik kinguneqarsinnaasoq, inuit peqqissusaannut annertuumik ulorianartorsiortitsisumik siaruarujussuarsinnaasoq, imaluunniit sunniuteqarluartumik pinaveersaartitsisoqannginnera katsorsaasoqannginneraluunniit pissutigalugu annertuumik kingunerlutsitsisinnaasoq.

Nappaat inunnut nalinginnaasumik ulorianartoq nappaat tuniluuttartuusoq § 2, imm. 3-mi aalajangersakkami siullertut aalajangerneqarpoq.

Aalajangersagaq aamma isumaqarpoq, nappaat tuniluuttartoq annertunerusumik tunillaassuussinnaasoq imaluunniit annertuumik toqqutaasartoq imaluunniit ulorianartumik ataavartumilluunniit ajoquisiisinnaasoq.

Taakku saniatigut nappaat piffissami sivisumi katsorsarneqarnermik, napparsimalluni takkutinngitsoornermik imaluunniit piginnaanngorsaanermik kinguneqarsinnaanera

imaluunniit, inuit peqqissusaannut annertuumik ulorianartorsiortitsisumik siaruarujussuarsinnaanera, imaluunniit sunniuteqarluartumik pinaveersaartitsisoqannginnera katsorsaasoqannginneraluuuniit pissutigalugu nappaat annertuumik kingunipilutsitsisinnaanissaq piumasaqaataapput.

Nappaatinut inunnut nalinginnaasumik ulorianartunut assersuutitut taaneqarsinnaapput meningitissi (qaratsap ameraasaatigut aseruuttoorneq), puallut TB, pesti (nappaassuaq), ebola, kuppit aammalu anersaartorniarnikkut nappaateqartitsisoq SARS. Corona virusimik nappaat (covid-19) nappaatit inunnut nalinginnaasumik ulorianartut ilagaat.

Nappaat inuiqatigiinnut aarlerinartorsiortitsisoq

§ 2, imm. 4-mi siunnersuutigineqartumi nappaat inuiqatigiinnut aarlerinartorsiortitsisoq tassaavoq, nappaat inunnut nalinginnaasumik ulorianartoq, siaruarnermigut inuiqatigiinni pingaaruteqarluinnartunut sakkortuumik ajoquisiisinnaasoq imaluunniit ajoquseeratarsinnaaasoq.

Nappaat inuiqatigiinnut aarlerinartorsiortitsisoq nappaatinut tuniluuttartunut inunnnulluunniit nalinginnaasumik ulorianartunut sanilliullugu sumut inississallugu ajornakusoorneruvoq. Nappaatinik immikkoortiterinermi nappaatip toqqutaasinnaassusaanik inummulluunniit kingunerisinhaasaanik peqqissutsikkut ilisimasat tunngavigalugit nalilersuineq kisiat tunngavigineqarneq ajorpoq, nappaatillit inuiqatigiinnut kingunerisassaanik ajoquisiisumilluunniit kingunerisinhaasaanik politikkikkut nalilersuineq aamma tunngavigineqartarpooq.

Nappaatit inuiqatigiinnut aarlerinartorsiortitsisutut assersuutitut taaneqarsinnaasut tassaapput pesti (nappaassuaq), kuppit, SARS aamma Corona virusimik nappaat (Covid-19).

Nappaatinik immikkoortiterineq

Iliuutsit siunnersuutigineqartut sorliit atorneqarnissaannut tunngatillugu immikkoortiterinerit pingaaruteqassapput:

Nappaatinut tuniluussinnaasunut tunngatillugu Inatsisartut inatsisaanni nalunaartussaatitaaneq pillugu malittarisassat ingammik atuuttuussapput. Nappaat inunnut nalinginnaasumik ulorianartoq nappaatit tuniluussinnaasutut aamma immikkoortinneqarnissaai siunnersuutigineqarmat, nalunaartussaatitaaneq pillugu Inatsisartut inatsisaanni malittarisassat nappaatinut inunnut nalinginnaasumik ulorianartunut aamma atuutissapput.

Inatsisartut inatsisaanni suliniutit amerlanerusut nappaatinut inunnut nalinginnaasumik ulorianartunut tunngatillugu atorneqarsinnaapput, tassunga ilanggullugit inunnut ataasiakkaanut pineqaatissiissutit inuiqatigiinnilu pineqaatissiisarnerit ataasiakkaat.

Kapitali 3-mi inunnut ataasiakkaanut pineqaatissiarnermut tunngatillugu Nunatta Nakorsaaneqarfia, suliniutissat peqqissutsikkut ilisimasat tunngavigalugit nalilersuineq malillugu atorneqarsinnaassanersut aalajangissavaa.

Kapitali 3-mi aalajangersakkat nappaatinut inunnut nalinginnaasumik ulorianartunut aamma nappaatinut inuaqatigiinnut aarlerinartorsiortitsisunut atuussinnaapput.

Naalakkersuisut nappaatit sorliit imm. 2-mi 3-milu ilaatinneqassanersut pillugit Nunatta Nakorsaaneqarfianit inassuteqartoqarneratigut § 2, imm. 5-im i oqaaseqatigiit siullit naapertorlugit malittarisassanik aalajangersaassapput.

Nunatta Nakorsaaneqarfia peqqissutsikkut ilisimasani tunngavigalugit, nappaatit sorliit nappaatitut tuniluussinnaasutut immikkoortinneqassanersut nappaatillu sorliit nappaatitut inunnut nalinginnaasumik ulorianartutut immikkoortinneqassanersut Naalakkersuisunut inassutigissavaa.

Nappaatinik tuniluussinnaasunik aamma nappaatinik inunnut nalinginnaasumik ulorianartunik immikkoortiterineq, ilaagitut nappaatip toqqutaasinnaaneranik, tuniluussinnaassusaanik il.il. peqqissutsikkut ilisimasatigut nalilersuinerit tunngavigalugit pissaaq.

Immikkoortiterineq assersuutigalugu nappaatip ineriartornera, nappaatip ilisimatusarfigineqarnera, pinaveersaartitsinermi katsorsaanermilu periaatsit atortullu ineriartortinnejnarneri, tassunga ilanngullugit nakorsaatit ineriartortinnejnarneri, inuaqatigiinni tunillanneqarsinnaanngissuseq il.il. ilutigalugit ingerlaavartumik allanngortinneqarsinnaasassaaq.

Imm. 4-mi nappaatit sorliit inuaqatigiinnut aarlerinartorsiortitsisunut tunngatillugu Naalakkersuisut malittarisassanik erseqqinnerusunik aalajangersaasinnaasut § 2, imm. 6-ikkut aalajangersarneqarpoq.

Aalajangersagaq naapertorlugu nappaatinik immikkoortiterineq Tunillaassortunik Nappaalanersuaqarneranut Ataatsimiititaliarsuaq siunersioqatigalugu pissaaq. Nappaat nalinginnaasumik uloriarnartoq Naalakkersuisunit inuaqatigiinnut aarlerinaateqartutut aalajangiiffiqeqannginnerani Nunatta Nakorsaaneqarfianit naliliiffiqeqaqqaarsimanissa piumasaqaataavoq.

Taamaaliornikkuttaaq nappaatip inuaqatigiinnut kingunerluutigisinnaasaanik nalilersuinissamut akisussaaffik naalakkersuinermut inissinneqarnissaa qulakkeerneqassaaq.

Nappaat inuaqatigiinnut aarlerinartorsiortitsisutut isigineqarunnaassaaq nappaatip inuaqatigiinni pingaruteqarluinnartunut sakkortuumik ajoquisiisinnaajunnaarnera paasinarsippat, imaluunniit nappaatip inuaqatigiinni pingaruteqarluinnartunut sakkortuumik ajoquisiisinnaanerata aarlerinassuseerussimanera paasinarsippat.

§ 2, imm. 7-im i siunnersuutigineqarpoq kinguaassiutitigut nappaatit inatsisartut inatsisaanni ilaatinneqassanngitsut. Kinguaassiutitigut nappaatit nappaatinut tunillaassortunut, Inatsisartut inatsisaanni pineqartunut sanilliullugit atoqatigiinnikkut taamaallaat tuniluuttarneri tunngavilersuutigineqarpoq.

Taamaammat innuttaasoq taassumalu pissusilersorneri aallaaviatigut tassaapput kinguaassiutitigut nappaatinik tunillatsinnissamut illersuilluarnerpaasut.

§ 2, imm. 8, naapertorlugu Naalakkersuisut meeqgerivinni paaqqinnittarfinnilu nappaatinik tuniluuttunut tunngatillugu, atuarfinnilu paaqqinnittarfinnilu immikkut ittumik tuniluutilersinnaasunut aarlerinartoqartillugu malittarisassaliorsinnaatitaapput. Aalajangersakkap nappaatit tuniluussinnaasut Nunatta Nakorsaaneqarfianut nalunaarutigineqarsinnaanissaannut malittarisassaliornissamut periarfissiivoq, malittarisassat soorlu, meeqqat nappaammik tuniluuttunik atuisut atuarfimmut iseqqusaannginnerat, imaluunniit atuarfimmi nappaammik tuniluuttumik peqalersoqartillugu tuniluunnerulersinnaaneranillu aarlerinartoqartillugu, atuarfiup piffissami aalajangersimasumi matusinnaanera.

§ 3-mut

Nunamut tamarmut atuuttussamik Tunillaassortunik Nappaalanersuaqarneranut Ataatsimiitaliarsuarmik pilersitsisoqarnissaa siunnersuutigineqarpoq Tunillaassortunik Nappaalanersuaqarneranut Ataatsimiitaliarsuup suliassai tassaapput, qinnuiginnittoqarneratigut imaluunniit nammineq ingerlatsinermigut suliniutissanik, nappaatit inuiaqatigiinnut aarlerinartorsiortitsisut, imaluunniit nappaatit inunnut nalinginnaasumik navianartut iliuuseqarfingeqannginnerasigut inuiaqatigiinnut aarlerinartorsiortitsisinnaasorineqartut, nuna tamakkerlugu iliuuseqarfinginissaannut attuumassutilinnik Naalakkersuisunut siunnersuuteqartarnissaq. Ataatsimiitaliarsuup matumani Naalakkersuisut inatsit manna naapertorlugu malittarisassanik aalajangersaassasut imaluunniit malittarisassanik aalajangersarneqareernikunik allanngortitsissasut atuukkunnaarsitsissasulluunniit inassuteqarfingisinnaavai.

Tunillaassortunik Nappaalanersuaqarneranut Ataatsimiitaliarsuup tuniluunnerup ineriartornera pissutsillu allat attuumassutillit ingerlaavartumik nalilersortassavai tamannalu tunuliaqutaralugu suliniutit aallartitat naammannersut, atorunnaarsinneqassanersut, sivitsorneqassanersut iliuuseqaqqiffingeqassanersulluunniit pillugit Naalakkersuisunut inassuteqartassalluni.

Taamaattumik ataatsimiitaliarsuup tunillaassunnermik pinaveersaartitsinermik suliniutit, peqqinnissakkut upalungaarsimaneq, nappaatinik tunillaassortunik paasiniaaneq nakkitiginninnerlu pillugit ilisimasat taamaallaat piginagit, aammali inatsit naapertorlugit suliniutinik aallartinneqartunik inuiaqatigiit aningasaqarnerisigut tunngavissat suliniutillu taama ittut kingunerisassai pillugit ilisimasat pigissagai pisariaqarpoq.

Naggasiutigalugu ataatsimiitaliarsuup iliuuseqapallassinnaanissa pingaaruteqarpoq, taamaammat naalakkersuisutut aalajangiisinjaassuseqarluni ingerlaannartumik

inississinnaanissaq pisariaqarpoq, soorlutaaq aalajangiinerit aaqqissuussaanermut inuiaqatigiinnullu tamanut ingerlateqqinnejapallassinnaanissaat pingaaruteqarluinnartoq.

Tunillaassortunik Nappaalanersuaqarneranut Ataatsimiitaliarsuaq naalakkersuisoqarfinnut oqartussanullu il.il. sinniisunik, peqqissutsimut tunngatillugu ilisimasalinnik aamma inuiaqatigiinnut aningaasaqarnermullu ilisimasalinnik katitigaassasoq aalajangersakkami siunnersuutigineqarpoq.

Matumani suliassat ataatsimiitaliap aalajangersagaq siunnersuutigineqartoq naapertorlugu isumagiumaagai eqqarsaatigineqassapput.

Imm. 2 naapertorlugu Tunillaassortunik Nappaalanersuaqarneranut Ataatsimiitaliarsuarmiittut nappaatit inuiaqatigiinnut aarlerinartorsiortitsisut imaluunniit nappaatit inunnut nalinginnaasumik navianartut iliuuseqarfingineqannginnerasigut inuiaqatigiinnut aarlerinartorsiortitsisinnaasorineqartut nuna tamakkerlugu iliuuseqarfingineqarnissaannut atatillugu katersuuttassapput. Taamaattumik ataatsimiitaliarsuaq nappaatinik inuiaqatigiinnut aarlerinartorsiortitsisunik aalajangersimasunik iliuuseqarnissamut atatillugu suliaqartartussaq matumani pineqarpoq. Taamaattorli Tunillaassortunik Nappaalanersuaqarneranut Ataatsimiitaliarsuaq ukiumut ataasiarluni ataatsimiittarpoq, ilaatigut ilaasortat nutaat ataatsimiitaliap sulinera pillugu ilisimatinneqarsinnaaniassammata.

Tunillaassortunik Nappaalanersuaqarneranut Ataatsimiitaliarsup inuttalersornera imm. 3-mi ersippoq. Imm. 8 naapertorlugu Peqqissutsimut Naalakkersuisoqarfimmi Naalakkersuisoqarfimmi pisortaq Tunillaassortunik Nappaalanersuaqarneranut Ataatsimiitaliarsuarmut siulittaasuovoq. Ilaasortat ilaat suliassaqarfinnut, pisumi ajornartoorfiusumi iliuuseqapallattariaqarsinnaasunut; tassa peqqinnissaqarfimmut, umiarsualivinnut timmisartoqarfinnullu, inuussutissarsiuutinut, ilinniarfinnut, atuarfinnut ulluuneranilu paaqqinnittarfinnut kiisalu aningaasaqarnermut suliassaqarfimmut sinniisuussapput.

Nunatta Nakorsaanera aamma Peqqinnissaqarfimmi pisortaaneq peqqissutsikkut ilisimasaqartuussapput. Taamatuttaaq kommunit Tunillaassortunik Nappaalanersuaqarneranut Ataatsimiitaliarsuarmi sinniisoqarnissaat siunertarineqartumut pitsasuussasoq isumaqarfingineqarpoq, suliniutini amerlanerusuni kommunit ilisimasaat suleqataanissaallu pisariaqartinneqartussaammata.

Unioqqutisoqarnerani pineqaatissiinissamut periarfissaqarpoq, tamannalu politiinut attuumassutilinnik suliassaqartarpoq. Taamaattumik Politiit pisortaata Tunillaassortunik Nappaalanersuaqarneranut Ataatsimiitaliarsuarmut ilaasortaanissa piissusissamisoorsorineqarpoq.

Imm. 4 aamma 5 naapertorlugit kommunit ataatsimoorlutik ilaasortassamik toqqaassapput. Isumaqatigiinngissuteqarpat kommunit ataasiakkaat ataatsimik innersuussissapput,

tamatumalu kingorna kommunit innersuussaat akornanni Naalakkersuisut ilaasortassamik toqqaassallutik.

Kommunit sinnerlugit ilaasortaasoq communalbestyrelsimit ilaasortaaqquaanngilaq. Ilaasortaq communalbestyrelsimit ataatsimit imaluunniit arlalinniit qinnuiginnittoqarneratigut ilaasortamik nutaamik toqqaasoqarnissaanut inassuteqartoqarnissaanulluunniit imaluunniit ilaasortap nammineq kissaatini malillugu ilaasortaajunnaarnissaata tungaanut Tunillaassortunik Nappaalanersuaqarneranut Ataatsimiitaliarsuarmi ilaasortaaginnassaad.

Imm. 6-imi aalajangersarneqarpoq, Tunillaassortunik Nappaalanersuaqarneranut Ataatsimiitaliarsuarmi ilaasortaq peqataasinnaangikkuni ilaasortaq sinniisuminik peqataatitaqarsinnaasoq. Ilaasortap sinniisussaminik nammineq toqqaassaaq.

Imm. 7 naapertorlugu Tunillaassortunik Nappaalanersuaqarneranut Ataatsimiitaliarsuaq ataatsimiinnernut peqataasussanik allanik attuumassutilinnik qaaqqusisinnaavoq.

Imm. 9-mi aalajangersarneqarpoq Nunatta Nakorsaaneqarfia tuniluunnerup siaruinerata ineriarnera il.il. pillugit paasissutissaatai taakkualu aallaavigalugit peqqissutsikkut ilisimasat tunngavigalugit naliliineri Tunillaassortunik Nappaalanersuaqarneranut Ataatsimiitaliarsuup Naalakkersuisunut siunnersuineranut inassuteqarneranullu tunngaviliissasut.

Taamaattumik Nunatta Nakorsaaneqarfianit nappaatip siaruaannerata ineriarnera il.il. pillugit paasissutissat kiisalu peqqissutsikkut ilisimasat tunngavigalugit tamatumannga nalilersuinerit Naalakkersuisunut siunnersuinermut inassuteqarnermullu tunngavinni takuneqarsinnaassaassasut siunnersuutigineqarpoq.

Tamanna isumaliuutersuutit aqqutissiuussinerillu, Tunillaassortunik Nappaalanersuaqarneranut Ataatsimiitaliarsuup Naalakkersuisunut siunnersuineranut inassuteqarneranullu tunngaviusut erseqqinnerunissaannut iluaqutaassaaq.

§ 4-mut

Pisortani oqartussat tamarmik Nunatta Nakorsaaneqarfia pisussaaffimminik ingerlatsiniarneranut oqartussallu allat Inatsisartut inatsisaat naapertorlugu piginnaatinneqarnerannik suliaqarnerannut ikuunnissamik pisussaaffeqarnerat imm. 1-imi aalajangersakkami aalajangersarneqarpoq.

Aalajangersakkami oqartussat Naalakkersuisut ataanniittut kiisalu kommunit ataaniittut ilaatinneqarput.

Kommunimi oqartussat tamarmik, tassunga ilanngullugit kommunit suleqatigiiffi kiisalu najukkani oqartussat nammineerlutik oqartussaassusillit aalajangersakkami ilaatinneqarput.

Naalagaaffimmi oqartussaasut imaluunniit nunani allani oqartussaasut, assersuutigalugu Kalaallit Nunaanni allaffillit aalajangersakkami ilaatinneqanngillat.

Taamaaqataanik aalajangersagaq Inatsisartunut taakkununngaluunniit atassutilinnut, soorlu Inatsisartut Ombudsmandiannut atuutinngilaq.

Aalajangersagaq naapertorlugu pisussaaffimmi siullertut ilitsersuineq ilaassaaq. Taamaaliornikkut oqartussat inatsit naapertorlugit suliassanik isumaginnittut oqartussanut allanut assersuutigalugu suliassaqarfimmi immikkut ilisimasalinntut imaluunniit pisuni immikkut ittuni iliuuseqarnermik misilittagalinnut pisup taama ittup qanoq iliuuseqarfigineqarsinnaaneranut tunngatillugu ilitsersoqqusinnaanissaat qulakkeerneqassaaq. Ikiunnissaq pisussaaffimmi aamma ilaassaaq.

Ikuunnermi Naalakkersuisut aalajangigaannik ingerlatsinissamut, naammassinninnissamut piviusunngortitsinissamullu suliassanik ikiunnissaq pineqarpoq.

Pisussaaffimmi assersuutigalugu sumiiffinnik matusinissamik aalajangiiniarnermut, assersuutigalugu qatserisartoqarfiiit sulisunik, sakkunik atortunillu atugassiinerisigut ikiunnissaq ilaassaaq.

Pisussaaffimmi siunnersuutigineqartumi aallaaviatigut pisortani oqartussat ilaatinneqarput, tassunga ilanngullugit aalajangiisartut aamma siunnersuisooqatigiit. Taamaattorli suleqatigiiffiit namminersortut, ingerlatseqatigiiffiit inatsisitigullu pisinnaatitaasut pisussaatitaasullu aamma taamannak pisussaaffilerneqarsinnaapput, imm. 2 takuuk.

Taakku saniatigut namminersortut pisuni immikkut ittuni oqartussat suliassaasa ilaannut aamma ikiuussinnaasut imm. 2-mi aalajangersakkami aalajangersarneqarpoq.

Oqartussat suliassaattut siunnersuullu naapertorlugu namminersortut ikiorsiissutigisinhaattut assersuutigineqarsinnaapput nunaqarfiiit akornanni pisarialinnik angallassinerit. Pisuni taama ittuni naalakkersuisoqarfiiit attuumassutilit aqutsinerisa akisussaanerisalu ataaniissapput.

§ 5-imut

§ 5. imm. 1-imi siunnersuutigineqarpoq communalbestyrelsit nappaatit inunnut nalinginnaasumik ulorianartut inuiaqatigiinnulluunniit aarlerinartorsiortitsisut siaruarnissaannik pinaveersaartitsiniarlutik siaruanginnissaallu qulakkeerniarlugu iliuuseqassasut, matumani nappaatit taamaattut pinaveersaartinnissaannut iliuuseqarfiginissaannullu pilersaarusiussasut pineqaatissiinermilu Inatsisartut inatsisait naapertorlugu aalajangersarneqartunik imaluunniit matumani pineqartut naapertorlugit aalajangersarneqartunik suliaqarnermik ikiutissasut.

Tassa imaappoq, assersuutigalugu communalbestyrelsit nappaatip tunillaassuunnissaata pinaveersaartinneqarnissaa siunertaralugu utoqqaat illuani najugaqartoq – pisariaqarpat – najugaqartunit allanit immikkoortinnejarsinnaanissaa qulakkeerniarlugu inissiivinnik pisariaqartunik isumaginnissasut.

§ 6-imut

§ 6, imm. 1-imni siunnersuutigineqarpoq kommunalbestyrelsip qulakkiissangaa najugaqartoq najugaqartunit allanit immikkoortinnejarsinnaanissaq qulakteerniarlugu inissiivinnik pisariaqartunik isumaginissaq.

Unnuinissamut perarfissaqarpat pisariaqartitallu tunngaviusut tamarmik, tassunga ilanngulligit nerisassat imeruersaatillu pissarsiarineqarsinnaappata inissiivik mattusimanissamut naleqquttuussaaq. Aamma ilaatigut napparsimaviusinnaapput akunnittarfiusinnaallutilluunniit.

Tamanna ilaatigut innuttaasunut atuuppoq, inissakitsumi imaluunniit pitsaanerpaamik ininik agguarsimasoqanngitsuni inuppassuarnik inoquteqartuni, aamma innuttaasunut allamik allanilluunniit inoquteqartunut, tunillatsisimasup oqartussat angerlarsimaffimmi mattusimanissamut innersuussutaat malillugit suleqatiginninnissaminut ajornartorsiuteqartunut, assersuutigalugu inuuniarnermi ajornartorsiuteqarneq imaluunniit paasinnittaatsikkut piginnaasakillisimaneq pissutigalugu tunillatsinissamut uloriarnartorsiorneq annertunerulersarmat. Kiisalu innuttaasunut inummik imaluunniit inunnik arlalinnik ulorianartorsiortunik inoquteqartunut, taakku naapertuuttumik mattusimatinneqarnissaasa qulakteernissaat ajornakusoortunut atuuppoq.

Erseqqissaatigineqassaaq, aalajangersagaq manna kommunalbestyrelsit nalinginnaasumik ingerlaavartumillu inissiivinnik pilersitsinissaannut akisussaaffiliinngimmat, akisussaaffillu kommunalbestyrelsit pisuni tamanna pillugu malittarisassiorsimasunut taamaallaat atuummat. Taamaalluni malittarisassanik pisumut aalajangersimasumut tunngasunik atuutilersitsinissaq pisussaaffeqalernissamut piumasaqaataassaaq.

Imm. 1 malillugit kommunalbestyrelsip akisussaaffii pillugit Naalakkersuisut maleruagassanik ersarinnerusunik aalajangersaassasut § 6 imm. 2-kkut siunnersuutigineqarpoq.

Tassunga atatillugu kommunalbestyrelsit piumasaqaatit sorliit atussaneraat, assersuutigalugu pisatsersornermut, eqqiaanermut, eqqiluisaarnissamut, isersinnaanermut, pulaartinut allanut sulisunullu attaveqarnissaq pillugit malittarisassanik erseqqinnerusunik aalajangersaasoqarsinnaavoq. Aamma ilaatigut mattussimaviup, namminersortumit kommunimilluunniit pilersinneqarsimanera ingerlanneqarneraluunniit apeqqutaatinnagu, najoqqutassanik pisumi aalajangersimasumi pisarialinnik malinninnissaa pillugu malittarisassanik erseqqinnerusunik aalajangersaasoqarsinnaassaaq.

Naalakkersuisut tamatuma saniatigut imm. 1 naapertorlugu mattusimavinnut innersuussisarnermut piumasaqaatit pillugit, aamma mattussivinniinnerit aamma najugaqarnermi nerisaqarnermut nammieq akiliuteqartarneq pillugu malittarisassanik erseqqinnerusunik aalajangersaassapput.

Pisussaaffii aalajangersimasut piffissap ingerlanerani ineriartortinnejarsinnaanngilaq aalajangersakkami pisussaaffii

sorliit malinneqassanersut kisianni pisussaaffiliinermi pissutsit tamarmik nappaatit tunillaassortut pinaveersaartinnerannut iliuuseqarfigineqarnerannullu pingaaruteqarsinnaasut ilaatinneqassapput.

§ 7-imut

Aalajangersakkami piumasaqaatit nalinginnaasut kapitali 3-mi iliuutsit atuutilersinneqarnissaanut atuuttut pineqarput.

Kapitalimi tullinnguuttumi iliuutsit peqqissutsikkut ilisimasat tunngavigalugit naliliinermi tunngaveqarput Nunattalu Nakorsaaneqarfianit atuutilersinneqarsinnaallutik. Iliuutsit inunnut ataasiakkaanut tunngapput; taamaakkaluartoq tulliuttumi nassuiardeqartumi § 8, imm. 5 naapertorlugu inunnut ataasiakkaanut eqimattakkaanut iliuutsit tunngatinneqarsinnaapput.

Pisariaqartitsinermut naleqqiussinermullu tunngaviit aalajangersakkami aalajangersarneqarput.

Pisariaqartuunissaq pillugu piumasaqaat isumaqarpoq pinaveersaartitsiniarluni imaluunniit nappaatip pineqartup siaruatsaaliniarneranut iliuuseqarnissaq pisariaqarpat kapitali tullinnguttoq malillugu taamaallaat iliuusissanik aalajangiisoqarsinnaasoq.

Piumasaqaat isumaqarportaaq kapitali malillugu aallartitsinissamik iliuuseqarnissaq pillugu aalajangiisoqartinnagu nappaatip pineqartup pinaveersaartinnissaanut imaluunniit siaruatsaalnissaanut iliuusissat qanoq pisariaqartiginerat pillugit naliersuisoqaaqqaassasoq. Iliuusissaq pisariaqartutut nalilerneqanngippat tamanna aallartinneqarnaniluunniit attanneqassanngilaq.

Naleqqiussineq pillugu tunngavik isumaqarpoq iliuusissanik aalajangersaanermi iliuusissatut tunngavilersuutigineqartunut atatillugu iliuusissat naleqquttuunerannik naliersuisoqassasoq. Tamanna aamma killilersuinerit allat il.il. Inatsisartut inatsisaanni aalajangersakkat allat malillugit aalajangersarneqarsimasut eqqarsaatigalugit isigineqassaaq.

Iliuuserineqartoq akuliuffiunnginnerpaaq qajassuussinerpaarlu atorneqassaaq, tamanna siunertarineqartup anguniarnissaanut naammassappat.

Taamaasilluni killiliinernik akuliuffiunnginnerusunik aalajangersaanissaq erseqqissumik naammappat inerteqqummik aalajangersaasoqarsinnaassanngilaq.

Aalajangersakkami iliuuseq akuliuffiunnginnerusup atorneqarnissaq ulakkeerneqassaaq siunertaq anguneqarsinnaappat. Tamanna isumaqarpoq iliuutsip siunertaata angunissaanut iliuutsit akuliuffiunerusut atuutilersinneqannginneranni iliuutsit akuliuffiunnginnerit naammannersut misissorneqassasut.

§ 7, imm. 2-mi iliuutsip attanneqarnissaq pisariaqarunnaarpat iliuutsit atorunnaarsinneqassasut aalajangersarneqarpoq.

Aammattaaq tamatumunnga tunngavissaaruppat, assersuutigalugu iliuuseqarnissamut tunngavissiisumik nappaatip pineqartup aarlerinartutut nalilerneqarnera tunngavissaaruppat

aalajangersakkat siunnersuutigineqartut malillugit killilersuinerit inerteqquteqarnerilluunniit attanneqarsinnaassanngillat.

Erseqqissarneqassaaq nappaatinik tunillaassortunik pinaveersaartitsinerup akiuiniarnerullu nalorninermut siumullu oqaatigineqarsinnaangitsunut atassuteqarnera aammalu inuit inuaqatigiillu illersornissaat anguniarlugu mianersornissamut tunngavik aallaavigalugu iliuutsit sunniutaannik uppermarsaatitaqanngitsunik ilisimasaqarfingineqanngitsunillu iliuusissanik aalajangersaasoqarsinnaanissaannut piumasaqaatinit killilerneqassanngitsoq. Mianersornissamut tunngaviup kingunerisaanik, ilisimatuussutsikkut ilisimasat pissarsiarineqarsinnaasut aarlerinassutsimik tamakkiisumik nalilersuinissamut periarfissaqartitsinngippata, innuttaasunut inuaqatigiinnullu peqqissutsitigut illersuinissarlu eqqarsaatigalugit mianerisassat illuatungaanilu innuttaasut pisinnaatitaaffii eqqarsaatigalugit mianerisassat oqimaaqatigiissarneqassapput.

Assersuutigalugu imatut pisoqarsinnaavoq, nappaatip inuaqatigiinnut aarlerinartorsiortitsisup variantia nutaaq, tunillaassuutiasupilussuaq toqunartorlu pillugu ilisimasakinneq pissutigalugu kiffaanngissusiaalluni killilersuisoqalernera variantillu pissusai erseqqinnerusumik nassuiarneqarneranni tamatuma pisariaqarsimannngikkaluarneranik kingorna paasisimasaqalerneq.

§ 8-mut

§ 8, imm. 1 malillugu §§ 9, 10, 11 aamma 13, imm. 1 aamma 2 malillugit inunnut ataasiakkaanut iliuutsinik aallartitsisinnaavoq, nappaat inunnut nalinginnaasumik ulorianartorsiortitsisoq imaluunniit inuaqatigiinnut aarlerinartorsiortitsisoq pinaveersaartinniarlugu siaruatsaaliniarluguluunniit.

Siunnersuut malillugu Naalakkersuisut Nunatta Nakorsaaneqarfianit inassuteqartoqarneratigut inunnut ataasiakkaanut eqimattakkaanut nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik napparsimasunut imaluunniit nappaammik taama ittumik tunillatsissimasorisanut iliuutsinik siusinnerusukkut allaaserineqartunik aallartitsisinnaaneq pillugu malittarisassanik aalajangersaasinnaapput.

Aalajangersagaq atorlugu inunnut ataasiakkaanut eqimattakkaanut inunnut nalinginnaasumik ulorianartumik inuaqatigiinnulluunniit aarlerinartorsiortitsisumik napparsimasoq imaluunniit nappaammik taama ittumik tunillatsissimasoraq iliuusissanik aallartitsinissamut, nappaatip pinaveersaartitsinissaanut siaruatsaalissaanulluunniit pisariaqartitsisoqassappat malittarisassanik aalajangersaasoqarsinnaavoq.

Eqimattat ima paasineqassapput, inuit marluk arlallilluunniit assersuutigalugu, sumiiffimmi ataatsimoorsimasut, pisumi ataatsimi peqataasimasut imaluunniit suliffimmi suleqatigiissimasut.

Inunnut ataasiakkaanut eqimattakkaanut malittarisassanik aalajangersaasoqarsinnaavoq taamaallaat eqimattat taakku inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimapata imaluunniit nappaammik taama ittumik tunillatsissimasorineqarpata.

Kapitali malillugu iliuusissanik aallartitsinissamut aalajangiinnginnermi - nappaat pineqartup pinaveersaartinnissaanut siaruatsaalinishaanulluunniit qanoq iliuusissat pisariaqartiginersut - naapertuunnersulluunniit nalilersorneqaqqaassapput.

Iliusissat pisariaqarnersut nalilersorneqarneranni ilaatigut nappaatip suussusaa tuniluussinnaassusaalu eqqarsaatigineqassapput.

Iliusissat pisariaqanngippata naapertuutinngippatalu aallartinneqarsinnaassanngillat.

§ 8, imm. 2-mi siunnersuutigineqarpoq Nunatta Nakorsaaneqarfia kapitali matumani pineqartoq malillugu iliuutsinik peqqussuteqannginnermini iliuuseqarfingineqartussatut eqqarsaatigineqartoq iliuuseqarnerup naammassinissaanut suleqataanissaanik piumaffigissagaa.

Tassa imaappoq iliuusissaq aallartitsinnagu attatsinnagulu kajumissutsimik suleqataarusunnersoq *qulakkeerneqartuaannassaaq*.

Kajumissutsimik suleqataasitsinissamut kajumissaarineq ilaatigut innuttaasunut aalajangersimasunut paassisutissiinermik kajumissaarinermillu ilaqarsinnaavoq. Kajumissutsimik suleqataasitsinissamut kajumissaarineq oqaasiinnakkut allakkatigulluunniit pisinnaavoq.

§ 8, imm. 3-mi inuit iliuuseqarfingineqartussatut eqqarsaatigineqartut tassaapput, paaqqinnittarfimmi, katsorsaavimmi assigisaaniluunniit najugaqartut najugaqarallartunulluunniit. Taamak pisoqartillugu Nunatta Nakorsaaneqarfia paaqqinnittarfik katsorsaavilluunniit qinnuigissavaa inuk aalajangersimasoq kajumissutsiminnik suleqataanissaanut kajumissaaqqullugu. Tassa paaqqinnittarfinni, najugaqarfissatut neqeroorutini assigisaanilu iliuuseq naammassineqassappat, sulisut, assersuutigalugu misissuisoqartillugu inuup kajumissutsiminnik suleqataanissaanik kajumissaassavaat. Aalajangersakkami allaqqaneratuut suliffeqarfiiit il.il. Nunatta Nakorsaaneqarfia ilisimatittussaavaat inuk nammineq piumassutsini atorlugu peqataarusunngippat. Nunatta Nakorsaaneqarfianut taamatut ilisimatitsineq pisariqarpoq, tassa Nunatta Nakorsaaneqarfia § 8, imm. 4 malillugu taamatut peqqussuteqarsinnaagami, taamaassappallu Nunatta Nakorsaaneqarfia taamatut qisuarialeqassaguni naammattumik tunngaveqarnissaa pisariaqarpoq.

§ 8, imm. 4-mi siunnersuutigineqarportaaq Nunatta Nakorsaaneqarfia paaqqinnittarfik qinnuigissagaa peqqussutit naammassineqarnissaat qulakkeeqqullugit.

Tassa iliuuseqarneq paaqqinnittarfimmi, najugaqarfissatut neqeroorummi assigisaanilu piissappata sulisut - najugaqartut kajumissutsiminnik suleqataanissaannut kajumissaareerlugit - iliuusissat naammassineqarnissaat isumagissavaat.

Nunatta Nakorsaaneqarfia § 16 malillugu paaqqinnittarfimmit katsorsaavimmiilluunniit Nunatta Nakorsaaneqarfia iliuutsip naammassinissaanik qinnuigisimasaanit qinnuiginnittoqartillugu, iliuutsip taama ittpu naammassinissaa attannissaalu siunertalarugit inummut iliuuseqarfigineqartussamut pissaanermik atuisoqarsinnaaneranik, tassa timikkut aalaakkiisinnaanermik, uninngatitsisinnaanermik utertitsisinnaanermillu imaluunniit ininik pineqartup sumiiffigisaani parnaarsisinnaanermik aalajangersinnaavoq.

Inuk nappaammik inunnut nalinginnaasumik ulorianartorsiortitsisumik imaluunniit nappaat inuiaqatigiinnut aarlerinartorsiortitsisumik napparsimassaaq, nappaat peqqissaanermik suliaqartumit uppermarsarneqarpat. Tamanna assersuutigalugu nakorsamit misissorneqarnikkut pisinnaavoq.

Inuk nappaammik inunnut nalinginnaasumik ulorianartorsiortitsisumik imaluunniit nappaat inuiaqatigiinnut aarlerinartorsiortitsisumik tunillatsissimasorineqassaaq, , inuk assersuutigalugu nappaateqarneranik ersiuteqarpat.

Taakku saniatigut inuup nunami nunaniluunniit allani najugaqarfisisimasi najugarisaminiluunniit tuniluuffiusimappat tunillatsissimasorineqarsinnaavoq. Aamma taamaassaaq inuk inummik tunillatsissimasutut paasineqartumik imaluunniit sumiiffimmi tuniluuffiusumiisimasunik peqateqarsimappat allatulluunniit attaveqarsimappat. Tunillaassuinerup annertuutut qaqugukkut isigneqarnissaanut nappaammik nalilersueqqissaarneq tunngavigineqassaaq.

§ 9-mut

§ 9-mi siunnersuutigineqarpoq Nunatta Nakorsaaneqarfia inuit, nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimasut imaluunniit nappaammik taama ittumik tunillatsissimasorisat peqqissaanermik suliaqartumit misissortinnissaannik piumaffigisinjaagai.

Inuk nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimasinnaavoq, nappaat peqqinnissaqarfimmi sulisumit suussusersineqarpat. Tamanna assersuutigalugu nakorsamit misissorneqarnikkut pisinnaavoq.

Inuk nappaammik inunnut nalinginnaasumik ulorianartumik imaluunniit nappaammik inuiaqatigiinnut aarlerinartorsiortitsisumik *napparsimasorineqassaaq* , inuk assersuutigalugu nappaateqarneranik ersiuteqarpat.

Tamatuma saniatigut inuup nunatsinni nunattalu avataani siusinnerusukkut maannakkulluunniit najugarisimasaata inuup tunillatsissimasutut naatsorsuuteqarfigineranut aallaaviusinnaavoq.

Aamma taamaassaaq inuk inummik tunillatsissimasutut paasineqartumik imaluunniit sumiiffimmi tuniluuffiusumiissimasumik peqateqarsimappat allatulluunniit attaveqarsimappat.

Tunillaassuinerup annertuutut qaqugukkut isigneqarnissaanut nappaammik nalilersueqqissaarneq tunngavigineqassaaq.

Misissuinermi ilaatigut inuit, nappaammik inunnut nalinginnaasumik ulorianartumik inuiaqtigiinnulluunniit aarlerinartorsiortitsisumik tunillatsissimasorisat nakorsamit misissortissinnaapput il.il., taamaasilluni nappaat suussusilerneqarsinnaaniassammat. Taamaasilluni pisut aalajangersimasut apeqqutaallutik aaversinneq, misissugassamik tigusiffigineqarneq, timip misissorneqarnera il.il. misissuinermi ilaasinnaapput.

Misissuineq peqqissaanermik sulianik isumaginnittunit immikkut inatsit naapertorlugu naalagaaffimmit akuerisaasumit aammalu taakkua akisussaaffigisaanik iliuuseqarsinnaasumit ingerlanneqassaaq.

Pisariaqanngitsumik innimiilliornissaq ajoqsiinissarlu pinaveersaartinniarlugit misissuinerup inuk pineqartoq sapinngisamik innimigalugu tamatigut ingerlanneqartarnissaa piumasaqaataavoq.

Nappaatit inunnut nalinginnaasumik ulorianartut inuiaqtigiinnulluunniit aarlerinartorsiortitsisut pinaveersaartinnejarnissaat siaruatsaalineqarnissaallu taamaallaat pisariaqarpata, tak. § 7, imm. 1. peqqissaanermik suliaqartumit misissortinnissaannik piumaffiginninnissamik aalajangiisoqarsinnaavoq.

§ 10-mut

§ 10-mi siunnersuutigineqarpoq, Nunatta Nakorsaaneqarfiata kinaluunniit nappaammik inunnut nalinginnaasumik ulorianartumik inuiaqtigiinnulluunniit aarlerinartorsiortitsisumik napparsimasoq imaluunniit nappaammik taama ittumik tunillatsissimasorisaq napparsimavimmut unitsinneqarnissaannik inissiivimmulluunniit allamut naleqquttumut piffissami aalajangersimasumi mattusimanissaanik peqqusinnaavaa.

Aalajangersagaq malillugu unitsinneqarneq piffissami aalajangersimasumi pissaaq. Tamanna isumaqarpoq peqqussut ilaatigut iliuutsip qaugu aallartinnejarnissa aamma qanoq sivisutigisumik attanneqarnissaarneq pillugit paassisutissanik imaqassasoq.

Peqqussutip sivisussusissaanut pissutsit, peqqussuteqarnermut tunngaviusut, uami assersuutigalugu nappaatip suunera, tunillatsinnissamullu ulorianartorsiorneq pillugu nalilersueqqissaarnerit apeqqutaassapput.

Aalajangersakkatigut inuk nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik napparsimasoq imaluunniit nappaammik taama ittumik tunillatsissimasorisaq imminut unitsinnissaanik peqquneqarsinnaavoq. Inuk nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik napparsimasinnaavoq, nappaat peqqinnissaqarfimmi sulisumit suussusersineqarpat. Tamanna assersuutigalugu nakorsamit misissorneqarnikkut pisinnaavoq.

Inuk nappaammik inunnut nalinginnaasumik ulorianartumik imaluunniit nappaammik inuaqatigiinnut aarlerinartorsiortitsisumik *napparsimasorineqassaaq*, inuk assersuutigalugu nappaateqarneranik ersiuteqarpat.

Tamatuma saniatigut inuup nunatsinni nunattalu avataani siusinnerusukkut maannakkulluunniit najugarisimasaata inuup tunillatsissimasutut naatsorsuuteqarfigineranut aallaaviusinnaavoq.

Aamma taamaassaaq inuk inummik tunillatsissimasutut paasineqartumik imaluunniit sumiiffimmi tuniluuffiusumiissimasumik peqateqarsimappat allatulluunniit attaveqarsimappat.

Tunillaassuinerup annertuutut qaqgukkut isigneqarnissaanut nappaammik nalilersueqissaarneq tunngavigineqassaaq.

Unitsitsineq nappaammik peqqussuteqarnermik kinguneqartumik nakkutiginninnissaq siunertaralugu napparsimavimmut inissiivimmulluunniit allamut naleqquttumut unitsitsinertut inissiinertullu paasineqassaaq. Taamaattumik inuup nappaammut ersiutillip, nappaammik napparsimanersoq inerniliiffiginiarlugu misissugaralugu unitsinneqarsinnaanera eqqarsaatigineqassaaq. Matatuma saniatigut inuk nappaammik inunnut nalinginnaasumik ulorianartumik napparsimasoq, napparsimalluni atugarisaata pisariaqartilerpagu misissugariniarlugu unitsinneqarsinnaanissa eqqarsaatigineqassaaq.

Unitsinneqarneq aallaaviatigut napparsimavimmi pissaaq, kisianni pissutsit immikkut ittut atuutsillugit, assersuutigalugu inissaaleqisitsineq imaluunniit tunillaassuunnerup iliuuseqarfigineqarnissaanut immikkut ittunik pisariaqartitsineq pissutigalugit inissiivinnut naleqquttunut allanut unitsitsisoqarsinnaavoq. Inissiivik naleqquttutut isigneqassaaq, inissiivimmi peqqissaanermik suliaqartunik, pineqartumik pisariaqartinneqartumik misissuisinnaasunik katsorsaasinnaasunilluunniit peqarpat.

§ 10, imm. 2-mi oqaaseqatigiinni siullerni siunnersuutigineqarpoq, sivilsunerpaamik sapaatit akunneri sisamakkaarlugit unitsitsinissamat peqqusisoqarsinnaasoq.

Inummut iliuuseqarfigineqartussamat, aallaaviatigut sivilsunerpaamik sapaatit akunneri sisamat sinnerlugit mattusimanissaanik peqqusisoqannginnissa aalajangersakkatigut qulakkeerneqassaaq. Pineqartumut taamaalilluni iliuuseqarnissap atorunnaarnissa imaluunniit sivilsunerpaamik sapaatit akunnerisa sisamat kingorna nalilersoqqinnejarnissa qulakkeerneqassaaq.

Iliuutsilli attanneqarnissaa pisariaqarunnaarpat iliuutsit ingerlaannartumik atorunnaarsinneqassapput, tamanna pillugu § 8, imm. 2 takuuk.

§ 10, imm. 2-mi oqaaseqatigiit aappaanni siunnersuutigineqarpoq, Nunatta Nakorsaaneqarfiata peqqussut sivisunerpaamik sapaatit akunnerinik sisamanik sivitsorsinnaagaa.

Nunatta Nakorsaaneqarfiata nappaatip pinaveersaartinnissaanut siaruatsaalinnissaanullu pisariaqartoq nalilerpagu, inuk nappaammik inunnut nalinginnaasumik ulorianartumik nappaatilimmut iliuutsit sapaatit akunnerinik sisamanik sivitsorneqarsinnaanissaat aalajangersakkatigut qulakkeerneqarpoq.

Unitsitsinissamut peqqusummik sivitsuinissaq taamaallaat pisuni immikkut ittuni atuutsinneqarsinnaanissa piumasaqaataavoq, assersuutigalugu inuup iliuuseqarfingeqartup, sapaatit akunnerini amerlanerpaamik sisamanik uninngatinneqarneranik sivitsuiffingeqartussap, uninnganerata qaangiunnerani tunillaasinnaasutut suli aarlerinaateqarpat.

Aamma pisariaqanngitsumik innimiilliornissaq ajoqsiinissarlu pinaveersaartinniarlugit unitsitsinerup inuk pineqartoq sapinngisamik innimigalugu pisarnissa piumasaqaataavoq. Nappaatit inunnut nalinginnaasumik ulorianartut inuiaqatigiinnulluunniit aarlerinartorsiortitsut pinaveersaartinneqarnissaannut siaruatsaolineqarnissaannullu aatsaat pisariaqarpat, inuk unitsinneqarnissaanik peqquneqarsinnaavoq, tamanna pillugu § 8, imm. 1 takuuk.

§ 8, imm. 2 malillugu piumasaqaatigineqarpoq peqqussuteqannginnermini Nunatta Nakorsaaneqarfiata pineqartup kajumissutsiminik suleqataanissaanut kajumissaarisimanissa.

§ 16 malillugu, Nunatta Nakorsaaneqarfia paaqqinnittarfimmit katsorsaavimmiilluunniit Nunatta Nakorsaaneqarfiata iliuutsip naammassinissaanik qinnuigisimasaanit qinnuiginnittoqartillugu, iliuutsip taama ittup naammassinissaa attannissaalu siunertaralugit inummut iliuuseqarfingeqartussamut pissaanermik atuisoqarsinnaaneranik, tassa timikkut aalaakkiisinnaanermik, uninngatisisisinnaanermik utertitsisinnaanermillu imaluunniit ininiik pineqartup sumiiffisaani parnaarsisinnaanermik aalajangersinnaavoq.

§ 11-mut

§ 11, imm. 1-imi siunnersuutigineqarpoq Nunatta Nakorsaaneqarfiata kinaluunniit nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsumik napparsimasoq imaluunniit nappaammik taama ittumik tunillatsissimasorisaq inissiivimmi naleqquttumi piffissami aalajangersimasumi mattusimanissaanik peqqusinnaagaa.

Aalajangersagaq malillugu piffissami aalajangersimasumi mattusimanissamut peqqusineq pissaaq. Tassa ima isumaqarpoq, aalajangiineq ilaatigut iliuusissap qaugu aallartinnissaa aamma taassuma qanoq sivisutigisumik atuutsinnissaa pillugu paasissutissanik imaqartussaavoq. Pissutsit aalajangersimasut suuneri apeqqutaatillugit peqqussuteqarnerup qanoq sivisussuseqarnissaanut nalilersuinerit aalajangiisuusassapput, tassani assersuutigalugu nappaatip qanoq ittuunera aamma tunillatsinnissamut aarlerinartorsiorneq § 10, imm. 2 tassungalu nassuaatit takukkit.

Tassani inuk iliuuseqarfingineqartussaq, inimut naapertuuttumut mattusimaneqarsinnaanera piumasaqaataavoq.

§ 11, imm. 2-mi oqaaseqatigiinni siullerni siunnersuutigineqarpoq, unitsitsinissaq pillugu peqqussut sapaatit akunnerini amerlanerpaamik sisamani atuuttussangortinnejarsinnaassasoq.

Inummut iliuuseqarfingineqartussamut, aallaaviatigut sivisunerpaamik sapaatit akunneri sisamat sinnerlugit mattusimanissaanik peqqusisoqannginnissaa aalajangersakkatigut qulakkeerneqassaaq. Pineqartumut taamaalluni iliuuseqarnissap atorunnaarnissaa imaluunniit sivisunerpaamik sapaatit akunnerisa sisamat kingorna nalileroqqinnejarnissaa qulakkeerneqassaaq.

Iliuutsilli attanneqarnissaa pisariaqarunnaarpat iliuutsit ingerlaannartumik atorunnaarsinneqassapput, tamanna pillugu § 7, imm. 2 takuuk.

Peqqussutip sivisunerpaamik sapaatit akunnerinik sisamanik sivitsorneqarsinnaanera § 11, imm. 2-mi oqaaseqatigiit aappaanni aalajangerneqarpoq.

Mattusimanissamut peqqussut taamaallaat immikkut illuinnartunik pisoqartillugu sivitsorneqarsinnaassasoq naatsorsuutigineqarpoq, assersuutigalugu inuk iliuuseqarfingineqartoq aalajangersimasumik sivisunerpaamik sapaatit akunneri sisamat uninngaffiusussat kingorna suli tunillaassuisinnaappat.

Aamma naatsorsuutigineqarpoq, mattusimaneq inuk pineqartoq sapinngisamik eqqarsaatigalugu, pisariaqanngitsumik innimiilliornerit ajoqsiinerillu pinaveersaartinniarlugit pissasoq.

Inuup mattusimanissaanut peqqussuteqarnissaq taamaallaat aalajangerneqarsinnaavoq, nappaammik nalinginnaasumik inunnut ulorianateqartup pinaveersaartinnissaa imaluunniit nappaatit inuiaqatigiinnut aarlerinartorsiortitsut siammarnissaasa killilersimatinnissaat pisariaqarpat, uani § 8, imm. 1-imi siunnersuutigineqartoq takuuk.

Inuk iliuuseqarfingineqartussatut eqqarsaatigineqartoq paaqqinnittarfimmi, katsorsaavimmi assigisaaniluunniit najugaqarpat najugaqarallarpalluunniit, suleqataanissaanik kajumissaarneqarnerata nalunaarutiginissaanut tunngatillugu Nunatta Nakorsaaneqarfiata paaqqinnittarfik qulakkeerinissasoq qinnuigissavaa, § 8, imm. 2 takuuk.

§ 16 malillugu Nunatta Nakorsaaneqarfia oqartussaaffimmit imaluunniit paqqinnittarfimmik piginnittumit Nakorsaaneqarfip iliuuseqaqqusimasaannit qinnuiginnittoqarneratigut iliuuserineqartup taama ittup naammassinissaa attannissaalu siunertaralugit inummut iliuuseqarfingeqartussamut timikkut aalaakkiiilluni, uninngatitsilluni utertitsilluniluunniit pissaanermik atuisoqarsinnaasoq imaluunniit pineqartup sumiiffigisaani ininik parnaarsuisoqarsinnaasoq aalajangersinnaavaa.

Eqqartuussinertaqanngitsumik kiffaanngissusisiaaneq inatsit tunngaviusoq malillugu eqqartuussivinnut suliassangortinneqarsinnaavoq, kiffaanngissusiliarneqartup tamanna kissaatigippagu. Kiffaanngissusisiaasoqsimatillugu siunnersuummi § 57 malillugu eqqartuussivikkut misiliisoqarsinnaavoq.

§ 5, imm. 2-mi siunnersuutigineqarpoq kommunalbestyrelsip qulakkiissangaa najugaqartunit allanit immikkoortillugu inissiineq ininut naleqquttunut pinissaat.

Unnuinissamut periarfissaqarpat pisariaqartitallu tunngaviusut tamarmik, tassunga ilanngullugit nerisassat imeruersaatillu pissarsiarineqarsinnaappata inissiivik mattusimanissamut naleqquttuussaaq. Aamma ilaatigut napparsimaviusinnaapput akunnittarfifilluunniit.

§ 12-imut

Nunatta Nakorsaaneqarfia kimilluunniit nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimasup imaluunniit nappaammik taama ittumik tunillatsissimasorisap piffissami aalajangersimasumi katsorsarneqarnissaanik peqqusinissamut aalajangersakkatigut periarfissaqalissaq.

Katsorsaanerli akuersissutitaqanngitsumik aatsaat aallartinneqarsinnaavoq, taassuma mattusimanera nappaatip siaruarnissaanut pinaveersaartitsinermut siaruatsaaliniermulluunniit naammanngippat.

Tamatuma kingunerisaanik, akuliuffiunnginnerusumik mattusimatitsinikkut avatangiisit tunillatsinnissaanut naammattumik illersuisoqarsinnaannginnera pissutigalugu katsorsaaneq akuersissutitaqanngitsumik aatsaat aallartinneqarsinnaavoq.

Aalajangersagaq malillugu katsorsartinnissamut peqqussuteqarnissaq piffissami aalajangersimasumi pissaaq. Tamanna ima isumaqarpoq, peqqussut ilaatigut iliuuseqarnerup qaugu aallartinnissa aamma qanoq sivisutigisumik attannissaa pillugu paassisutissanik imaqassaaq. Peqqussutip sivisussusissaanut pissutsit, peqqussuteqarnermut tunngaviusut, uani assersuutigalugu nappaatip suunera, tunillatsinnissamullu ulorianartorsiorneq pillugu nalilersueqqissaarnerit apeqqutaassapput.

Aalajangersakkut inuk nappaammik inunnut nalinginnaasumik ulorianartumik napparsimasoq imaluunniit inuk taama ittumik tunillatsissimasorisaq katsorsartinnissamut peqquneqarsinnaavoq.

Inuk nalinginnaasumik ulorianartumik nappateqarsinnaavoq, peqqissaanermik suliaqartumit nappaatiminik suussuserfigineqarsimasoq. Tamanna assersuutigalugu nakorsamit misissorneqarnikkut pisinnaavoq.

Inuk nappammik inunnut nalinginnaasumik ulorianartumik tunillatsissimasutut naatsorsuutigineqartarpoq, inuit assersuutigalugu nappaammik ersiuteqartillugit. Tamatuma saniatigut inuup nunatsinni nunattalu avataani siusinnerusukkut maannakkulluunniit najugarisimasaata inuup tunillatsissimasutut naatsorsuuteqarfigineranut aallaaviusinnaavoq.

Aamma taama pisoqassaaq, inuk inummik allamik najorteqarsimappat imaluunniit attaveqarsimappat, taanna inuk tunillatsisimasutut paasineqarsimappat imaluunniit sumiiffimmi annertuumik tunillaassuuffiusumiissimappat.

Tunillaassuinerup annertuutut qaqgukkut isigineqarnissaanut nappaammik nalilersueqissaarneq tunngavigineqassaaq.

Katsorsaanermik aallaartitsisoqarnissaanut peqqussuteqarnissamut aallaaviatigut inuup nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimanissaa piumasaqaataavoq.

Aalajangersakkut aamma katsorsaaneq aallartinneqarsinnaassaaq, inuk nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik tunillatsissimasorineqarpat.

Tamanna assersuutigalugu pisinnaavoq, pineqartoq nappaammut taassumunnga pivusoq naapertorlugu ersarissumik takussutissaqarpat, kisianni inaarutaasumik assersuutigalugu nakorsamit tigusiffigineqarnikkut nappaammik suussusilerneqanngikkaluartoq.

Uunga atatillugu katsorsaaneq, inuup nappaammik inunnut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik napparsimasup imaluunniit nappaammik taama ittumik tunillatsissimasorisap peqqissinissaa imaluunniit ikiorneqarnissaan anguniarlugu peqqissutsikkut iliuuseqarnertut suliniuteqarnertullu paasineqassaaq.

Uani aallaaviatigut nakorsaasersuilluni katsorsaaneq pineqassaaq, tassa nakorsaatit atorlugit katsorsaaneq, kisianni aamma katsorsaariaatsit allat taassunga nappaammut tuniluuttumut katsorsaatitut naleqquttutut isigineqartut atorneqarsinnaapput, ikit salinneqarnerat ilanngullugu.

Aalajangersagaq malillugu katsorsaanissami piumasaqaataavoq, peqqinnissaqarfimmi naalagaaffimmiit akuerisaallutik sulisunit aamma inunnut taakkua sinnerlugit akisussaallutik sulisunit isumagineqarnissaan.

§ 12, imm. 2-mi oqaaseqatigiinni siullerni siunnersuutigineqarpoq, sivisunerpaamik sapaatit akunnerini sisamani katsorsartinnissamut peqqussuteqarnissamut aalajangiisoqarsinnaasoq. Aalajangersakkakut qulakkeerneqarpoq, inuk iliuuseqarfingineqartussaq aallaaviatigut sapaatit akunneri sisamat sinnerlugit katsorsartinneqarnissaa peqqussutigineqarsinnaanngitsoq. Pineqartumut taamaalluni iliuuseqarnissap atorunnaarnissaa imaluunniit sivisunerpaamik sapaatit akunnerisa sisamat kingorna nalilersoqqinneqarnissaa qulakkeerneqassaaq. Iliuutsilli attanneqarnissaa pisariaqarunnaarpat iliuutsit ingerlaannaq atorunnaarsinnejassapput, soorlu § 7, imm. 2-mi siunnersuutigineqartutut.

§ 12, imm. 2-mi oqaaseqatigiit aappaanni siunnersuutigineqarpoq, peqqussut tamatuma kingorna sivisunerpaamik sapaatit akunnerinik sisamanik sivitsorneqarsinnaassasoq. Aalajangersakkakut qulakkeerneqassaaq inummut, nappaammik inunnut nalinginnaasumik ulorianartumik inuaqtigiainnulluunniit aarlerinartorsiortitsisumik napparsimasumut imaluunniit nappaammik taama ittumik tunillatsissimasorisamut iliuuserineqartussat, sapaatit akunnerinik sisamanik sivitsorneqarsinnaanissaat, iliuuseqarnerup atorunnaarsinnejarnerata nalaani nappaatip taassuma aalajangersimasup pinaveersaartinnejarnissanut siaruatsaalineqarnissaanullu iliuuseqarnerup ingerlaannarnissaa pisariaqartutut Nunatta Nakorsaaneqarfiata nalilerpagu.

Katsorsartinnissamut peqqussut taamaallaat immikkut illuinnartunik pisoqartillugu sivitsorneqarsinnaassasoq piumasqaataavoq, assersuutigalugu inuk iliuuseqarfingineqartoq nappaammik, aallaqqaammut katsorsaanermut pissutaasumik tunillaassuisinnaasutut, katsorsaanerup sivisunerpaamik sapaatit akunnerinik sisamanik sivisussusillip qaangjunnerani suli aarlerinaateqarpat.

Aamma naatsorsuutigineqarpoq, katsorsaaneq inuk pineqartoq sapinngisamik eqqarsaatigalugu, pisariaqanngitsumik innimiilliornerit ajoqsiinerillu pinaveersaartinniarlugit pissasoq.

Inuup katsorsartinnissaanut peqqussuteqarnissaq taamaallaat aalajangiinikkut pisinnaavoq, nappaammik nalinginnaasumik imaluunniit inuaqtigiainnut aarlerinartorsiortitsisumik nappaatinik pinaveersaartinnissaq imaluunniit nappaatit siammarnissaasa killilersimaarnissaat pisariaqarpat, uani § 8, imm. 1-imi siunnersuutigineqartoq takuuk.

Katsorsartinneq pisariaqaannassanngilaq kisiannili aamma nappaammik pineqartumik siaruatsaaluiinissaq tunillatsittoqarnissaanillu pinaveersaartitsinissamut tulluassaaq.

§ 8, imm. 2-mi siunnersuutigineqartoq malillugu, Nunatta Nakorsaaneqarfia, Nunatta Nakorsaaneqarfiata katsorsarneqarnissamik peqqussuteqannginnerani inuup eqqarsaatigineqartup iliuuseqarnerup naammassinissaanut suleqataanissaanik kajumissaarissasoq piumasqaataavoq.

Inuk iliuuseqarfigineqartussatut eqqarsaatigineqartoq paaqqinnittarfimmi, katsorsaavimmi assigisaaniluunniit najugaqarpat najugaqarallarpalluunniit, suleqataanissaanik kajumissaarneqarnerata nalunaarutiginissaanut tunngatillugu Nunatta Nakorsaaneqarfiata paaqqinnittarfik qulakkeerinnissasoq qinnuigissavaa, § 8, imm. 3 takuuk.

§ 8, imm. 4-mi siunnersuutigineqartoq malillugu, Nunatta Nakorsaaneqarfiata paaqqinnittarfik aalajangiissutip naammassineqarnissaata qulakkeernissaanut qinnuigissavaa. Tassa imaappoq, inummut assersuutigalugu isumassuivimmi, najugaqatigiiffimmi assigisaaniluunniit najugaqarallartumut katsorsaaneq pineqarpat Nunatta Nakorsaaneqarfiata sulisut qinnuigissavai qulakkeeqqullugu inuk pineqartoq peqqussuteqarneratut katsorsarneqassasoq.

§ 16 malillugu Nunatta Nakorsaaneqarfia oqartussaaffik imaluunniit paaqqinnittarfimmi piginnittoq Nakorsaaneqarfiup iliuuseqaqqusimasaannit qinnuiginnittoqarneratigut iliuuserineqartup taama ittpu naammassinissaa attannissaalu siunertaralugit inummut iliuuseqarfigineqartussamut pissaanermik atuisoqarsinnaasoq aalajangersinnaavaa, pineqartumik timikkut aalaakkiinikkut, tigumminninnikkut utertitsinikkullu, imaluunniit pineqartup sumiiffisaani ininik parnaarsuinikkut.

Aamma peqqussutit malinneqanngippata, inummut peqqusummik malinninngitsumut politiit pissaanermik pisarialimmik atuisinnaapput, § 17-imut siunnersuut tassungalu nassuiaatit takukkit.

§ 13-imut

§ 13, imm. 1-imi siunnersuutigineqarpoq, Nunatta Nakorsaaneqarfia tunillatsissimasunik imaluunniit tunillaassortumik timimiulinnik tunillannartunik mingutsinnejarsimasunik mingutsinnejarsimasorineqartunilluunniit eqqiaanermik aallartitsisoqarnissaanik peqqusisinnaasoq.

Aamma Nunatta Nakorsaaneqarfia tunillatsissimasunik imaluunniit tunillaassortumik timimiulinnik taakkununngaluunniit attaveqarsimasunik, tunillannartunik mingutsinnejarsimasunik mingutsinnejarsimasorineqartunilluunniit eqqiaanermik aallartitsisoqarnissaanik peqqusisinnaavoq.

Aalajangersagaq una malillugu eqqiaanermi aallaaviatigut peqqissaartumik uffarnissaq atisanillu taarsiinissaq pineqarput. Tamatumma sanitigut allatut eqqiaanermik pisariaqartitsisumik immikkut ittumik pisoqarsinnaavoq.

Tunillatsissimasoqarnera ilimagineqarsinnaavoq inuk sumiiffimmi uppernarsarneqarsimasumik tunillaassuiffiusumiissimappat imaluunniit tunillaassuiffiusutut ilimagineqartumiissimappat.

Imm. 2-mi aalajangersagaq malillugu Nunatta Nakorsaaneqarfia tunillannartut siaruarnissaat pinaveersaartinniarlugit inuit tunillannartumik mingutsinnejarsimmasorineqartut tunillannartumut misissortinnissaannik peqqusinnaavai, soorlutaaq Nunatta Nakorsaaneqarfia illersuutinik assigisaannilluunniit atuinissamik peqqusisinnaasoq.

Tamatuma saniatigut imm. 3-mi siunnersuutigineqarpoq, Naalakkersuisut inunnik eqiaanissamut aamma misissortinnissamut, illersuutinut assigisaannulluunniit malittarisassanik erseqqinnerusunik aalajangersaasinnaasut.

§ 14-imut

Nunatta Nakorsaaneqarfia angallassissutit allallu aalaakkaasuunngitsut kiisalu pigisat aalaakkaasut il.il. tunillannartuiarneqarnissaannik peqqusinnaavoq. Angallassissummik aalaakkaasuunngitsumilluunniit piginnittumut peqqusisoqassaaq. Angallassissummik aalaakkaasuunngitsumilluunniit atuisup atorpagu atuisumut peqqusisoqassaaq. Imm. 2 malillugu Naalakkersuisut Nunatta Nakorsaaneqarfia siunnersueqatigereerlugu imm. 1 naapertorlugu tunillannartuaanermut malittarisassanik erseqqinnerusunik aalajangersaasinnaapput.

§ 15-imut

Aalajangersakkap Nunatta Nakorsaaneqarfia inuit nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik napparsimasut imaluunniit nappaammik taama ittumik tunillatsissimasorisat tamanut angallassissutinik piffissami aalajangersimasumi atuinissaannik inerteqquteqarsinnaanera aqqtissiuuppa.

Inerteqquteqarnermi piffissaq qanoq sivisutigissanersoq pisut aalajangersimasut, tassunga ilanngullugu inuk qanoq sivisutigisumik tunillaassuisinnaanersoq aallaavigalugit aalajangerneqassaaq.

Inerteqqutit imm. 2 malillugu ullut arfineq-marluk tungaanut atuuttussatut nalunaarutigineqarsinnaapput. Inerteqquteqarsinnaanermut piumasaqaatit suli eqortinneqarpata piffissaq sivitsorneqarsinnaavoq.

Inuk nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik napparsimasinnaavoq, nappaat peqqinnissaqarfimmi sulisumit suussusilerneqarpat. Tamanna assersuutigalugu nakorsamit misissorneqarnikkut pisinnaavoq.

Inuk nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik tunillatsisimasutut ilimagineqarsinnaavoq, inuit assersuutigalugu nappaammut ersiuteqarpata.

Tamatuma saniatigut inuup nunatsinni nunattalu avataani siusinnerusukkut maannakkulluunniit najugarisimasaata inuup tunillatsissimasutut naatsorsuuteqarfigineranut aallaaviusinnaavoq.

Aamma taama pisoqassaaq, inuk inummik allamik najorteqarsimappat imaluunniit attaveqarsimappat, taanna inuk tunillatsisimasutut paasineqarsimappat imaluunniit sumiiffimmi annertuumik tunillaassuuffiusumiissimappat.

Tunillaassuinerup annertuutut qaqugukkut isigneqarnissaanut nappaammik nalilersueqqissaarneq tunngavigineqassaaq.

§ 16-imut

Aalajangersagaq Nunatta Nakorsaaneqarfiata § 8, imm. 3 aamma 4 malillugu qinnuigininneranut atassutilittut isigneqassaaq.

Inummut assersuutigalugu napparsimavimmi, paaqqinnittarfimmi, najugaqarfissatut neqeroorummi assigisaaniluunniit najugalimmut iliuuseqartoqassappat, Nunatta Nakorsaaneqarfiata najugaqarfiup taanna §§ 9, 10, 11, imaluunniit § 13, imm. 1 aamma 2 malillugit peqqussutit nalunaarutigineqartut qulakkiissagai qinnuigissavaa.

§ 16, imm. 1-imi aalajangersakkut Nunatta Nakorsaaneqarfiata, ilitsersuisoqaraluartoq ikiusoqaraluartorlu inunnut Nunatta Nakorsaaneqarfiata iliuuseqaqqusimasaannit qinnuiginnittoqarneratigut iliuuserineqartup taama ittp naammassinissaa attannissaalu siunertalarugit pissaanermik atuinissamut akuersisummit tunniussisinnaanissaa periarfissinneqarpoq.

Sulisut §§ 9, 10, 11, imaluunniit § 13, imm. 1 aamma 2 malillugit iliuuseqartoqarnissaanik qulakkeerinninnissamut § 8, imm. 4 naapertorlugu iliuuseqarnissaannik pisussaaffilerneqartut, iliuusissat piumasaqaatigineqartut naammassinissaannut attannissaannullu pissaanermut tunngasunik pisariaqartinneqartunik atuinissamut aalajangersakkatigut periarfissaqalissapput.

Meeqqap inuusuttulluunniit iliuusissat naammassineqarnissaannut attanneqarnissaannullu suleqataarusunnginnera pissutigalugu pissaanermik atuinissaq pisariaqalerpat aamma meeraq inuusuttorluunniit taamatut pissusilersornermigut meeqqamut namminermut allamulluunniit ajoqusiippat, meeqqamut inuusuttumullu angajoqqaatut oqartussaatitaasut nakkutiginnittulluunniit ilanngutinnejartariaqarput. Aalajangersakkut piumasaqaataavoq § 7-mi siunnersuutigineqartumi tunngaviit aamma pinngitsaaliinikkut iliuutsinut tunngatillugu isiginiarneqassasut. Pissaanermik atuineq pisariaqartuussaaq, sapinngisamik sivikitsuussaaq iliuusissamilu piumasaqaatigineqartumi siunertarineqartumut tunngatillugu naleqquttuussalluni. Pissaanermik atuineq akuliuffiunnginnerpaaq qajassuussinerpaarlutorneqassaaq, tamanna siunertarineqartup angunissaanut naammassappat.

Tamatuma kingunerisaanik pissaanermik atuinissaq sioqqullugu, inuup peqataanissaanut kajumissaarnissaa qulakkeerneqassaaq, aamma isumaginninnermi perorsaanikkut suliniutit iluatsinngitsumik misilinnejareersimassapput.

Pissaanermik atuinermi makku atorneqarsinnaapput pineqartumut timikkut aalaakkiineq, uninngatitsineq utertitsinerlu (nr. 1), imaluunniit pineqartup sumiiffigisaani ininik parnaarsuinerit (nr. 2).

Ininik pineqartup sumiiffigisaanik parnaarsinermi pineqartup iniminngaanniit ajornanngitsumik isumannaatsumillu ikioqqusinnaanissaa qulakkeerneqassaaq. Tamatuma sanitigut sulisut pineqartoq akunnermut minnerpaamik ataasiarlutik takusartassavaat.

Pinngitsaaliilluni iliuuserineqartut attanneqarnissaat pisariaqarunnaarpata iliuutsit ingerlaannaq atorunnaarsinnejassapput.

Aalajangersakkami imm. 3 malillugu pissaanermik atuinerit najoqqutassat, soorluttaaq paaqqinnittarfinni ataasiakkaani katsorsaavinniluunniit il.il. najoqqutassat atuuttut malillugit nalunaarsorneqassapput.

Aalajangersakkami § 16, imm. 4, naapertorlugu malittarisassat imm. 1 naapertorlugu aalajangersarneqartut malittarisassanik inatsisimmi allami aalajangersarneqartunik imaluunniit inatsit alla naapertorlugu aalajangersarneqartunik sanioqqutsisinnaapput. Aalajangersagaq tassa imaappoq, assersuutigalugu § 9 naapertorlugu misissuisoqarnissaanik aalajangertoqarpat innuttaasullu taanna peqataaffigerusunnagu, pisinnaatitaaffit sanioqqutaarneqarsinnaapput innuttaasut Napparsimasut inatsisitigut inissisimanerat pillugu Inatsisartut peqqussutaanni nr. 6, 31. maj 2001-imeersoq naapertorlugu pisinnaatitaaffigisimasaat eqqarsaatigalugit.

§ 17-imut

Siunnersummi inunnut ataasiakkaanut iliuutsit pillugit kapitali 3 malillugu peqqussutit inerteqqutigineqartulluunniit malinneqanngippata politiit peqqussutit inerteqqutigineqartulluunniit taama ittut attanneqarnissaannut ikorsiisinnaanerannik aalajangersakkamik § 17 imaqrpoq.

Aalajangersagaq naapertorlugu politiit ikuunnerannut atatillugu inatsimmi aalajangersakkat naapertorlugit politiit pisariaqartillugu maleruagassat atuuttut naapertorlugit pissaanermik atuisinnaapput. Malittarisassat atuuttut innersuunneqarput inatsimmik eqqortumik atuisoqarnissaa qulakkeerniarlugu. Taamatuttaaq aalajangersakkap naqissuserpaa, politiit malittarisassat pissaanermik atuisinnaanerat maleruagassat atuuttut naapertorlugit saneqqunneqarsinnaanngitsut.

Politiit tassaapput pissaanermik atuinissamut tunngavissaqarnersoq nalilersuisussat. Politit pissaanermik atuinerat pisariaqartuussaaq illorsorneqarsinnaassallunilu, pissaanermillu atuineq illorsorneqarnissamut ujartugaasumut iliuutsit annertussusaalu soqtigineqartumut naleqqussagaassalluni. Tamatuma saniatigut pisaanermik atuineq qajassuunneqassaaq, nalaatat naapertorneqassapput taamaalisukkullu ajoqusertoqassagaluarpat minnerpaaffissamiitinneqassalluni.

§ 18-imut

Pisortat ingerlatsiviini nalinginnaasumik naleqqiussineq pillugu tunngavik atuuppoq. Uani iliuutsit akuliuffiunnginnerpaat naammappata iliuutsit akuliuffiunerusut atorneqannginnissaat, soorlu iliuutsit siunertamut tunngatillugu naleqquttuunissaat pineqarpoq. Iliuuserineqartuttaaq siunertarineqarluni anguniarneqartup angunissaanut naleqquttuussapput. Tamanna pillugu inatsimmi immikkoortuni assigiinngitsuni tunngavik pillugu aalajangersagaqarpoq. Ilaatigut tarnikkut nappaateqartuni pinngitsaaliinerup atorneqarnera pillugu inatsimmi atuuppoq. Tamanna pillugu nappaatit tunillaassortut akiorniarlugit iliuutsit pillugit Inatsisartut inatsisaanni tunngavinnik assingusumik aalajangersaasoqassasoq siunnersutigineqarpoq. Inatsisartut inatsisaanni kapitali 4 malillugu siunnersutigineqartunik aalajangersakkami § 18-kkut piumasaqaatinik tunngaviusunik nalinginnaasunillu, inuaqatigiinnut iliuutsinik aallartitsinissamik attassinissamillu naammassineqartussanik aalajangersaasoqarpoq.

Kapitali 4 malillugu § 18-imi, imm. 1-imi oqaaseqatigii siullikkut iliuuseqarnerit tamarmik pisariaqartuussasut, sapinggisamik sivikitsuussasut iliuutsimillu siunertamut tunngatillugu naleqquttuussasut siunnersutigineqarpoq.

Pisariaqassusaa pillugu tunngavik, naleqqiussineq pillugu tunngavik pinngitsaaliinaveersaarnissarlu pillugu tunngavik aalajangersakkatigut ilaatigut aalajangersarneqarput.

Pisariaqartuunissaa pillugu piumasaqaat isumaqarpoq pinaveersaartitsiniarluni imaluunniit nappaatip pineqartup siaruatsaaliniarneranut iliuuseqarnissaq pisariaqarpat kapitali 4 malillugu taamaallaat iliuusissanik aalajangiisoqarsinnaasoq. Piumasaqaat isumaqarportaaq kapitali malillugu aallartitsinissamik iliuuseqarnissaq pillugu aalajangiisoqartinnagu nappaatip pineqartup pinaveersaartinnissaanut imaluunniit siaruatsaaliniissaanut iliuusissat qanoq pisariaqartiginerat pillugit nalilersuisoqqaqqaassasoq. Iliusissaq pisariaqartutut nalilerneqanngippat tamanna aallartinneqarnaniluunniit attanneqassanngilaq.

Naleqqiussineq pillugu tunngavik isumaqarpoq iliuusissanik aalajangersaanermi iliuusissatut tunngavilersuutigineqartunut atatillugu iliuusissat naleqquttuunerannik nalilersuisoqassasoq. Tamanna aamma killilersuinerit allat il.il. Inatsisartut inatsisaanni aalajangersakkat allat malillugit aalajangersarneqarsimasut eqqarsaatigalugit isigineqassaaq.

§ 18, imm. 1-imi oqaaseqatigii aappaanni siunnersutigineqarpoq iliuutsit akuliuffiunnginnerpaat qajassuussinerpaallu atorneqassasut, taakkua siunertarineqartup naammassinissaanut naammappata. Pinngitsaaliinaveersaarnissamut tunngavik aalajangersakkatigut aalajangersarneqarpoq. Tamatumma kingunerisaanik iliuutsit akuliuffiunnginnerpaat qajassuussinerpaallu naammappata taakku atorneqartuaannassapput. Iliuutsit akuliuffiunnginnerpaat atorlugit siunertap anguneqarsinnaanera erseqqippat iliuusissanik aalajangersaasoqarsinnaanngilaq.

Iliuusissatut tunngavilersuutigineqartutut nappaammik pinaveersaartitsinissamut akiuiniarnermullu pisariaqartut saniatigut piffissami sivisunerusumi iliuutsit attanneqarsinnaannginnerat § 18, imm. 2-kkut aalajangersarneqarpoq. Aammattaaq tamatumunnga tunngavissaaruppat, assersuutigalugu iliuuseqarnissamut tunngavissiisumik nappaatip pineqartup aarlerinartutut nalilerneqarnera tunngavissaaruppat aalajangersakkat siunnersuutigineqartut malillugit killilersuinerit inerteqquteqarnerilluunniit attanneqarsinnaassanngillat.

Erseqqissarneqassaaq nappaatinik tunillaassortunik pinaveersaartitsinerup akiuiniarnerullu nalorninermut siumullu oqaatigineqarsinnaanngitsunut atassuteqarnera aammalu inuit inuiaqatigiillu illersornissaat anguniarlugu mianersornissamut tunngavik aallaavigalugu iliuutsit sunniutaannik uppermarsaatitaqanngitsunik ilisimasaqarfingineqanngitsunillu iliuusissanik aalajangersaasoqarsinnaanissaannut piumasaqaatinit killilerneqassanngitsoq. Mianersornissamut tunngaviup kingunerisaanik, ilisimatuussutsikkut ilisimasat pissarsiarineqarsinnaasut aarlerinassutsimik tamakkiisumik nalilersuinissamut periarfissaqartitsinngippata, innuttaasunut inuiaqatigiinnullu peqqissutsitigut illersuinissarlu eqqarsaatigalugit mianerisassat illuatungaanilu innuttaasut pisinnaatitaaffii eqqarsaatigalugit mianerisassat oqimaaqatigiissarneqassapput.

Assersuutigalugu imatut pisoqarsinnaavoq, nappaatip inuiaqatigiinnut aarlerinartorsiortitsisup variantia nutaaq, tunillaassutiasupilussuaq toqnartorlu pillugu ilisimasakinneq pissutigalugu kiffaanngissusiaalluni killilersuisoqalerneraner variantillu pissusai erseqqinnerusumik nassuarneqarneranni tamatumma pisariaqarsimannngikkaluarneranik kingorna paasisimasaqalerneq.

§ 19-imut

Nappaatip inuiaqatigiinnut aarlerinartorsiortitsisup siaruarnissaa pinaveersaartinniarlugu siaruatsaaliniarluguluunniit inuiaqatigiinnut akuliunnerit kapitali 4-imi malittarisassat aallaaviatigut aallartinneqarsinnaanerat aalajangersakkami § 19, imm. 1-ikkut aalajangersarneqarpoq.

Tassa imaappoq kapitali malillugu § 2, imm. 4 naapertorlugu nappaatip inuiaqatigiinnut aarlerinartorsiortitsisutut nalilerneqartup siaruarnissaa pinaveersaartinniarlugu

siaruatsaaliniarluguluunniit iliuutsit tamarmik atorneqarsinnaasut. Nappaammik tunillaassortumik allamik imaluunniit nappaammik inunnut nalinginnaasumik ulorianartumik pinaveersaartsiniarluni siaruatsaalitsiniarluniluunniit kapitalimi iliuutsit aallaaviatigut atorneqarsinnaassanngillat.

Taamaattorli nappaat inunnut nalinginnaasumik ulorianartoq iliuuseqarfingineqanngikkuni inuaqatigiinnut aarlerinartumik ineriertorsinnaasutut ilimagineqartoq pinaveersaartinniarlugu siaruatsaaliniarluguluunniit §§ 23, 24, 25 aamma 26 malillugit iliuutsit aallartinneqarsinnaanerat § 19, imm. 2-mi aalajangersarneqarportaaq.

Nappaammik inuaqatigiinnut aarlerinartorsiortitsinngitsumik inunnut nalinginnaasumik ulorianartumik pinaveersaartsiniarluni siaruatsaalitsiniarluniluunniit kapitali 4 malillugu inuaqatigiinnut akuliunnerit pillugit iliuutsit aallartinneqarsinnaanerat aalajangersakkatigut aalajangersarneqarpoq. Assersuutigalugu nappaat inunnut nalinginnaasumik ulorianartoq pineqartillugu, tassani ineriertornerata ilisimaneqarnera nalorninarpat aammalu nappaatip qanoq inuaqatigiinnut aarlerinartumik ineriertortitsitigisinnaanera erseqqinnerusumik paasineqarnissaata tungaanut mianersornissamut tunngavik aallaavigalugu killilersuinernik aalajangersaasoqarneratigut taama pisoqarsinnaavoq.

Sumiiffinnik matusisoqarnissaa pillugu Inatsisartut inatsisaanni § 23 malillugu pulaartut paaqqutarisariallit angerlarsimaffiinut, najugaqarfinnut paaqqinniffiusartunut, il.il. isersinnaanerannut killilersuinerit inerteqquteqarnerilluunniit pillugit Inatsisartut inatsisaanni § 24 malillugu, pisortat ingerlatsiviinik, inissiivinnik assigisaannillu atuisinnaanermut taakkununngaluunniit isersinnaanermut killilersuinerit inerteqquteqarnerluunniit pillugu Inatsisartut inatsisaanni § 25 malillugu kiisalu ulluunerani paaqqinnittarfinnik, atuarfinnik, ilinniarfeqarfinnik il.il. atuisinnaanermik taakkununngaluunniit isersinnaanermut killilersuinerit inerteqquteqarnerluunniit pillugit Inatsisartut inatsisaanni § 26 malillugu iliuutsinut atuuppoq.

§ 20-mut

§ 20, imm. 1 malillugu Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu inuit sumiiffimmi ataatsimi, tassunga ilanngullugu annerusumik minnerusumilluunniit katersuunnermut, aaqqissuussinernut, pisussanut il.il. atatillugu arlaliunissaannik inerteqquteqarnermut nuna tamakkerlugu nunalluunniit ilaanut malittarisassanik aalajangersaasinnaapput.

Aalajangersagaq naapertorlugu aatsaat nappaat inuaqatigiinnut aarlerinartorsiortitsisoq siaruaatsillugu pinaveersaartsinissaq siaruatsaalineqarnissaalu pisariaqarpat malittarisassiortoqarsinnaavoq, § 19, imm. 1 takuuk.

§ 20, imm. 1-ikkut katersuuttoqarnissaanut, aaqqissuussisoqarnissaanut, pisoqarnissaanut il.il. siammasissumik paasillugu inerteqquteqartoqarsinnaassaaq, assersuutigalugu eqimattani

ataatsimoorussamik siunertalinni, tusarnaartitsisuni, timersornikkut aaqqissuussinerni, festini, ingerlatseqatigiiffinni peqatigiiffinniluunniit ataatsimeersuarnerni ataatsimiinnernilu peqataasut, aammalu inuit katersuutinngikkaluarlutik sumiiffimmi ataatsimi ataatsimoornissaannut inerteqquteqartoqarsinnaassaaq. Assersuutigalugu inuppassuit aqusinermi assigisaaniluunniit katersunnerat ilaatigut pineqarpoq.

Aaqqissuussami peqataasut imminnut ungasissinnaanissaat nalilersoqqissaarneqarpat "sumiiffimmi ataatsimi" aaqqissuussineq il.il. arlalinnik peqataasussallit ingerlanneqarsinnaassapput.

Assersuutigalugu qaannamik takutitsinermut imaaniiluunniit aaqqissuussanut assingusunut atatillugu peqataasut imminnut ungasissapput, peqataasut tamarmik immikkut imminnut ungasillutik imaatigut angalassallutik.

Tamatuma saniatigut arpalluni sumiissusersiornerit aaqqissuussallu assingusut, imminnut ungasittunik ataasiakkaanik peqataasussallit imaluunniit eqimattakkuutaanik ikittukkuutaanik imminnut ungasittunik peqataasussallit, katersunnermut amerlassusissatut aalajangiunneqartunik tamarmik maleruaasut aallaaviatigut ingerlanneqarsinnaassapput. Aaqqissuussinerup ingerlanera tamaat peqataasut ungasissuserlik attatiinnassavaat. Taamaattoqanngippat aaqqissuussineq sioqqullugu, ingerlanerani kingornaluunniit assersuutigalugu ataatsimut aallarnermi pokalimilluunniit tunniussinermi katerinnissaq inerteqqutaassaaq.

Aaqqissuussat il.il. katerinnissamut amerlassutsimut aalajangiunneqarsimasunit amerlanerusunik peqataasussallit, matumani peqataasut sumiiffimmi annertunerusumi siaruarsimangaatsiarfigisassaat, taamaattorli aaqqissuussap ingerlanerani imminnut saneqquteqattaarfigisassaat, assersuutigalugu pikuerniarnermi tuniniaaviiit sumiiffimmi annertuumi siaruarsimasut taamaattorli tuniniaavimmiit tuniniaavimmut ingerlaarfiusussat ingerlanneqarnissaat inerteqqutaassapput.

Kiisalu pissutsit aallaavigalugit aaqqissuussinerit il.il. immikkut ittut, sumiiffimmi ataatsimi aaqqissuussani tamani peqataasussat amerlassusissaat aalajangiunneqartut tikillugit ataatsikkut peqataasussallit ingerlanneqarsinnaassapput, matumani aatsaat aaqqissuussinerit ilumut assigiinngitsut pineqarpata.

Assersuutigalugu neriniartarfinni eqimattat neriertortut arlallit, akuerisamik amerlassusilinnik peqataasussallit immikkut inuuissiortoornissaat periarfissaassaaq.

Taamaattorli katerinnernut peqataasut amerlanerpaffissaattut aalajangiunneqartoq maleruarniarlugu - amerlanerpaffissaaniilluunniit ikinnerugaluarpata - neriniartarfimmi ataatsimi ataatsimut aaqqissuussaq eqimattakkuutaanut ikittukkuutaanut arlalinnut aguataarnissaa periarfissaanngilaq.

Assersuutigalugu neriniartarfik, juullilernerani nereqatigiinnermik aaqqissuussinissamik neqerooruteqartartoq suliffeqarfinniillu arlalinnit peqataanissamik nalunaarfingeqarsinnaasoq

ataatsimut aaqqissuussinertut isigineqarpoq. Suliffeqarfitt ataasiakkaat tamarmik immikkut issiagaluartut tamanna aamma atuutissaq.

Sumiiffimmi ataatsimi aaqqissuussinernut arlalinnut tunngatillugu ilumut aaqqissuussinerit arlaqartuuusut assigiinngitsuunissaat piumasaqaataavoq. Matuman i nalilersueqqissaarneq tunngavigineqassaaq.

Piginnaatitsinermik aalajangersagaq naapertorlugu malittarisassat aalajangersarneqartariaqartut aallaaviatigut pisuni tamani inuit arlallit sumiiffimmi ataatsimi sumiiffimmiiffigisinnaasaannik imaqassapput.

Katersunnerit il.il. qanoq amerlatiginissaannut inuillu amerlassusaat qanoq naatsorsorneqarnissaannut tunngatillugu piginnaatitsissut naapertorlugu malittarisassani aalajangersarneqartariaqartuni aalajangersarneqarsinnaassapput. Nappaatip pineqartup inuiaqatigiinnut aarlerinartorsiortitsisutut nalinerneqartup siaruarnissaata pinaveersaartinnissaanut siaruatsaaliniisaanulluunniit pisariaqartutut nalinerneqartut apeqquaallutik amerlassutsit amerlisinneqarsinnaanissaat ikilisinneqarsinnaanissaallu piumasaqaataavoq.

Katersunnernik malittarisassiornermi pisariaqartitsilersinnaaneq assersuutigalugu meeraq toqlerpat kuisitsitsipallannissaq imaluunniit katitsinermi aappaasup toqujartornerani allatulluunniit napparsimaruluttumut toqlersoqartilluguluunniit upperisamik ileqqulorsornerit malittarisassanik aalajangersaanermi eqqumaffigineqassapput.

§ 20, imm. 2-mi aalajangersarneqarpoq imm. 1 malillugu inerteqquteqarnermi illup iluani, silami, pisortat inuillu sumiiffimmi ataatsimi arlaliunissaannik inerteqquteqarnerit pineqarsinnaammata.

Kiisalu aalajangersakkami tunngaviliunneqartut aallaaviatigut inuit angerlarsimaffiinut malittarisassanik aalajangersaasoqassanngitsoq piumasaqaataavoq.

Taamaattorli pisariaqalissappat katersunnerit malitsigisaannik inuiaqatigiinnut aarlerinartumik immikkut tunillatsinnissamut ulorianartoqarnera naatsorsuutigineqarpat inuit angerlarsimaffisa inuit inoqutigingisat katerisimaqatigiinnissaattut atorneqarnissaannut malittarisassanik aalajangersaasoqarsinnaavoq.

Ikinnerpaamik inuit pingasut amerlanerusulluunniit sumiiffimmi ataatsimi ataatsimoornissaannut inerteqquteqarnermik malittarisassanik aalajangersaasoqarsinnaassasoq aalajangersakkami piumasaqaataavoq.

Tassunga atatillugu inoqutigiinni inuit pingasut amerlanerusulluunniit sumiiffimmi ataatsimi ataatsimoornissaannut inerteqquteqarneq pillugu malittarisassanik aalajangersaasoqassanngitsoq piumasaqaataavoq.

Inuit pingasut amerlanerusulluunniit qanignerpaasat sumiiffimmi ataatsimi ataatsimoornissaannut inerteqquteqarnermik malittarisassanik aalajangersaasoqassanngitsoq

piumasaqaataavortaaq. Qanignerpaasat tassaapput aappaasoq, aalajangersimasumik inooqatigisaq, aalajangersimasumik aappaq, angajoqqaat, meeqqat qatanngutillu. Inuit inoqutigiinngitsut, taamaattorli inissatigut atugassaritiat tunngavissaqartitsippata ulluinnarni ilaginngitsoorneqarsinnaanngitsut sumiiffimmi ataatsimi ataatsimoornissaannik inerteqquteqarnissamut malittarisassanik aalajangersaasoqassanngitsoq piumasaqaataavortaaq. Assersuutigalugu ilinniartut ilinniartut ineqarfíini ataatsimoorussamik igaffilinnut aamma/imaluunniit uffartafilinnut assingusuniluunniit najugaqatigiiffinnut atuuppoq.

Imm. 1 naapertorlugu malittarisassat aalajangersarneqarsimasut inatsimmik allamik saneqqutsisinnaasut § 20, imm. 3-mi siunnersuutigineqarpoq. Tamatuma kingunerisaanik malittarisassat aqutsisunit aalajangersarneqartariaqartut aalajangersakkanik inatsisini allaniittunik saneqqutsisinnaapput. Tamanna pingaartumik aalajangersakkanut assersuutigalugu katersuunnernik, aaqqissuussanik, pisussanik il.il. aaqqissuussinissamut taakkunanilu peqataanissamut pisinnaatitaaffiliisunut atuuppoq.

§ 20 malillugu iliuutsit sapinngisamik sakkukillutilu sivikitsuussapput, siunertamut tunngatillugu naleqquttuussallutik soorluttaaq iliuutsit akuliuffiunnginnerpaat qajassuussinerpaallu atorneqassasut, taakkua siunertarineqartup naammassinissaanut naammappata. Iliuuseqarnissamut tunngavissaaruppat iliuutsit atorunnaarsinneqassasut piumasaqaataavortaaq. § 18, imm. 2-mut nassuaatit innersuussutigineqarputtaaq.

§ 20, imm. 4-mi aalajangersagaq siunnersuutigineqartoq katersuunnernut naalakkersuinikkut allatulluunniit isummersornissamik siunertalinnut malittarisassanik aalajangersaanissamut allatulluunniit akuliunnissamut periarfissamik mattussivoq.

Naalakkersuinermut atatillugu katersuunnerit Inatsisartunit, Naalakkersuisunit, Kommunalbestyrelsinit naalakkersuinikkullu partiinit aaqqissuunneqartut naalakkersuinermik siunertalimmik katersuunnertut isigineqarput.

Katersuunnerit peqatigiiffinnit, soqtigisaqaqatigiinnit il.il. aaqqissuunneqartut naalakkersuinikkut allatulluunniit isummersornissamik siunertalimmik katersuunnertut aallaaviatigut isigineqarsinnaanngillat, katersuunnerit ataatsimiinnikkut isummanilluunniit nittarsaassassinikkut inuiaqatigiinni pissutsinik takutitsiniarnermik ataatsimut siunertaqanngippata.

Katersuunneq isummersornissamik naalakkersuinikkulluunniit siunertap saniatigut allamik aamma siunertaqarpat, katersuunneq maleruagassat assigiinngitsut marluk malillugit suliarineqassaaq, matumani katersuunnernut tunngatillugu malittarisassaajunnartut isummersorniarluni naalakkersuinikkulluunniit katersuunnermut atuutsinneqassanatik; katersuunnerup siunertarisaanut allamut (assersuutigalugu nereqatigiinnermut) katersuunnernut tunngatillugu malittarisassat atuutsinneqassapput.

§ 20, imm. 5-imi aalajangersakkamik ikkussisoqarpoq, malittarisassanik § 20, imm. 1 naapertorlugu aalajangersarneqartunik unioqqutitsisoqannginnissaanut nakkutilliinissaq siunertaralugu eqqartuussiviit aalajangiiseeqqaarnagit ininut allanullu isersinnaanermut malittarisassanik aalajangersasinnanermut piginnaatisissut assersuutigalugu peqqissutsimut oqartussat politiilluunniit inerteqqummik unioqqutitsisoqannginnissaanik nakkutilliiniarlutik eqqartuussiviit aalajangiiseeqqaarnagit ininut il.il. isersinnaanermut piginnaatitaaffimmik pissarsinissaannut atorneqassasoq piumasaqaatigineqarpoq.

§ 21-mut

Naalakkersuisut nalinginnaasumik iserfigineqarsinnaasumi killilimmi aalajangersimasumi sumiiffimmiinnissamut piffissami aalajangersimasumi atuuttussamik inerteqquteqarsinnaasut § 21, imm. 1-imi oqaaseqatigiit siullikkut siunnersuutigineqarpoq.

Pisumi aalajangersimasumi sumiiffimmi pineqartumi nappaatip siaruarnissaanik ulorianartorsiornерup pinngitsoortinnissaanut malittarisassat § 20, imm. 1-imi siunnersuutigineqartut naammappata inuit sumiiffimmi ataatsimi arlaliunissaannik inerteqquteqarnermut tunngatillugu aalajangersarneqarsimasumut inerteqquteqarsinnaaneq atorneqassanngitsoq piumasaqaataavvoq.

Taamaalluni piumasaqaataassaaq inuit amerlasuut sumiiffimmi ataatsimi uninngaarsinnaanerannut inerteqquteqarniarnermi, pisunilu aalajangersimasuni inuaqatigiinnut navianartorsiortitsisinnaasumik nappaammik tuniluutsitsinaveersaarnermi sumiiffimmi tassani naammanngippata.

§ 19, imm. 1 naapertorlugu nappaatip inuaqatigiinnut aarlerinartorsiortitsisup siaruarnissaa pinaveersaartinniarlugu siaruatsaaliniarluguluunniit aalajangersagaq atorneqarsinnaavvoq.

Aalajangersakkatut siunnersuut naapertorlugu malittarisassat aalajangersarneqartut malillugit nalinginnaasumik iserfigineqarsinnaasumi sumiiffimmi aalajangersimasumi Naalakkersuisut inerteqquteqarsinnaapput. Tassani tamanit orninneqarsinnaasut, aqquserngit, mittarfiit, ammasariup nalaani niuertarfiit pisiniarfissiuillu ilaatigut pineqarput. Sumiiffimmut pineqartumut atatillugu inerteqquteqarnissamut piumasaqaatit taamaallaat naammassineqarsimappata sumiiffinnut killilersorneqartunut taamaallaat sumiiffimmiinnissamut, assersuutigalugu sumiiffimmi aalajangersimasumi aqqusinermiluunniit taassumaluunniit ilaanut inerteqquteqartoqarsinnaavvoq.

Taamaalluni sumiiffinnut annerusunut assersuutigalugu illoqarfiup ilaanut tunngatillugu inerteqquteqartoqarsinnaassanngilaq.

§ 21, imm. 1-imi oqaaseqatigiit aappaanni siunnersuutigineqartukkut sumiiffimmiinnissamut inerteqquteqarnermi sumiiffimmi pineqartumi angallannerup nalinginnaasup pineqannginnera siunnersuutigineqarportaaq. Inerteqquteqarneq apeqqutaatinnagu assersuutigalugu inerteqqutigineqartunut sumiiffimmukarnissaq aqqusinermkarnissarluunniit suli inerteqqutaassanngilaq.

Tamatuma saniatigut § 21, imm. 2-mi siunnersuutigineqarpoq, inerteqqut ullut arfineq-marluk tungaannut atuuttussatut nalunaarutigineqartassasoq. Inerteqquteqarsinnaanermut piumasagaatit suli eqqortinnejarpata piffissaq sivitsorneqarsinnaavoq.

§ 22-mut

Inuit arlallit sumiiffimmi aalajangersimasumiissimasut sumiiffigisimasaanni peqataaffigisimasaannilu nappaammik inuaqtigiinnut aarlerinartorsiortitsisumik uppernarsarneqarsimasumik tunillaasoqarsimappat, peqqissaanermik suliaqartumit misissortinnissaat imaluunniit pisariaqarpat inissiivimmut naleqquttumut mattunnissaat pillugit malittarisassanik Naalakkersuisut aalajangersaanissamut piginnaatitaassasut § 22-mi siunnersuutigineqarpoq.

Sumiiffimmi aalajangersimasumiissimasut inunni uumasunilu ataasiakkaani arlalinniluunniit nappaammik inuaqtigiinnut aarlerinartorsiortitsisumik uppernarsarneqarsimasumik tunillaasoqarsimatillugu tassungaluunniit atatillugu inunnut sumiiffimmi ataatsimi sumiiffimmiissimasunut nappaammik taassuminnga tunillatsissimasinnaanerannut aarlerinartoqarpat malittarisassat atorneqarsinnaapput.

Inuit eqqartuussivinni, Inatsisartuni imaluunniit politikkikkut suliaqarfiusuni isummersorfiusuniluunniit suliaqarnermik peqataasut aalajangersakkami aamma ilaatinneqassapput, naak tuniluunneq sioqquullugu § 20, imm. 4-mi saneqquaarinissamut ilaatinneqaraluartut.

Inunni ataasiakkaani kinaassusersineqarsinnaasuni aammali inuit ataasiakkaat tamarmik kinaassusersiniarneranni pissusissamisuunngitsumik nukissanik atuiffiusuni, assersuutigalugu tusarnaartitsinerni timersornikkulluunniit aaqqissuussinerni angisuuni nappaatip siaruarnissaata pinngitsoortinnissaata pingaaruteqarfiani sukkasuumik iliuutsimik aallartitsiffiusinnaasuni aalajangersagassatut siunnersuutigineqartumi malittarisassanik aalajangersaasoqarsinnaassaaq.

Assersuutigalugu uppernarsarneqarsimasumik tunillatsittoqarsimatillugu inuit suliffimmi aalajangersimasumi atorfillit atuartulluunniit misissortissinnaanerannut mattusimasinnaanerannullu malittarisassanik aalajangersaasoqarsinnaassaaq. Uppernarsarneqarsimasumik tunillaasoqarsimappat inuit pisuni, assersuutigalugu tusarnaartitsinermi, katittuni, timersornikkut aaqqissuussinermi assigisaaniluunniit peqataasimasut misissornissaannut aammalu mattusimanerup pisariaarunnissaata tungaanut mattusimanissaannut malittarisassanik aammattaaq aalajangersaasoqarsinnaassaaq. Pisut aalajangersimasut apeqquaallutik – matumani nappaatip qanoq issusaa - nakorsat misissuinerat, aaversinnej, misissugassamik tigusiffigineqarneq, timip misissorneqarnera il.il. misissuinermi ilaasinnaapput.

Nappaatip inuiaqatigiinnut aarlerinartorsiortitsisup siaruarnissaa pinaveersaartinniarlugu siaruatsaalissaaluunniit anguniarlugu inuup avatangiisaanit avissaartinnissaa mattusimanermi siunertaavoq.

Inuiaqatigiinnut aarlerinartorsiortitsisunik nappaateqartillugu nammineq angerlarsimaffimmik mattusimasoqarsinnaassaaq, taamaattorli (assersuutigalugu najukkami najugaqartut sinnerinit avissaqqanissamut periarfissaqanngikkaanni) inissiivimmi naleqquttumi allami mattusimanissaq pisariaqarsinnaavoq.

Unnuinissamut periarfissaqarpat pisariaqartitallu tunngaviusut tamarmik, tassunga ilanngulligit nerisassat imeruersaatillu pissarsiarineqarsinnaappata inissiivik mattusimanissamut naleqquttuussaaq. Assersuutigalugu napparsimaviusinnaavoq, hoteliusinnaavoq il.il.

Nappaatip qanoq ittuunera apeqqutaalluni mattusimatitsiffinni immikkut ittuniinnissaq pisariaqalersinnaavoq. Taamaammat mattusimanissamik piumasaqaateqarnerup qanoq paasineqarnissaanut nappaatip aalajangersimasup inuiaqatigiinnut aarlerinartorsiortitsisutut nalilerneqarneranik tunngaveqassaaq.

Inuit sumiiffimmi aalajangersimasumiissimasut imaluunniit katersunnerni, pisuni assigisaanilu peqataasimasut sumiiffigisimasaanni peqataaffigisimasaannilu nappaammik inuiaqatigiinnut aarlerinartorsiortitsisumik upternarsarneqarsimasumik tunillaasoqarsimappat, peqqissaanermik suliaqartumit misissortinnissaat imaluunniit pisariaqarpat inissiivimmut naleqquttumut mattunnissaat pillugit malittarisassanik aalajangersaanissaq inuup kiffaanngissuseqarnissaq pillugu pisinnaatitaaffiinut akuliunnerusoq Naalakkersuisut eqqumaffigaat.

Taamaammat misissortinnissamut mattusimanissamullu pisussaaffiliisumik malittarisassiunnginnermi nappaatip siaruarnissaanut pinngitsoortinnissaanut kajumissutsimik tunngaveqartumik aalajangersimasumik innersuussuteqarneq naammannersoq pillugu nalilersuisoqqaartuaannassaaq.

Taamaammat aalajangersagaq manna malillugu malittarisassanik aalajangersaanermi naleqqiussineq pillugu tunngavik aamma pinngitsaaliinaveersaarnissamut tunngavik atorneqartussaassapput. Taamaammat piginnaatitsissut naapertorlugu malittarisassat aalajangersarneqarsimasut sapinngisamik qajassuussillutilu sivikitsuussapput iliuutsimilu siunertamut tunngatillugu naleqquttuussallutik, soorluttaaq iliutsit siunertarineqartup naammassinissaanut naammappata akuliuffiunnginnerpaat atorneqassasut.

Malittarisassat aalajangersarneqarsimasut attannissaannut tunngavissaaruppat atorunnaarsinneqassasut piumasaqaataavortaaq.

§ 23-mut

§ 23, imm. 1 malillugu Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu sumiiffimmik, nappaatip inuiaqatigiinnut aarlerinartorsiortitsisup atuuffianik, imaluunniit sumiiffimmik nappaatip taama ittup

atuuffiulernissaanik *eqqunneqarnissaanilluuniit* aarlerinartorsiorfiulluinnartumik, piffissami aalajangersimasumi matusisoqarnissaanik peqqusisinnaapput.

Taamatuttaaq nappaammik inunnut nalinginnaasumik ulorianartumik inuiaqatigiinnullu aarlerinartumik ineriaartorsinnaasutut ilimagineqartumik pinaveersaartitsiniarneq siaruatsaalitsiniarnerluunniit pineqarpata aalajangersagaq 19, imm. 2 naapertorlugu nappaatinut inunnut nalinginnaasumik ulorianartunut atorneqarsinnaassaaq.

Mattussinngikkaanni tunillaassuuttoqalersinnaanera nappaammut maannamut ilisimalikkat atorlugit naatsorsuutigilluinnarneqarsinnaagaangat aarlerinartorsiorluinnarneq pilertarpoq.

Sumiiffinniit killilersuiffigineqartuniit tassungalu takkulluni allanik, soorlu illuutigisamiit, ineqarfiusumiit imaluunniit illoqarfiup ilaaniit, nunaqarfimmiiit illoqarfimmilluunniit peqateqarnissap pinngitsoortinnissaanut § 23, imm. 1 malillugu peqqusisoqarsinnaassaaq. Assersuutigalugu ilinniartut ineqarfianni eqimattat ineqartut akornanni tunillatsittoqarsimasoq paasineqarpat nappaallu inuiaqatigiit peqqissusaat, peqqinnissaqarfiup isumalluutai assigisaallu eqqarsaatigalugit tunillaassuunnerup pinaveersaartinnissaa siunertaralugu sumiiffiup matuneqarnissaanik pisariaqalersitsippat matusisoqarsinnaavoq.

Alla assersuut imaassinnaavoq, nunaqarfimmii nappaammik nassaartoqartillugu, taannalu nappaat nunaqarfinni najugaqartut allanut tikeraartillutik nunaqarfinnut illoqarfinnulluunniit allanut tuniluutilersinnaanissaanut aarlerinartoqarsinnaanera.

Inuit eqimattakkutaat inoqatiminnik, soorlu angajoqqaat najugaqatiginngisaminnik meerallit atassuteqarnissamik immikkut ittumik pisariaqartitsisinnaanerat, sumiiffimmik matusinissaq pillugu suliniuteqarnermi pissusissamisoortumik eqqarsaatigineqarnissaat naatsorsuutigineqassaaq.

Soorluttaaq assersuutigalugu annaassiniartut, peqqinnissaqarfimmii sulisut, angerlarsimaffimmii ikiortit aammalu eqqaavilerisut il.il. sumiiffimmiiissinnaanissaat pisariaqarsinnaasoq.

Tassunga atatillugu aalajangersagaq malillugu sumiiffik aalajangersimasoq matuneqartoq pillugu ersarissumik allagartaliinikkut assigisaanilluunniit ilisarmaasiinikkut sumiiffiup pineqartup tamanut nalunaarutigineqarnissaa piumasaqaataavoq.

Sumiiffimmik matusinermi, matumani tamatuma piffissat sumiiffiullu matuneqartup annertussusaa eqqarsaatigalugit sapinngisamik inuit katersuunnissamut periarfissaat eqqarsaatigineqassapput, pingaartumik isummanik inuit peqqissusaannut naapertuuttunik saqqummiussisinnaanissaq anguniarlugu.

Peqqissutsimut tunngatillugu sumiiffimmik matusinissaq pillugu aalajangiinermi tunngaviusut attannissaat pisariaqarunnaariarpata aalajangersakkat siunnersuutigineqartut malillugit sumiiffimmik aalajangersimasumik matusineq atorunnaarsinneqassasoq annikillisinneqassasorluunniit piumasaqaataavoq.

Imm. 2 malillugu ullut arfineq-marluk tikillugit matusinissamik peqqusisoqarsinnaavoq. Peqqussuteqarnissamut piumasaqaatit suli eqqortinneqarpata peqqussutip atuunnera sivitsorneqarsinnaavoq.

§ 23, imm. 3 malillugu Naalakkersuisut imm. 1 malillugu peqqussutinik nalunaaruteqarsinnaanermut pisinnaatitaaneq pillugu malittarisassanik erseqqinnerusunik aalajangersaasinnaapput.

Aalajangersakkani siunnersuutigineqartuni sumiiffimmik killilersuiffigineqartumik malittarisassanik erseqqinnerusunik aalajangersaasoqarsinnaavoq, soorlutaaq matusinissamut peqqussutip sivisussusaa pillugu malittarisassanik aalajangersaasoqarsinnaasoq. Tamatuma saniatigut inuit, assersuutigalugu annaassiniartartut, angerlarsimaffimmi ikiortit eqqaavilerisullu sumiiffimmi angalasinnaatitaanerat pillugu malittarisassanik aalajangersaasoqarsinnaavoq.

Soorlutaaq sumiiffimmi matuneqarsimasumi najugallit sumiiffimmi qanoq, qaqugukkut inuillu qanoq amerlatigisut angalasinnaanerat pillugit malittarisassanik aalajangersaasoqarsinnaasoq.

§ 24-mut

Inuit ataavartumik utaqqiisaagallartumilluunniit najugaanni sumiiffigisaanniluunniit, tassani paaqqutarisariallit angerlarsimaffiinut, najugaqarfinnut paaqqinnittarfiusunut, oqilisaaffinnut, inissiivinnut, najugaqarfissatut neqeroorutinut assigisaannullu, napparsimavinnut, katsorsaavinnut suliffinnullu assigisaannut tikeraartut isersinnaanerannik killilersuinissamut inerteqquteqarnissamulluunniit nuna tamakkerlugu nunalluunniit ilaanut malittarisassanik Naalakkersuisut aalajangersaasinnaanerat § 24-mi oqaaseqatigiit siullikkut siunnersuutigineqarpoq.

Aalajangersagaq naapertorlugu aatsaat nappaat inuiaqatigiinnut aarlerinartorsiortitsisoq siaruaatsillugu pinaveersaartitsinissaq siaruatsaalineqarnissaalu pisariaqarpat malittarisassiortoqarsinnaavoq, § 19, imm. 1 takuuk.

Taamatuttaaq nappaat inunnut nalinginnaasumik ulorianartoq inuiaqatigiinnut aarlerinartumik ineriartorsinnaasutut ilimagineqartumik pinaveersaartitsiniarneq siaruatsalisitsiniarnerluunniit pineqarpata aalajangersagaq 19, imm. 2 malillugu nappaatinut inunnut nalinginnaasumik ulorianartunut atorneqarsinnaassaaq.

Nappaatinik nunamut eqqussisoqarnissaata inuillu qanumut najortut najugaqatigiittulluunniit imminnut tunillannissaasa pinaveersaartinnissaat siunertaavoq. Tamanna minnerunngitsumik sumiiffinni, inuit assersuutigalugu ukiutik peqqissutsimikkullu timimikkulluunniit akiuussutissatigut nungullarsimanertik pissutigalugit nappaammik inunnut nalinginnaasumik ulorianartumik tunillanneqarunik immikkut mianerisariaqarsinnaasut, assersuutigalugu paaqqinnittarfimmi, utoqqaat illuanni katsorsaavinniluunniit najugaqarfigisaanni taakkunaniiffigisaanniluunniit tamanna atuuppoq. Sumiiffinnili allani inuit qanumut

arlallilluunniit najugaqatigiiffisaanni, assersuutigalugu najugaqarfissatut neqeroorutini assigisaannilu aamma atuuppoq.

Aalajangersagaq naapertorlugu nuna tamakkerlugu ilaanolluunniit malittarisassiortoqarsinnaavoq.

Tassa imaappoq, malittarisassanik nunamut tamarmut atuuttussanik imaluunniit malittarisassanik assersuutigalugu nunap ilaannut, kommuninut imaluunniit napparsimavinnut, najugaqarfinnut paaqqinnitarfiusunut, najugaqarfissatut neqeroorutinut assigisaannullu aalajangersimasunut taamaallaat atuuttussanik atuutilersitsisoqarsinnaavoq.

Naleqqiussineq pillugu tunngavik pinngitsaaliinaveersaarnissamut tunngavik aallaavigalugit nuna tamaat pinnagu nunap immikkoortuani sumiiffimmut minnerusumut malittarisassanik aalajangersaanissaq naammannersoq nalilersuisoqassaaq.

Aalajangersakkami siunnersuutigineqartumi malittarisassat piffissamut aalajangersimasumut atuutsinneqartarnissaat piumasaqaataavoq. Taakkua sivisussusissaannut pissutsinik aalajangersimasumik naliliinerit apeqquaassapput, kisianni piffissaq sivikinnerpaatinniarneqassaaq massumunngalu tunngavissaqanngippat atorunnaarsinneqassallutik, matumunnga § 18, imm. 2 takuuttaaq.

Aalajangersakkami siunnersuutigineqartumi tikeraartut isersinnaanerannut killilersuinerit inerteqquteqarnerlu pillugit malittarisassanik aalajangersasoqarsinnaassaaq.

Killilersuinernik aalajangersaanissamut malittarisassani ilaatigut pulaartut amerlassusaannik killilersuinermik imaqarsinnaapput, tassunga ilanngullugit sulifinni pineqartuni taamaallaat inuit amerlassusaat aalajangersimasukkaarlugit imaluunniit qanignerpaasaannaat pulaarsinnaatillugit.

Tamatuma saniatigut peqqussuteqarnikkut pulaarnissamut piumasaqaatinik aalajangersasoqarsinnaassaaq, tassunga ilanngullugit qanermut assiaqummik atuinissamut imaluunniit allatut eqqiluisaarluni iliuuseqarnissamut piumasaqaateqartoqarsinnaavoq, imaluunniit piffissami aalajangersimasumi aalajangersimasumilluunniit iliuuseqarluni, assersuutigalugu najugaqartunut pulaartunullu allanut qanillinaveersaarnissamut piumasaqaateqartoqarsinnaavoq.

Aalajangersagaq malillugu killilersuinerit inerteqqutillu pulaartunuinnaq tunngassapput, taamaalilluni inunnut katsorsaavinni paaqqutarinnittarfinnilu najugaqartunut tassaniittunullu taakkunaniluunniit sulisunut tunngatinneqassangillat.

Aalajangersagaq malillugu suliffinnut pineqartunut isersinnaatitaanermut tunngatillugu inunnut, assersuutigalugu nioqqutissanik tunniussiniartunut kiffartuussisunulluunniit imaluunniit sulinermut atatillugu suliffimmittunut inerteqquteqarnissamut aalajangersasoqarsinnaassanngilaq. Taamaattorli taakku inuit isernissaannut killilersuutinik aalajangersasoqarsinnaavoq, assersuutigalugu qanermut assiaqummik atuinissaannut piumasaqaateqartoqarsinnaalluni.

Aammattaaq aalajangersakkamik piviusunngortitsinermi killilersuinerni inerteqqutinilu ilaatinneqartussaanngitsunik aalajangersaasoqarsinnaavoq.

Killilersuinerit inerteqqutilluunniit aalajangersarneqarnerannut atatillugu - peqqinnissakkut illersorneqarsinnaasumik - qanigisanit pulaartoqarnissamut periarfissaqarnissaa qulakkeerniarlugu killilersuinerit inerteqqutilluunniit atuuffissarinngisaannik aalajangersaasoqassaaq.

Qanigisat imatut paasineqassapput aappaasoq, aalajangersimasumik inooqatigisaq, aalajangersimasumik aappaq, angajoqqaat, meeqqat ernuttallu. Ungassisumik ilaqtat, qatanngutit, meerarsiat meeravissialluunniit, ilaqtarsiat, ikinngutiglluagaq ikinngulluunniit aalajangersimasumik pulaartagaq pissutsit apeqqutaallutik aamma qanigisatut isigineqarsinnaapput, pingartumik pineqartoq aappaqartinnagu, inooqatigisaqartinnagu meeraqartinnaguluunniit.

Taamaattumik qanigisanut, inummut peruluttumut pulaartussanut imaluunniit meeqqamut najugaqarfimmi najugalinnut imaluunniit uninngasunut qanigisanut kinguartinneqarsinnaanngitsumik pulaartussanut inerteqquteqarneq pillugu malittarisassanik aalajangersaanissaq sapinngisamik pinngitsoortinneqartariaqarpoq.

Taamatuttaaq qanigisaasut inersimasunut paasinnittaatsimikkut piginnaasakillisimasunut, tassa inunnut pulaartarnermut tunngatillugu killilersuinerit siunertaannik paasinnissinnaanngitsunut taamaallutilu pulaarneqarnissamut immikkut illuinnartumik pisariaqartitsisunut pulaartarnernut atuuppoq.

Soorluttaaq qanigisaasumut angajoqqaatut akisussaatitaasoq, inuttut sinniisoq eqqartuussissuserisorluunniit inunnut, najugaqarfissatut neqeroorummi najugalimmuit unitsinneqarsimasumulluunniit pulaarsinnaasariaqartoq.

§ 24-imi aalajangersagaq malillugu malittarisassanik, uninngasut najugaqartullu napparsimaviup uninngaffigisaat, paaqqinnittarfiit, najugaqarfiit paaqqinnittarfiusut, inissiiviit, najugaqarfissatut neqeroorutit assigisaalluunniit qimassinnaanissaannut imaluunniit pineqartut sumiiffiit qimareerlugit uterfigeqqissinnaanissaannut killiliisunik aalajangersaasoqarsinnaannginnera oqaatigineqassaaq.

§ 24, imm. 2, malillugu malittarisassat oqaaseqatigiit siulliit naapertorlugit aalajangersarneqarsimasut inatsimmi allami aalajangersarneqarsimasunik imaluunniit inatsit alla naapertorlugu malittarisassanik aalajangersarneqarsimasunik saneqqutsisinnaapput. Aalajangersagaq isumaqarpoq, suliffinnut pulaartut isernissaannut inerteqquteqarneq killilersuinerilluunniit pillugit malittarisassat innuttaasut inatsit alla malillugu imaluunniit inatsit alla naapertorlugu malittarisassat aalajangersarneqarsimasut malillugit pisinnaatitaaffiinik pisussaaffiinillu saneqqussisinnaasut.

§ 25-mut

Nappaatit inuiaqatigiinnut aarlerinartorsiortitsisut inunnallu nalinginnaasumik ulorianartut pinaveersaartinnissaannut siaruatsaalineqarnissaannullu § 25-mi aalajangersagaq atorneqarsinnaavoq, tak. § 19, imm. 1 aamma 2.

Naalakkersuisut suliffeqarfinnut susassaqartitsinernulluunniit tamanut ammasunut illup iluaniittunut silamiittunulluunniit isersinnaanermut atuisinnaanermulluunniit inerteqquteqarnissamut killilersuinissamulluunniit malittarisassiorsinnaapput.

§ 25-mi oqaaseqatigiit siulliit naapertorlugit Naalakkersuisut Tunillaassortunik Nappaalanersuaqarneranut Ataatsimiitialiarsuaq siunnersueqatigereerlugu pisortat namminersortullu ulloq unnuarlu paaqqinnittarfiinik, atuarfinnik ilinniarfeqarfinnillu allanik atuinermut taakkununngaluunniit isersinnaanermut killilersuinermut inerteqquteqarnermulluunniit, nuna tamakkerlugu nunalluunniit ilaanut piffissami aalajangersimasumi malittarisassanik aalajangersaasinnaapput.

Aalajangersagaq naapertorlugu nuna tamakkerlugu ilaanoluunniit malittarisassiorqarsinnaavoq. Tassa imaappoq, nunamut tamarmut atuuttumik nunallu katitigaanera naapertorlugu assersuutigalugu nunap ilaanut kommuninulluunniit malittarisassiorqarsinnaavoq.

§ 18 naapertorlugu naligiissaarinissamik minnerpaaffeqartitsinissamillu ileqqoqartussaaneq malillugu nuna tamakkernagu nunap ilaannaannut minnerusumut malittarisassiornissaq naammannersoq nalilorsorneqartussaassaaq.

Aalajangersakkami siunnersuutigineqartumi malittarisassat piffissamut aalajangersimasumut atuutsinneqartarnissaat piumasaqaataavoq. Tassa imaappoq, malittarisassat aalajangersarneqartut, piffissatigut killiligaallutik aalajangersarneqartassasut. Taakkua sivisussusissaannut pissutsinik nalilfersueqqissaarnerit apeqqutaassapput, kisianni sapinngisamik sivikinnerpaatinneqassapput massumunngalu tunngavissaqanngippat atorunnaarsinneqassallutik, matumunnga § 18 aamma takuuk.

Aalajangersagaq naapertorlugu illup iluanut, matumani atuagaateqarfinnut, timersortarfinnut, oqaluffinnut naluttarfinnullu isernissamik inerteqquteqarnissamut killilersuinissamulluunniit malittarisassiorqarsinnaavoq. Timigissartarfinnut, pinnguartarfinnut isersimaffiusinnaasunulluunniit allanut tunillatsiffiusinnaasunut, tassunga ilangullugit assersuutigalugu silami timigissartarfinnut, atuisut atortunik assigiinnik atuiffigisaannut isernissamik inerteqqutinik killilersuinilluunniit aamma aalajangersaasoqarsinnaassaaq.

Aalajangersagaq naapertorlugu tamat aqqutaanni sumiiffiinilu il. il. killilersuisoqarsinnaananilu inerteqquteqartoqarsinnaanngilaq.

Akerlianilli Naalakkersuisut malittarisassat § 21 naapertorlugu atutilersinneqartut malillugit aalajangersimasumillu piumasaqaateqarfiusumik sumiiffinnut taama ittunukarsinnaanermut inerteqquteqarsinnaapput.

Sumiiffinni pineqartuni inuit qassit ataatsikkut isersimasinnaanersut pillugit malittarisassiortoqarsinnaassaattaaq. Taassuma saniatigut suliffeqarfinnik atuinermut piumasaqaatit pillugit malittarisassanik aalajangersaasoqarsinnaassaaq, matumani qanermut assiaqutinik atuinissaq allatigullu eqqiluisaarnissamut iliuusissat, imaluunniit isersimasut amerlanerpaaffissalernissaat, imaluunniit suliffeqarfiiit sanaartukkalluunniit aalajangersimasumik atorneqarnissaat, assersuutigalugu isersimaqatinut qanillinaveersaarnissaq ilanngullugit.

Aalajangersagaq malillugu suliffeqarfinni susassaqartitsivinnilu pineqartuni sulisut, assersuutigalugu nioqqutissanik pajuttartut sullisisartulluunniit suliffimminnut atatillugu suliffeqarfimmiettut, isersinnaanissaannut inerteqquteqarnissamut malittarisassiortoqarsinnaassanngilaq.

Akerlianilli taakku eqimattat pineqartut, assersuutigalugu qanermut assiaqummik atuinissannut piumasaqaatinik killilersuisoqarsinnaavoq.

§ 25, imm. 1-imi oqaaseqatigiit aappaat § 19, imm. 2-mut innersuussivoq, taamaalilluni nappaat inunnut nalinginnaasumik ulorianartoq iliuuseqarfigineqanngikkuni inuiaqatigiinnut aarlerinartorsiortitsilersinnaasutut ilimagineqartoq eqqarsaatigalugu killilersuinernik inerteqqutinillu aalajangersaasoqarsinnaassalluni.

§ 25, imm. 2 siunnersuutigineqartoq naapertorlugu malittarisassat imm. 1 naapertorlugu aalajangersarneqartut malittarisassanik inatsisimmi allami aalajangersarneqartunik imaluunniit inatsit alla naapertorlugu aalajangersarneqartunik sanioqqutsisinnapput. Aalajangersakkami imaappoq, suliffeqarfinnut susassaqartitsivinnullu isersinnaanermut inerteqquteqarnerit killilersuinerilluunniit pillugit malittarisassat taakku, innuttaasut oqartussallu inatsit allat inatsisiniluunniit allani malittarisassat naapertorlugit pisussaaffii pisinnaatitaaffiilu saneqqutarineqarsinnaassallutik.

§ 26-mut

Aalajangersagaq nappaatit inuiaqatigiinnut aarlerinartorsiortitsisut inunnillu nalinginnaasumik ulorianartut pinaveersaartinnissaannut siaruatsaalineqarnissaannullu atorneqarsinnaavoq, § 19, imm. 1 aamma 2 takuuk.

Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu aalajangersagaq § 26, imm. 1 naapertorlugu ulluunerani paaqqinnittarfiit, atuarfiit allallu ilinniarfiit taakkulu namminersortortaasa atorneqarneri iserfigineqarsinnaanerilu pillugit piffissami aalajangersimasumi inerteqquteqarnissamut killilersuinissamulluunniit malittarisassanik aalajangersaasinnaatinneqarput.

Aalajangersagaq malillugu meeqlerivinnut, atuareernerup kingorna aaqqissuussanut, atuareersunut paaqqinniffinnut, meeqlaq atuarfiinut il. il. peqqussutnik aalajangersaasoqarsinnaassaaq.

Aalajangersagaq naapertorluguttaaq taakku assigisaat namminersortut killilersuinerni ilaatinneqassapput.

Killilersuinerit inerteqquteqarnerilluunniit, assersuutigalugu suliffeqarfimmi immikkoortortaqarfiit il. il. nunap katitigaanera ilinniakkatigulluunniit killilersuineq apeqquataillugu suliffeqarfimmut tamarmiusumut ilaannaanulluunniit atuussinnaapput. Inerteqquteqarneq killilersuinerlu taamaalillutik suliffeqarfiup ilaannaanut aalajangersarneqarsinnaapput, taamaaliornikkullu suliffeqarfimmi atuisut ilaat isersimasinnaatinneqassallutik. Assersuutigalugu atuarfimmi nerisaqarfiullunilu ineqarfiusumi meeqqat inuussuttullu angajoqqaaminnut angerlarnissamut periarfissaarussinnaapput, assersuutigalugu angajoqqaavi nunami allamiimmata imaluunniit angerlarsimaffimmi pissutsit pissutigalugit.

Aalajangersagaq malillugu suliffeqarfinni pineqartuni isersinnaaneq atuisinnaanerluunniit pillugit inerteqquteqartoqarsinnaassaaq, assersuutigalugu soorlu atuartut naammaginartumik ungasissuseqarnissaat qulakkeerniarlugu atuartut klassilluunniit amerlassusissaannik killiliisumik taamaallaat inuit aalajangersimasumik amerlassusillit ataatsikkut isersinnaatinneqarlutik. Taassuma sanitigut paaqqinnittarfinnik atuinermut piumasaqaatinik, matuman qanermut assiaqutinik atuinissaq allatigullu eqqiluisaarnissamik peqqusisoqarsinnaavoq.

Inerteqqutit killilersuinerillu ilinniarfinnut aalajangersimasumut ataatsimut arlalinnulluunniit tunngassuteqarsinnaapput, soorluttaaq taakku ilinniarfinnut assigiinngitsunut tunngassuteqarsinnaasut. Peqqusineq assersuutigalugu tunillatsissimasut amerlassusaat, siammaattoqarsinnaassusaa il. il. pissutigalugit pisariaqartinneqarpat kommunemi meeqqat atuarfiinut soraareernermluunniit angerlarsimaffimmut tamanut tunngatinneqarsinnaavoq.

Aalajangersagaq naapertorluguttaaq inuit suliffeqarfinni pineqartuniittut assersuutigalugu nioqqtissanik pajuttartut sullisisartulluunniit imaluunniit suliffeqarfiup siunertarisaanik suliaqartut ilinniarfinnut isersinnaanissannut inerteqquteqarnissamik aalajangersaasoqarsinnaasoqannginnissaa piumasarineqarpoq. Akerlianilli taakku eqimattat pineqartut, assersuutigalugu qanermut assiaqummik atuinissannut piumasaqaatinik killilersuisoqarsinnaavoq.

Aalajangersagaq naapertorlugu piffissami aalajangersimasumi killilersuisoqarnissaa piumasaqaataassaaq. Tassa imaappoq inerteqqut killilersuinerillu piffissamut aalajangersimasumut aalajangersarneqassapput, Naalakkersuisut killilersuinernik aalajangersaanerannut atatillugu aalajangersaassallutik.

Inerteqqutip killilersuinerulluunniit sivisussusaanut atatillugu pissutsinik nalilersuinerit peqqusummut tunngavineqartut ataasiakkaat, matuman assersuutigalugu nappaat qanoq ittuunersoq, tunillaassornera suliffeqarfillu pineqartoq apeqquataassapput. Inerteqqut

killilersuinerlu sapinggisamik sivikinnerpaaffianiitinneqassapput tunngavissaaruppatalu atorunnaarsinneqassallutik, matumani § 18, imm. 2 takuu.

Aalajangersagaq naapertorlugu iliniarfinnik pineqartunik matusigallarsinnaanermut malittarisassiortoqarsinnaassaaq.

Neqeroorummik ilinniarfimmilluunniit matusinermi atuisut neqeroorummik ilinniarfimmilluunniit il. il. tiguneqarsinnaajunnaassapputtaaq.

Matusinermi aallaaviatigut ilinniarfimmi sulisut ilinniarfimmi naapissinnaassangillat. Taamaattumik matusinissamut piumasaqaat sulisut suliartornissaannut, assersuutigalugu atuartunik avataanit atuartitsinissaannut aporfungilaq. Taassuma saniatigut suliassat, assersuutigalugu ilinniarfiup nakkutigineqarnissaanut ingerlanneqarnissaanullu suliassat, suliffeqarfiup uumasut paarisassai il. il. suliarineqartariaqarsinnaapput.

§ 26, imm. 2-mi siunnersuutigineqarpoq Naalakkersuisut ilinniarfimmik aalajangersimasumik imm. 1-imi pineqanngitsumik atuisinnaanissamut tassungalu isersinnaanissamut piffissami aalajangersimasumi killiliinissamut inerteqquteqarnissamulluunniit aalajangersaasinnaassasuttaaq.

§ 26, imm. 3 malillugu Naalakkersuisut pisuni § 26, imm. 1-imi aamma imm. 2-mi pineqartuni immikkut ittumik iliuuseqarnissamut malittarisassanik, tassunga ilanggullugit pisariaqavissumik paarsisoqarnissaq, pisariaqavissumik atuartitsinissaq, upernarsaatit, misilitsinnerit, soraarummeernerit, ilitsersuisarnerit tigusisarnerillu, ikorsiissutit, akiliuteqartarnerit, tapiissutit il.il. pillugit malittarisassanik aalajangersaasinnaapput.

Aalajangersagaq oqaasertalersorluagaavoq malittarisassiornermi periaaseq eqaatsooqqullugu ass. misilitsinnerit, ilinnialernissamut misilitsinnerit ilinniartitsinerillu ingerlaannarsinnaaqqullugit, naak arlaannik sumilluunniit maanna atuuttunik pissuteqartumik unitsiinnarneqarsimasussaagaluartut. Nappaatit tuniluutiasut Inatsisartut inatsisaannut ilaatinneqartut nunarsuaq tamakkerlugu ukiuni arlalinni tuniluutilersinnaapput ilaallu inuiassuit peqqissuunissaat illersorniarlugu killilersuinerit pisariaqarsinnaallutik. Pisuni taama ittuni inuiaqatigiinni sullisisut sapinggisamik amerlanerpaat ingerlanniarneqaannassapput, pisariaqarpallu inuiassuit peqqissusaannut aarlerinartorsiortitsinngitsumik tamakku ingerlanniarneqassallutik aalajangersakkamilu ersarinnerusunik malittarisassiortoqarsinnaalluni.

Taassuma saniatigut aalajangersagaq naapertorlugu pisariaqavissumik paarsisoqarnissaq pillugu malittarisassiortoqarsinnaassaaq.

Malittarisassat pisariaqavissumik paarsisoqarnissaq pillugu neqeroorummik meeqqanut inuuusuttunullu aalajangersimasunut atuuttussamik aallartitsinissamut ingerlatsinissamullu tunngasunik imaqarsinnaassapput.

Taamaattumik atuisut neqeroorummik taamaattumik neqeroorfigineqarsinnaasut amerlassusaat pillugit, matumani immikkut ittumik iliuutsit atuisut angajoqqaavisalu

pisariaqavissumik paarsisoqarnissamik atuinissamut piumasaqaataasut maluginiagassat ilanngullugit, malittarisassiorqarsinnaassaaq. Taassuma saniatigut angajoqqaat pissutigalugit meeqlanik pisariaqavissumik paarineqartussanik tigusinissaq pisariaqalersinnaavoq. Tassunga assersuutigineqarsinnaapput angajoqqaat assersuutigalugu peqqinnissaqarfimmi, assartuinermut pilersuinermullu suliffeqarfinni allaniluunniit inquiaqatigiinnut pisariaqarluinnartuni pingaaruteqartuniluunniit suliffillit.

Aningaasanik tunniussinermi, akiliinermi tapiissuteqarnermilu tunngasunik malittarisassiorsinnaanermi ima paasineqassaaq ass. pikkorissarnernut akiliuteqaqqaarfiusussaatitaasuni akiliutinik utertitsinianerni imaluunniit pikkorissarnerni taama ittuni peqataanissamut tapiuussteqarfiusussaasunut tunngatillugu malittarisassiorallarsinnaanermut tunngasuni. Pissutsit tamakku ass. inuussutissarsiutinik ilinniarfinni ullumikkut malittarisassaqartinneqarput.

§ 26, imm. 4 malillugu aalajangersarneqarpoq killilersuinerit inerteqquteqarnerillu imm. 1-3 malillugit aalajangersarneqartut inatsit alla aqutigalugu naapertorluguluunniit pisussaaffinnik pisinnaatitaaffinnillu saneqqutsisinnaasut.

Aalajangersakkap kingunerissavaa killilersuinerit inerteqqutillu Naalakkersuisunit aalajangersarneqartut pisinnaatitaaffiit pisussaaffiillu inatsimmi allami aalajangersarneqarsimasut saneqqunneqarsinnaalissasut.

Pisinnaatitaaffiit pisussaaffiillu saneqqunneqarnissaannut killilersuinernut pineqartunut peqqusinernullu atatillugit pisinnaatitaaffiit pisussaaffiillu taakku taaneqarnissaat piumasaqaataanngilaq.

Taamaattumik pisinnaatitaaffinnik pisussaaffinnillu pineqartunik saneqqussineq kingunerluutaasinnaavoq killilersuinerulluniluunniit, assersuutigalugu meeqqat atuarfiannut isersinnaanermut inerteqquteqarnikkut kommunalbestyrelse kommunempi pineqartumi piffissami aalajangersimasumi innuttaasunut taamatut neqerooruteqarsinnaajunnaarluni.

Aalajangersagaq malillugu malittarisassanik, nunamut tamarmut nunalluunniit katitigaanera naapertorlugu nunap ilaanut, soorlu nunap immikkoortuinut kommuninulluunniit atuuttussanik aalajangersasoqarsinnaavoq.

§ 18 naapertorlugu naligiissaarinissamik minnerpaaffeqartitsinissamillu ileqqoqartussaaneq malillugu nuna tamakkernagu nunap ilaannaannut minnerusumut malittarisassiornissaq naammannersoq nalilersorneqartussaassaaq.

Aalajangersakkami siunnersuutigineqartumi malittarisassat piffissamut aalajangersimasumut atuutsinneqartarnissaat piumasaqaataavoq. Tassa imaappoq, malittarisassat Naalakkersuisunit aalajangersarneqartut, piffissatigut killiligaallutik aalajangersarneqartassasut. Tamatuma sivisussusissaanut pissutsit aalajangersimasut nalilersorneqarneri apeqquaassapput, kisianni piffissaq sivikinnerpaatinneqassaaq massumunngalu tunngavissaqanngippat atorunnaarsinneqassalluni.

§ 27-mut

Naalakkersuisut § 27 naapertorlugu angallassissutinut isersinnaanermik killilersuinermut inerteqquteqarnermulluunniit nuna tamakkerlugu nunalluunniit ilaanut piffissami aalajangersimasumi malittarisassanik aalajangersaasinnapput.

Aalajangersagaq naapertorlugu aatsaat nappaat inuiaqatigiinnut aarlerinartorsiortitsisoq siaruaatsillugu pinaveersaartitsinissaq siaruatsaalineqarnissaalu pisariaqarpat malittarisassiortoqarsinnaavoq, § 19, imm. 1 takuuk.

Aalajangersagaq naapertorlugu Naalakkersuisut Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu, angallassissutinik atuisinnaanermut killilersuinermut angallassissutinilluunniit isersinnaanermut inerteqquteqarnermut, matumani ilaasut amerlanerpaaaffissaannut tunngasut ilangullugit, malittarisassanik aalajangersaasinnapput. Aalajangersakkami malittarisassat suliassaqarfimmi suliaqartunit politikkikkullu naliliineq tunngavigalugit atuutilersinneqarnissaat qulakteerneqarpoq.

Aalajangersagaq naapertorlugu aatsaat nappaat inuiaqatigiinnut aarlerinartorsiortitsisoq siaruaatsillugu pinaveersaartitsinissaq siaruatsaalineqarnissaalu pisariaqarpat malittarisassiortoqarsinnaavoq. Taamaammat nappaatinik inunnut nalinginnaasumik ulorianartunik pinaveersaartitsinissamut siaruatsaliinissamullu atatillugu angallassissutinut killilersuinermut inerteqquteqarnermulluunniit malittarisassanik tamanut atuuttunik atuutilersitsisoqarsinnaanngilaq.

Angallassissutinut pineqartunut killilersuinerit imarisassaasa ilagaat angallassisummi ilaasut imminnut qanillivallaannginnissaat qulakteerniarlugu angallassissutit aalajangersimasumik aaqqissuunnissaat pillugit malittarisassat, soorlu aamma angallassissutinik atuinermi piumasaqaateqarnissamut malittarisassiortoqarsinnaasoq, soorlu qanermut kiinnamulluunniit assiaqutinik atuinissamut allatigullu eqqiluisaarnissamut piumasaqaatit.

Peqatigisaanillu killilersuinernik, soorlu qanermut kiinnamulluunniit assiaqutinik piumasaqaatinik, pissusissamisuunngitsunik malinninnginnermi angallassisummit anisitaasinnaanermut akiligassinneqarsinnaanermulluunniit malittarisassiortoqarsinnaavoq. Angallasisunut il. il. piumasaqaasiortoqarsinnaavortaaq, malittarisassat malinneqarnissaat qulakteerniarlugu, kiisalu angallassisut angallasinermullu ingerlatseqatigiiffit piumasaqaatit naammassinngippassuk akiligassinneqarnikkut pineqaatissineqarsinnaatinniarlugit.

Ilaasut amerlanerpaaaffissalernissaannut malittarisassanik aalajangersaasoqarsinnaassaattaaq, taamaaliornikkut assersuutigalugu, angallassissutit ilaat ilaasorisinnaasaasa amerlanerpaaaffissaat sisamararterutaannaanik ilaasoqarsinnaanissaanut imaluunniit issiavigineqarsinnaasunit amerlanerusunik ilaasoqarsinnaanissamut aalajangersaasoqarsinnaavoq.

Aalajangersagaq naapertorlugu nuna tamakkerlugu ilaanoluunniit malittarisassiortoqarsinnaavoq. Tassa imaappoq, nunamut tamarmut atuuttumik nunallu

katitigaanera naapertorlugu assersuutigalugu nunap ilaanut ass. kommuninut malittarisassiortoqarsinnaasoq. Aamma angallassissutinut aalajangersimasunuinnaq malittarisassiortoqarsinnaavoq.

Naligiissaarinissamik minnerpaaffeartitsinissamillu ileqqoqartussaaneq malillugu nuna tamakkernagu nunap ilaannaannut minnerusumut malittarisassiornissaq naammannersoq kiisalu angallassissutinut aalajangersimasuinnaq tamanuunngitsorlu malittarisassiornissaq naammannersoq nalilersorneqartussaassaaq tak. § 18.

Aalajangersagaq pisinnaatitsissut angallassissutinut nunatsinniittunuinnaq atorneqarsinnaavoq. Taamaammat piginnaatitsissut angallassissutinut nunanit allanit tikittunut killilersuinissamut atatillugu malittarisassiornissamut atorneqarsinnaanngilaq.

Malittarisassat taamaattut, matumani nunami inunniq naapeqateqarsinnaanermut akuersissummut tunniussisoqarsinnaanera pillugu malittarisassat ilanngulligit, kapitali 5-imi piginnaatitsissut naapertorlugu aalajangersagaq siunnersuutigineqartoq aalajangersarneqassapput.

Aalajangersakkami siunnersuutigineqartumi malittarisassat piffissamut aalajangersimasumut atuutsinneqartarnissaat piumasaqaataavoq. Tassa imaappoq malittarisassat piffissamut aalajangersimasumut aalajangersarneqassasut. Tamatuma sivisussusissaanut pissutsit aalajangersimasut nalilersoqqissaarneri apeqqutaassapput, kisianni piffissaq sivikinnerpaatinneqassaaq tamatuminngalu tunngavissaqanngippat atorunnaarsinnejassalluni, § 18, imm. 2 takuuk.

Aalajangersakkami § 27, imm. 2 naapertorlugu malittarisassat imm. 1 naapertorlugu aalajangersarneqartut malittarisassanik inatsisimmi allami aalajangersarneqartunik imaluunniit inatsit alla naapertorlugu saneqqutsisinjaapput.

§ 28-mut

§ 28-mi imm. 1-imi siunnersuutigineqarpoq Naalakkersuisut Tunillaassortunik Nappaalanersuaqarneranut Ataatsimiititaliarsuaq siunnersueqatigereerlugu ininut, inuit inatsisitigullu pisinnaatitaasut pisussaatitaasullu oqartussaaffigisaannut aamma tamanit iserfigineqarsinnaasunut isernissamik imaluunniit taakkuninnga atuinissamik inerteqquteqarnermut imaluunniit isernissamik killilersuinermut malittarisassanik, tassunga ilanngullugu ilaasut amerlanerpaffissaat pillugit, nuna tamakkerlugu nunalluunniit ilanlut piffissami aalajangersimasumi malittarisassanik aalajangersasinjaassasut.

Aalajangersagaq naapertorlugu aatsaat nappaat inuiaqatigiinnut aarlerinartorsiortitsisoq siaruatsillugu pinaveersaartitsinissaq siaruatsaalineqarnissaalu pisariaqarpat malittarisassiortoqarsinnaavoq, § 19, imm. 1 takuuk.

Aalajangersagaq naapertorlugu ininut, inuit inatsisitigullu pisinnaatitaasut pisussaatitaasullu oqartussaaffigisaannut aamma tamanit iserfigineqarsinnaasunut isernissamik imaluunniit taakkuninnga atuinissamik inerteqquteqarnermut imaluunniit isernissamik killilersuinermut malittarisassiortoqarsinnaassaaq.

Aalajangersagaq naapertorlugu ininut, inuussutissarsiummik ingerlataqartut oqartussaaffigisaannut aamma tamanit iserfigineqarsinnaasunut tamat iserfigisinnaasaannut malittarisassiortoqarsinnaassaaq.

Init piffiillu sorliit pineqarnersut pillugit tamakkiisumik nassuaasoqarsinnaanavianngilaq. Taamaakkaluartoq pisiniarfinnut niuerfinnullu iserneqarsinnaasunut tamanut kiisalu ininut sullissiffiusunut, kiffartuussiffiusunut, aliikkusersuiffiusunut il. il. atuutissapput.

Assersuutigalugit taaneqarsinnaapput ulluinnarni niuertarfiit, sanaartornermi atortorissaarutinik nioqquteqartartut, timigissartarfiit, solariat, klinikkit atuisunut qanumut sullissiffiusut, soorlu nujaleriffiit pinnersarttarfiillu, aammali klinikkit peqqissutsimut tunngasunik sullisisartut. Kiisalu neriniartarfiit, imerniartarfiit, qitigiartarfiit allallu sassaallerfiusut pineqassapput, soorluttaaq sumiiffiit, timersorfiusut sunngiffimmilu sukisaarsarfiusut, matumani naluttarfiit, sungiusartarfiit filmertarfiit ilanngullugit pineqassasut. Taassuma saniatigut silamiittut orninneqarsinnaasut pineqassapputtaaq. Init piffiillu tamat iserfigisinnaasaat kisiisa malittarisassiuunneqarsinnaapput. Tassa immaappoq, suliffeqarfiit initaannut piffinnullu, assersuutigalugu pisiniat pulaartullu iserfigisinnaanngisaannut assersuutigalugu allaffinnut, quersuarnut allaffissorfiusunullu allanut malittarisassiortoqarsinnaassanngilaq.

Killilersuinerit eqqiluisaarnissamut, soorlu imeq qaorsaallu assannulluunniit spritti tamanit pissarsiassaanissaat pillugu malittarisassanik, piumasaqaatinik imaqarsinnaapput, matumani tunillatsaaliuinermut atortut assersuutigalugu qanermut assiaqutit, tunisassiat sorliit qaqqukkullu tuniniarsinnaanerinut kiisalu aaqqatinik atuinissamut piumasaqaatit ilanngullugit. Aamma aalajangersagaq naapertorlugu ininut piffinnullu pineqartunut isersinnaanissamut inerteqquteqarnissamut malittarisassiortoqarsinnaavoq.

Aalajangersagaq atorlugu ininut, inuit inatsisitigullu pisinnaatitaasut pisussaatitaasullu oqartussaaffigisaannut aamma tamanit iserfigineqarsinnaasunut isernissamik imaluunniit taakkuninnga atuinissamik inerteqquteqarnermut imaluunniit isernissamik killilersuinermut malittarisassanik, tassunga ilanngullugu ilaasut amerlanerpaaffissaat pillugit, nuna tamakkerlugu nunalluunniit ilaanut piffissami aalajangersimasumi malittarisassaliortoqarsinnaavoq.

§ 18, imm. 1 naapertorlugu naligiissaarinissamik minnerpaaffeqartitsinissamillu ileqqoqartussaaneq malillugu nuna tamakkernagu nunap ilaannaannut minnerusumut malittarisassiornissaq naammannersoq nalilersorneqartussaassaaq.

Aalajangersakkami siunnersuutigineqartumi malittarisassat piffissamut aalajangersimasumut atuutsinneqartarnissaat piumasaqaataavoq. Tassa immaappoq malittarisassat piffissamut aalajangersimasumut aalajangersarneqassasut. Tamatuma sivisussusissaanut pissutsit aalajangersimasut nalilersorneqarneri apeqqutaassapput, kisianni piffissaq sivikinnerpaatinniarneqassaaq massumunngalu tunngavissaqanngippat atorunnaarsinnejassalluni, matumunnga § 18, imm. 2 takuuttaaq.

§ 18 naapertorlugu naligiissaarinissamik minnerpaaffeqartitsinissamillu ileqqoqartussaaneq siunnersuutigineqartoq malillugu minnerpaamik akuliunnissamut malittarisassanik siunertap angunissaanut naammattunik aalajangersaasoqassaaq, taamatuttaaq iliuuserisaq iliuuseqarnermut tunngavissaaruppat taamaatinneqassalluni.

Taamaattumik ininik allanillu, inuit inatsisitigullu pisinnaatitaasut pisussaatitaasullu oqartussaaffigisaannik aamma tamanit iserfigineqarsinnaasunik atuisinnaanermik taakkununngaluunniit isersinnaanermik killilersuinerit inerteqquteqarnerluunniit piffissalerlugin atuukkallartuusarnissaat piumasaqaataavoq. Nappaatip pineqartup pinaveersaartinneqarnissaa siaruatsaalineqarnissaalu pisariaqanngippata iliuuseqarneq sivitsorneqarsinnaanngilaq.

§ 29-mut

§ 29 aqqutigalugu siunnersuutigineqarpoq Naalakkersuisut inini tamanit iserfigineqarsinnaasuni nammineq atortunik tunillaassuunnaveersaatinik atuinissamut nuna tamakkerlugu nunalluunniit ilaanut piffissami aalajangersimasumi malittarisassiorsinnaasut. Aalajangersagaq naapertorlugu aatsaat nappaat inuiaqatigiinnut aarlerinartorsiortitsisoq siaruatsillugu pinaveersaartsinissaq siaruatsaalineqarnissaalu pisariaqarpat malittarisassiortoqarsinnaavoq, § 19, imm. 1 takuuk.

Aalajangersagaq naapertorlugu inini tamanit iserfigineqarsinnaasuni tunillatsaaliiinissamut, matumani nammineq atortunik tunillaassuunnaveersaatinik atuinissamut piumasaqaatitut malittarisassiornissaaq ilanngullugu, nuna tamakkerlugu nunalluunniit ilaanut piffissami aalajangersimasumi malittarisassiortoqarsinnaassaaq.

Nammineq atortunik tunillaassuunnaveersaatit tassaasinnaapput qanermut kiinnamullu assiaqutit.

Aalajangersagaq naapertorlugu init tamanit iserfigineqarsinnaasut malittarisassiunneqarsinnaapput. Matumani sumiiffiit pineqartut tassaapput tamanit orninneqarsinnaasut, matumani assersuutigalugu aqqusernit, naapittarfiit il.il..

Aalajangersagaq naapertorlugu inuit angerlarsimaffii malittarisassiunneqarsinnaassanngillat.

Aalajangersagaq malillugu nammineq atortunut tunillaassuunnaveersaatinut, matumani nakorsaasersuinermut, CE-mik nalunaaqutsersuinermut piumasaqaatit qanorlu taakku atortut atorneqassanerannut tuungasunut piumasaqaatit pillugit malittarisassiortoqarsinnaassaaq. Malittarisassiornermi pissutsit inuillu aalajangersimasut piumasaqaammi mininneqarnissaannut pissutsit eqqarsaatigineqassapput naapertorneqarlutilu.

Assersuutigalugu nammineq atortut tunillaassuunnaveersaatit anersaartorniarnermut ajoqutaappata ipianngulersitsippataluuunniit, qarngit aalaneratigut atuaasartumik oqaloqateqarnermi imaluunniit assersuutigalugu politiit inuup kinaaneranik takunnikkusuppata, pisuni aalajangersimasuni sivikitsumik nerinermi

nakorsaatitornermiluunniit piumasaqaatip atuutinnginnissaa pillugu malittarisassiortoqarsinnaassaaq.

Qanermut imaluunniit kiinnamut assiaquteqarnissamut piumasaqaat ilisimassutsimik annikillisimasunut, timikkut tarnikkulluunniit sanngiittunut, allamilluunniit peqquteqarlutik nammineq atortunik tunillaassuunnaveersaatinik atuisinnaanngitsunut piumasaqaatit atuutinnginnissaat pillugu malittarisassiortoqarsinnaassaaq.

§ 30-mut

Siunnersummi inunnut ataasiakkaanut iliuutsit pillugit kapitali 4 malillugu peqqussutit inerteqqutigineqartulluunniit malinneqanngippata politiit peqqussutit inerteqqutigineqartulluunniit taama ittut attanneqarnissaannut ikorsiisinnaanerannik aalajangersakkamik § 30 imaqarpoq.

Matumani aalajangersagaq malillugu politiit ikuinerannut atatillugu inerteqqutit peqqussutilu pillugit malittarisassat malinneqarnissaat qulakkeerniarlugit maleruagassat atuuttut naapertorlugit politiit pissaanermik pisarialimmik atuisinnaapput. Taamatuttaaq aalajangersakkut ersarissarneqarpoq, politiit malittarisassat pissaanermik atuisinnaanerat maleruagassat atuuttut naapertorlugit saneqqunneqarsinnaanngitsut.

Politiit tassaapput pissaanermik atuinissamut tunngavissaqarnersoq nalilersuisussat. Politiit pissaanermik atuinerat pisariaqartuussaaq illorsorneqarsinnaassallunilu, pissaanermillu atuineq illorsorneqarnissamut ujartugaasumut iliuutsit annertussusaalu soqtigineqartumut naleqqussagaassalluni. Tamatuma saniatigut pisaanermik atuineq qajassunneqassaaq, nalaatat naapertorneqassapput taamaalisukkulu ajoqusertoqassagaluarpat minnerpaaffissamiitinneqassalluni.

§ 31-mut

Umiarsuarmi inunniik, nappaammik inunnut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqarpat imaluunniit umiarsuarmi pissutsit allat tunillaassuunnerup siaruarnissaanut aarlerinartorsiortitsippata, umiarsuup Kalaallit Nunaannut tikinnerani aquttup umiarsuarmilu nakorsaqarpat nakorsap umiarsualivimmi oqartussat aqutigalugit Nunatta Nakorsaneqarfia nalunaarfigissavaat, siunnersummi § 31, imm. 1 takuu.

Taamaattumik imm. 1 naapertorlugu nalunaaruteqartussaatitaaneq aalajangersakkamut toqqaannartumik aalajangersarneqarpoq.

Taanna naapertorlugu umiarsuarmi aquttoq umiarsuarmiluunniit nakorsaq nalunaaruteqartussaatitaavoq.

Inunniik, nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimasunik imaluunniit nappaammik taama ittumik

tunillatsissimasorisanik ilaasoqarpat imaluunniit umiarsuarmi pissutsit allat tunillaassuunnerup siaruarnissaanut aarlerinartorsiortitsippata nalunaaruteqartussaatitaaneq atuutissaaq.

Pisussaatitaaffik taamaattumik siunnersuut naapertorlugu nappaatinut tuniluuttunut Inatsisartut Inatsisaanni § 2-miittunut tamanut atuutissanngilaq, taamaallaalli inunnut nalinginnaasumik uloriarnartumut imaluunniit inuiaqatigiinnut aarlerinartorsiortitsisumut.

§ 31, imm. 1-2-mi aalajangersakkanut siunnersuutigineqartunut pissutaasoq tassaavoq umiarsuit nunatsinnut tikinnerini nappaatinik inunnut nalinginnaasumik uloriarnartunik imaluunniit inuiaqatigiinnut aarlerinartorsiortitsisunik eqqussisoqarsinnaanera tassungalu atatillugu iliuuseqartoqartariaqarnersoq pillugu Nunatta Nakorsaaneqarfia naliliisinnaasariaqarmat.

Taamaattumik § 31, imm. 1-2-mi aalajangersakkat siunnersuutigineqartut siunnersummi § 33, imm. 1-imut attuumassuteqarput, taannami naapertorlugu Nunatta Nakorsaaneqarfia naapeqateqarsinnaatitaaneq pillugu nalunaaruteqartinnagu inuit nunamiittut naapeqatigineqarsinnaanngillat.

Aalajangersagaq § 33, imm. 2-mut attuumassuteqarportaaq, tassanilu allassimalluni Nunatta Nakorsaaneqarfia inunnik naapeqateqarsinnaanermut akuersisoqassappat ilaasut inuttaasullu nakorsamit misissorneqarsimanissaanik piumasaqarsinnaavoq.

Naalakkersuisut Nunatta Nakorsaaneqarfianit siunnersorneqareerlutik paasissutissat sorliit imm. 1 naapertorlugu nalunaarutigineqassanersut pillugit malittarisassiorsinnaapput, matumani Nunatta Nakorsaaneqarfia umiarsuarmi peqqissutsinut tunngasunik apeqqutai pillugit aquttup akissuteqartussaatitaanera ilanngullugu.

§ 31, imm. 4 malillugu umiarsuit, nunanit aalajangersimasunit tikittut imaluunniit aalajangersimasumik ingerlaarfillit kiisalu ilisimasortat angallataat, angallatit aalisariutit angallatillu mikinerusut imm. 1 malillugu nalunaartussaatitaanermik saneqqussisinnaanerat pillugu malittarisassanik aalajangersaasoqarsinnaavoq.

§ 32-mut

§ 32, imm. 1-imi siunnersuutigineqarpoq timmisartumi inunnik, nappaammik inunnut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqarpat imaluunniit timmisartumi pissutsit allat tunillaassuunnerup siaruarnissaanut aarlerinartorsiortitsippata, timmisartup Kalaallit Nunaannut tikinnissaa sioqqullugu aquttup imaluunniit taassuma piginnaatitaata Nunatta Nakorsaaneqarfia nalunaarfigissagaat.

Taamaattumik imm. 1 naapertorlugu nalunaaruteqartussaatitaaneq aalajangersakkamut toqqaannartumik aalajangersarneqarpoq. Taanna naapertorlugu timmisartumi aquttoq taassumaluunniit piginnaatitaa nalunaaruteqartussaatitaavoq.

Inunniq, nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik napparsimasunik imaluunniit nappaammik taama ittumik tunillatsissimasorisanik ilaasoqarpal imaluunniit umiarsuarmi pissutsit allat tunillaassuunnerup siaruarnissaanut aarlerinartorsiortitsippata nalunaaruteqartussaatitaaneq atuutissaq.

Pisussaatitaaffik taamaattumik siunnersuut naapertorlugu nappaatinut tuniluuttunut Inatsisartut Inatsisaanni § 2-miittunut tamanut atuutissanngilaq, taamaallaalli inunnut nalinginnaasumik uloriarnartumut imaluunniit inuiaqatigiinnut aarlerinartorsiortitsisumut.

§ 32, imm. 1-2-mi aalajangersakkanut siunnersuutigineqartunut pissutaasoq tassaavoq timmisartut nunatsinnut tikinnerini nappaatinik inunnut nalinginnaasumik uloriarnartunik imaluunniit inuiaqatigiinnut aarlerinartorsiortitsisunik eqquissisoqarsinnaanera tassungalu atatillugu iliuuseqartoqartariaqarnersoq pillugu Nunatta Nakorsaaneqarfia naliliisinnaasariaqarmat.

Taamaattumik § 32, imm. 1-2-mi aalajangersakkat siunnersuutigineqartut siunnersuummi § 33, imm. 1-imut aamma 2-mut attuumassuteqarput, taannami naapertorlugu Nunatta Nakorsaaneqarfia mittarifiup imaluunniit ikiartortarfiup aallartarfiullu qimannissaanut piumasaqaatinik inunnilluunniit naapeqateqarnissamut akuersitinnagu Nunatta Nakorsaaneqarfia inuit timmisartumeersut nunamit allameersut inunnut nunamiittunut qanoq naapeqateqarsinnaatiginersut imaluunniit mittarfik imaluunniit ikiartortarfik aallartarfillu timmisartup tikiffigisaa qanoq qimassinnaatigineraat pillugit aalajangersaasinnaavoq.

Naalakkersuisut § 32, imm. 3 naapertorlugu Nunatta Nakorsaaneqarfianit siunnersorneqareerlutik paassisutissat sorliit imm. 1 aamma 2 naapertorlugit nalunaarutigineqassanersut pillugit malittarisassiorsinnaapput, matumani Nunatta Nakorsaaneqarfia umiarsuarmi peqqissutsinut tunngasunik apeqqtai pillugit aquittup akissuteqartussaatitaanera ilanngullugu.

§ 32, imm. 4, malillugu timmisartut, nunanit aalajangersimasunit tikittut imaluunniit aalajangersimasumik ingerlaarfillit imm. 1 malillugu nalunaartussaatitaanermik saneqqassisinnaanerat pillugu malittarisassanik aalajangersaasoqarsinnaavoq.

§ 33-mut

§ 33, imm. 1, oqaaseqatigiinni siullerni aalajangersarneqarpoq Nunatta Nakorsaaneqarfia mittarifiup imaluunniit ikiartortarfiup aallartarfiulluunniit qimannissaanut inunniq naapeqateqarnissamut - piumasaqaatinilluunniit - akuersitinnagu Nunatta Nakorsaaneqarfia inuit timmisartumeersut nunamit allameersut inunnut nunamiittunut qanoq naapeqateqarsinnaatiginersut imaluunniit mittarfik imaluunniit ikiartortarfik aallartarfillu timmisartup umiarsuulluunniit tikiffigisaa qanoq qimassinnaatigineraat pillugit aalajangersaasinnaasoq.

§ 33, imm. 2 malillugu Nunatta Nakorsaaneqarfiaa nunami inunniq naapeqateqarnissamut akuersisummik piumasaqaatitut nalunaaruteqarnermi, ilaasut inuttaasulluunniit assersuutigalugu nappaammik Inatsisartut Inatsisaanni § 2, imm. 3-mi 4-milu pineqartumik inunnut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik nappaateqarnernik misissorneqarnissamut misissuinerullu naammassinissaata tungaanut mattusimanissamut piumasaqaatinik aalajangersaasinjaavoq.

Tamanna pillugu piumasaqaateqarsinnaanermut nappaatinik inunnut nalinginnaasumik uloriarnartunik imaluunniit inuiaqatigiinnut aarlerinartorsiortitsisunik peqarnissaa killigitinneqarpoq.

Taamaattumik inunnik naapeqateqarsinnaanermut akuersisoqassappat ilaasut innuttaasulluunniit tuniluuttumik peqatigisaanillu inunnut nalinginnaasumik uloriarnannngitsumik imaluunniit inuiaqatigiinnut aarlerinartorsiortitsinngitsumik nappaateqarnersut misissorneqarsimasariaqarput.

Inuit umiarsuarmiittut pineqartumiluunniit angallassisummiittut inunnik allanik naapeqateqarsinnaassappata, Inatsisartut Inatsisaanni malittarisassat nalinginnaasut taakkununnga atuutilissapput.

Tassa imaappoq siunnersuummi kapitali 5 malillugit iliuutsit pineqartunut atuutissapput, matumani piumasaqaatit naammassineqarsimappata misissorneqarnissamut, innartinneqarnissamut nakkutigineqarnissamullu peqqussutit ilanngullugit.

Imm. 3-mi aalajangersaasoqarpoq, tassani umiarsuarmik timmisartumilluunniit atuisinnaasup umiarsuarmut timmisartumilluunniit inuit akuersissuteqaaqqaaratik iserpata akisussaasup tassannga toqqaannartumik aningaasartuutit akilissavai. Tassannga toqqaannartumik aningaasartuutit tassaatinneqarput pissutsit aallaavigalugit iliuuserineqartumit aallaaveqartumik naleqquttumik nalilersuinikkut aningaasartuutit, ass. § 9 naapertorlugu peqqissutsikkut misissuinerit, , § 11 naapertorlugu mattusimaneq, § 13 naapertorlugu eqiaanissaq tunillannartuaanissarlu, §§ 10 aamma 12 naapertorlugit napparsimavimmum unitsitsinermut katsorsaanermullu aningaasartuutit, pineqartoq ikinermi kingorna tunillatsinnejqarsimasutut ilimagineqarpat. Akuersissuteqaaqqaarani ikisumut kisimi aningaasartuutinik akiliusussaatitaanngilaq, aammali allat aningaasaqarnikkut annaasaanik naatsorsuisinnaasut annaasaqarnermullu akuersissuteqaaqqaarani ikisumut qulakkeerinnittoqarsimannginnera pissutigalugu angallammut akuersissuteqaaqqaarani ikisimasumut. Aalajangersakkap sumut killeqartillugu atorsinnaanera aningaasartuutit toqqaannartumik tassanngaanneernerannit tassanngaanniiinngitsututulluunniit nalilernerannit kiisalu pisut ataasiakkaat nalilersornerannit isiginiarneqassaaq. Aalajangersagaq ilanngunneqarpoq ilaasut tunillanneqarsimatillugit tikeraat nunami tunillaassuinnginniassammata.

§ 33, imm. 4-mi siunnersuutigineqarpoq politit qinnuigineqarnikkut imm. 1 naapertorlugu aalajangersakkat malinneqarnissaat qulakkeerniarlugit ikuuttassasut kiisalu imm. 2

naapertorlugu Nunatta Nakorsaaneqarfiata piumasaqaatinut aalajangersagai ilannngullugit eqqarsaatigalugit.

Piginnaatitsinermut aalajangersakkami imm. 5 naapertorlugu Naalakkersuisut umiarsuarmi timmisartumiluunniit nunami allami umiarsualivimmit (Danmarkimi Savalimmiuniluunniit umiarsualiviit ilannngullugit) tikittuni ilaasut, nunami inunniq imaluunniit timmisartoqarfiup avataani imaluunniit angallassissutip tikittarfiani, ikiartortarfiup aallartarfiullu avataani naapeqateqaqqusaannginnerannut malittarisassanik aalajangersaasinnaapput.

Piginnaatitsinissamut aalajangersagaq angallassissutit aalajangersimasut, matumani assersuutigalugu umiarsuit takornariartaatit ilannngullugit, tulassinnaanissaanut inerteqquteqarnissamut, pissutsit avatangiisillu taamaaliornissamut tunngavissaqartitsippata, malittarisassanik allanik aalajangersaanissamut atorneqarsinnaavoq. Taamatut tamanut inerteqquteqarnermi taamaallaat piffissami aalajangersimasumi atuunnissaa nappaammillu inunnut nalinginnaasumik uloriarnartumik imaluunniit inuaqatigiinnut aarlerinartorsiortitsisumik tunillaassortoqarnissaanik pinaveersaartitsinissap siunertaanissaa piumasaqaataavoq. Akuersaarneqarsinnaasunik siunertaqarluni tunngavilersuisoqarsimappat pisuni ataasiakkaani nunamukarsinnaanermut akuersissuteqarnissamut periarfissaqarnissaa piumasaqaataavortaaq.

§ 34-mut

§ 34-mi siunnersuutigineqarpoq Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu, inuit nunanit sumiiffinniilluunniit aalajangersimasunit tikittut aamma nappaammik inuaqatigiinnut aarlerinartorsiortitsisumik tunillatsissimasorisat, nunamut angalannginnermi imaluunniit nunamut tikinnermut atatillugu nappaammik inuaqatigiinnut aarlerinartorsiortitsisumik nappaateqannginnertik pillugu upernarsaammik takutitsinissaannut malittarisassiorsinnaasut.

Angalasut nappaammik inuaqatigiinnut aarlerinartorsiortitsisumik nappaateqannginnertik pillugu upernarsaammik takutitsinissaannut piumasaqaatinik aalajangersaasoqarsinnaavoq. Uppernarsaaneq pissutsit apeqquaatillugit assersuutigalugu misissorneqarsimanerusinnaavoq akiuussutissalerneqarsimanermulluunniit upernarsaataasinnaavoq. Peqatigisaanillu misissorneqarnissamut, mattusimanissamut innartinneqarnissamulluunniit piumasaqaatinik aalajangersaasoqarsinnaavoq.

§ 35-mut

§ 35-kkut siunnersuutigineqarpoq Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik eqqussisoqarnissaa siaruaattoqarnissaalu pinaveersaartinniarlugit usinut, nassatanut

allakkanullu iliuutsit sorliit aallartinneqassanersut pillugit malittarisassanik aalajangersaasinjaassasut.

§ 36-mut

§ 36, imm. 1-imi siunnersuutigineqarpoq Tunillaassortunik Nappaalanersuaqarneranut Ataatsimiitaliarsuup siunnersueqatigereerlugu teriarsuit, kikkaasut imaluunniit tunillannartullit allat nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik nunamut nunamiilluunniit tunillaanissaat pinngitsoortinniarlugu iliuutsit suut aallartinneqassanersut pillugit malittarisassanik Naalakkersuisut aalajangersaasinjaassasut.

§ 36, imm. 2-mi aamma aalajangersarneqarpoq imm. 2 naapertorlugu teriarsuarnik imaluunniit kikkaasunik tunillannartulinnillu allanik nungusaasinnaanermut misissuinerdmullu aningaasartuutit, taamaaliornermilu assartuinermut il.il. aningaasartuutit akilerneqarnissaat ilanngullugit, umiarsuit timmisartulluunniit piginnittuinit akilerneqarnissaat pillugit Naalakkersuisut malittarisassiorsinnaasut.

Piginnaatitsissutip siunnersuutigineqartup teriarsuarnik imaluunniit kikkaasunik tunillannartulinnillu allanik nungusaasinnaanermut misissuinerdmullu atatillugu aningaasartuutit umiarsuarmit akilerneqarnissaanut atorneqarnissaa siunertaavoq.

§ 37-mut

§ 37, imm. 1-imi siunnersuutigineqarpoq umiarsuarmik timmisartumilluunniit, Nunatta Nakorsaaneqarfiata naliliinera malillugu napparsimasunik timinilluunniit toqungasunik niusiartuinnarlutik tulattumik imaluunniit mittarfimmur mitsiartumik piginnittup Inatsisartut inatsisaat tunngavigalugu iliuutsinut aningaasartuutaasinnaasut akilissagai, nakorsap misissuineranut inuullu misissorneqartup peqqissusiata qanoq issusianik pisariaqartumik misissuinerntu tapertaasunut allanut aningaasartuutit eqqaassanngikkaanni.

Taamatuttaaq § 37, imm. 2, malillugu napparsimasut katsorsarneqarnerinut paaqqutarineqarnerinullu kiisalu toqusut ilineqarnerinut, toqusut timaannik ikuallaanermut imaluunniit ilisiffissamut assartuinermut aningaasartuutit umiarsuarmik timmisartumilluunniit akisussaasup akilissavai.

Taamaattorli inuit Kalaallit Nunaanni najugalittut nalunaarsorsimasut, malittarisassat inunnut Kalaallit Nunaanni najugalinnut atuuttut assingini ilaassapput. Inuit nunami maani najugallit katsorsartinnissamut il.il. nunami innuttaasutulli allatulli suli periarfissaqarnersut pillugit nalornisoqaratarnerani erseqqissaaniarluni aalajangersagaq ikkunneqarnikuuvvoq.

Aqqutissaaruttoornermi iliuutsinut inatsit malillugu aallartinneqartunut aningaasartuutit sappinngisamik usit ingerlaqqinngitsoortut nalinginit matussuserneqartassasut § 37, imm. 3-mi aalajangersarneqarpoq.

Kiisalu killeqanngitsumik naapeqateqarsinnaanerup akuerineqarneranik nalunaaruteqartoqartinnagu suliffeqarfiup imaluunniit inuit akuerineqarsimanatik umiarsuarmut timmisartumulluunniit ikisut, taamaaliornermi kingunerisaanik aningaasartuutinik akiliissapput.

Tassannga toqqaannartumik aningaasartuutit tassaatinneqarput pissutsit aallaavigalugit iliuuserineqartumit aallaaveqartumik naapertuismik nalilersuinikkut aningaasartuutit, ass. § 9 naapertorlugu peqqissutsikkut misissuinerit, § 11 naapertorlugu allanit inissinneqarnerit, § 13 naapertorlugu eqqiaanerit barteeriaajaanerillu kiisalu §§-it 10 aamma 12 naapertorlugit napparsimmaivimmun unitsitsinernut taakkulu katsorsarnerinut atatillugu aningaasartuutit, pineqartoq ikinermi kingorna tunitsatsinnejarsimasutut ilimagineqarpat.

Akuersissuteqaqqaarani ikisumut kisimi aningaasartuutinik akiliisussaatitaanngilaq, aammali allat aningaasaqarnikkut annaasaanik naatsorsuisinnaasut annaasaqarnermullu akuersissuteqaqqaarani ikisumut qulakkeerinnittooqarsimannnginnera pissutigalugu angallammut akuersissuteqaqqaarani ikisimasumut. Aalajangersakkap sumut killeqartillugu atorsinnaanera aningaasartuutit toqqaannartumik tassanngaanneernerannit tassanngaanniinngitsututulluunniit nalilernerannit kiisalu pisut ataasiakkaat nalilorsornerannit isiginiarneqassaaq.

§ 38-mut

Aalajangersagaq malillugu Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu tunillannartumik, nappaammit tunillaassortuminngaanneersumik, Inatsisartut inatsisaanni § 2-mi matumani pineqartumik eqqussineq, niueruteqarneq, suliarinninneq, toqqorsineq annissinerlu pillugit malittarisassanik aalajangersaasinnaapput.

Naalakkersuisut tunillannartup eqqunneqarnerata aqunneqarsinnaajunnaarnissaa tunillannartumillu suliarinninnissaq, assersuutigalugu bakteriakulturit imaluunniit tunillannartumik pineqartumik atornerluinissaq pinngitsoortinniarlugit, nappaammit inunnut nalinginnaasumik ulorianartumeersumit imaluunniit nappaammit inuiaqatigiinnut aarlerinartorsiortitsisumeersumit tunillannartumik qanoq iliuuseqarfinginninnissaq pillugu malittarisassanik aalajangersaasinnaapput.

Tunillannartunik akisussaassusilimmik poortuineq assartuinerlu, tunillannartunik toqqorsinermik suliarinninnermut atatillugu ininik aaqqissuussinissamut isumannaallisaanissamullu piumasaqaatit kiisalu akisussaassuseqanngitsumik suliarinninnermi imaluunniit aalajangersakkami pineqartunik tunillannartunik atornerluinermi

iliuuseqartoqarnissaa pillugit aalajangersakkatigut erseqqinnerusunik malittarisassiorqarsinnaassaaq.

Aammattaaq tunillannartunik pineqartunik Kalaallit Nunaannit aamma Kalaallit Nunaannut kina eqqussillunilu annisisinnaanersoq, toqqorsimasuuteqarsinnaanersoq, tunniussisinnaanersoq, niueruteqarsinnaanersoq suliarinnissinnaanersorlu – tassunga ilanngullugit nappaatinit tunillaassortuninngaanneersunik misiligutnik tigusicinnaanersoq misisueqqissaarsinnaanersorlu pillugit malittarisassani ilanngussisoqarsinnaassaaq.

§ 39-mut

Tunillaassortunik Nappaalanersuaqarneranut Ataatsimiitaliarsuaq isumasioqatigereerlugu Timinik toqungasunik eqqussineq annissinerlu kiisalu taakku nunami maani suliarineqarnerat angallanneqarnerallu pillugit Naalakkersuisut aalajangersakkatigut aalajangersakkanik erseqqinnerusunik malittarisassiorsinnaapput.

Inuiaqatigiit inuillu inatsisartut inatsisaanni pineqartunik tunillannartunik nappaatilinnut illersorniarlugit maani nunatsinni toqungasunik eqqussineq annissinerlu aammalu suliarinninneq toqungasullu timaanik assartuineq pillugit malittarisassanik aalajangersaanermi piginnaatitsissut atorneqarsinnaavoq.

Assersuutigalugu toqungasup timaanik eqqussillunilu annissinissamut uppermarsaammik tunniussinissamut, poortuinermut assartuinermullu piumasaqaatit aammalu assartuinissamut piffissaliinissamut pisussaaffeqarneq pillugit malittarisassanik nalinginnaasunik aalajangersaasoqarsinnaavoq.

Toqungasup timaanik tunillaasinnaasunik, tassa imaappoq timimik nappaammik inunnut nalinginnaasumik uloriarnartumik inuiaqatigiinnulluunniit aarlerinartorsiortitsisumik tunillanneqarsimasumik, toqoreeraluarluni suli sukkasumik tunillaassuisinnaasumik passussineq pillugu malittarisassanik erseqqinnerusunik aamma aalajangersaasoqarsinnaassaaq.

Tassunga atatillugu assersuutigalugu inunnut toqungasup timaanik pineqartumik passussisariaqartunut killilersuinerit, nakorsaq sorleq toqungasup timaanik misissuisinnaanersoq aammalu inunnut toqungasup timaanik passussisussamut illersuutit pillugit malittarisassanik aalajangersaasoqarsinnaassaaq. Tamatuma saniatigut toqungasup timaanik poortuinermut atortunullu aammalu toqungasup timaata illerfimmuit qanoq ittumut ilineqarnissaanut toqungasullu timaanik ikuallaanissamut ilisinissamulluunniit piffissaliinermut piumasaqaatinik aalajangersaasoqarsinnaassaaq.

§ 40-mut

Toqusqarneranut atatillugu nappaammik inunnut nalinginnaasumik ulorianartumik nappaammilluunniit inuiaqatigiinnut aarlerinartorsiortitsisumik toqquteqartoqarnera

pasitsaanneqarpat paasineqarpalluunniit, pisariaqartillugu timimik toqungasumik pilattaanikkut misissuisoqarnissaanut ersarissumik tunngaveqarnissaq § 40, imm. 1-imik aalajangersakkatigut qulakkeerneqassaaq.

§ 40, imm. 1 malillugu timimik toqungasumik pilattaanikkut misissuisoqarnissaanut tunngatillugu Nunatta Nakorsaaneqarfia nappaammik inunnut nalinginnaasumik ulorianartumik toqquteqartoqarneranik pasitsaassaqassasoq paasisaqassasorluunniit tassungalu atatillugu timimik toqungasumik pilattaanikkut misissuisoqarnissaata pisariaqarneranik naliliissasoq piumasaqaataassaaq.

Assersuutigalugu nappaammik sumik toqquteqarsimanera allatut aalajangersarneqarsinnaanngippat timimik toqungasumik pilattaanikkut misissuisoqarnissa pisariaqarsinnaavoq. Timimik toqungasumik pilattaanikkut misissuisoqqaartinnagu nappaammik inunnut nalinginnaasumik ulorianartumik nappaammilluunniit inuaqtigiinnut aarlerinartorsiortitsisumik ilisimaneqanngitsumik aammalu toqququtigineqarsinnaanera pillugu paasineqarsinnaanngilluinnartumik imaluunniit nappaatip tunillaannerata aallartinnerani toqququtigineqarsinnaanera pillugu paasineqarsinnaanngitsumik siunissami tuniluuttoqarnissa mattunneqarsinnaanngilaq.

Qaqugukkut timimik toqungasumik pilattaalluni misissuisoqarnissaanut timimik toqungasumik pilattaalluni misissuinermi paassisutissanik pisariaqartitsinermut tunngatillugu nalilersueqqissaartoqarnissa apeqqutaassaaq.

Nappaammik pineqartumik inunnut nalinginnaasumik ulorianartumik imaluunniit nappaammik pineqartumik inuaqtigiinnut aarlerinartorsiortitsisumik pinaveersaartitsinissaq akiuinissarlu qulakteerniarlugit, toqusoqarnerani pissutaasut pissutsillu aalajangersarumallugit timimik toqungasumik pilattaalluni misissuisoqarsinnaanera inuaqtigiinnut soqtiginaateqartorujussuusinnaavoq.

Aammattaaq nappaatip ingerlарнга, ineriar торнера, qanoq ittuunera, ilisarnaatai, ersiutai il.il. pillugit ilisimasanik attuumassuteqartunik timimik toqungasumik pilattaalluni misissuinerup pissarsisitsisinnaanera nalilerneqarpat, timimik toqungasumik pilattaalluni misissuinissaq pisariaqarsinnaavoq.

Timimik toqungasumik pilattaalluni misissuisup sumiiffiullu timimik toqungasumik pilattaalluni misissuiffiusup eqqaata tuniluuttoqannginnissaanut naammattumik isumannaallisarneqarniassammata, timimik toqungasumik pilattaalluni misissuissanerluni nalilersuinermi timimik toqungasumik pilattaalluni misissuinissamut ininik naleqquttunik aaqqissuussanik isumannaatsunik peqarnersoq eqqarsaatigineqassaaq.

Aalajangersagaq malillugu Nunatta Nakorsaaneqarfia aalajangiisinjaatitaavoq, tassami qaqqugukkut nappaammik inunnut nalinginnaasumik ulorianartumik nappaammilluunniit inuaqtigiinnut aarlerinartorsiortitsisumik aalajangersimasumik toqquteqartoqarneranik

pasitsaassisinnaasutut qaqgukkullu taamatut pasitsaassinerup kingunerisaanik timimik toqungasumik pilattaalluni misissuinissap pisariaqarneranik naliliisinnaasutut Nunatta Nakorsaaneqarfia peqqinnissaq pillugu naapertuuttumik piginnaasalittut nalilerneqarmat. Taamatuttaaq timimik toqungasumik pilattaalluni misissuinissamut piginnaasat, init sakkullu sorliit pisumi tassanerpiaq naleqqunnerpaanerannik nalilersuinissaq eqqarsaatigalugu Nunatta Nakorsaaneqarfia oqartussatut tulluarnerpaasutut nalilerneqarpoq. Aallaaviatigut peqqussutip pisortanut nalinginnaasumik toqusut timaannik misissuisartunut tunniunneqarnissaa naatsorsuutigineqarpoq.

Toqusup taassumaluunniit qanigisaasa Nunatta Nakorsaaneqarfia timip toqungasup misissornissaanut aalajangerneranik akerliusinnaanngillat, kisianni Nunatta Nakorsaaneqarfia imm. 2 naapertorlugu sapinngisamik piaarnerpaamik timimillu toqungasumik misissuisoqartinnagu, toqusup qanignerpaasai timimik toqungasumik misissuisoqarnissaanik ilisimatissavai.

§ 41-mut

Aalajangersagaq manna malillugu Tunillaassortunik Nappaalanersuaqarneranut Ataatsimiitaliarsuup bakterissanik assigisaannilluunniit misissuinerit, tunillaassuuttup suussusaata, pilerfiata siaruarneratalu qularnaatsumik aalajangernissaannut pisariallit aallartissinnaavai.

Oqartussat attuumassuteqartut misissuinernik pineqartunik aallartitsinissaat pillugit Tunillaassortunik Nappaalanersuaqarneranut Ataatsimiitaliarsuup qinnuigisinnaavai. Aalajangersagaq naapertorlugu siunnersummi § 4, imm. 1-imi oqartussat tamanna pillugu qinnuigineqartut suliassamik isumaginninnermi ikuunnissamut pisussaatitaapput.

§ 42-mut

Nappaammit inunnut nalinginnaasumik ulorianartumit inuiaqatigiinnulluunniit aarlerinartorsiortitsisumit tunillaassuunnerup unitsinnissaanut piaarnerpaamik iliuuseqartoqarnissaanut pisariaqartitsinermi § 42-imi aalajangersagaq atorneqassaaq.

Matumani inuussutissanik, soorluttaaq nioqquqissanik suliarineqanngitsunik suliarineqarnikunillu tunisassiorneq siammerterisarnerlu atorneqartut ulorianartut pineqassapput.

§ 42 malillugu Naalakkersuisut Tunillaassortunik Nappaalanersuaqarneranut Ataatsimiitaliarsuaq siunnersueqatigereerlugu, tunillaassuussinnaaneq unitsinniarlugu, matumani pisariaqarpat suliffeqarfip pineqartup tamakkiisumik ilaannakortumilluunniit matuneqarnissaanut peqqusinikkut imaluunniit inuup tunillanneqarsimasup suliffeqarfimmuit isernissaanik inerteqquteqarnikkut iliuusissanik aalajangersaasinnaapput.

§ 43-mut

§ 43, imm. 1-imi siunnersuutigineqarpoq inuit Nunatta Nakorsaaneqarfianit peqquneqarlutik paasissutissanik aalajangersimasunik, matumani nunami avataani sumiiffigisimasat, atit inuillu qanillisimasaasa attavigineqarnissaannut paasissutissat ilanggullugit, tunniussisussaatitaassasut.

Qanoq qanillisimatiginermut erseqqissumik aalajangersaasoqarsinnaanngilaq, taamaattorli nappaatip qanoq ittuunera taamaalillunilu attuinikkut tunillaasinnaassuseq apeqqutaapput.

Nunatta Nakorsaaneqarfia nappaatip inunnut nalinginnaasumik ulorianartup inuiaqatigiinnulluunniit aarlerinartorsiortitsisup siaruatsaaliniarneranut tunillaassornissaatalu pinaveersaartinnissaanut aatsaat pisariaqarpat, oqaaseqatigiit siullit malillugit paasissutissanik qinnuiginnissinnaapput.

Aalajangersakkamik atuinissamut pisariaqalersinnaanera pillugu piumasaqaat tunngaviusumik piumasaqaataavoq. Taamaattumik inunnut nalinginnaasumik uloriarnartumik imaluunniit inuiaqatigiinnut aarlerinartorsiortitsisumik nappaammik siaruatsaaliniissaq pisariaqassappat, tunillatsissimasunik sumiissusersiunissaq ilanggulluguttaaq, Nunatta Nakorsaaneqarfiata inuit paasissutissanik tunnisseqqusinnaavai. Tassa imaappoq Nunatta Nakorsaaneqarfia siunertarisamut piumasaqaataasunit sukumiinerusunik allanik paasissutissanik piumasaqarsinnaanngilaq.

Aalajangersagaq naapertorlugu inuit nunami avataanilu sumiiffigisimasartik, atit inuillu qanillisimasaasa attavigineqarnissaannut paasissutissat ilanggullugit paasissutissanik tunniussisussaatitaanerisa saniatigut paasissutissanik allanik naleqquttunik tunniussisussaatitaassapputtaaq.

§ 43, imm. 2 naapertorlugu peqqissaanermik suliaqartut inuit pillugit paasissutissanik Nunatta Nakorsaaneqarfianut tunniussisussaatitaapputtaaq, soorlu peqqissaanermik suliaqartup napparsimasoq aarlerinartumik pissusilersorsimanera ilisimappagu Nunattalu Nakorsaaneqarfianut ilisimatitsinissaq naapertuuppat, taamaaliornikkummi iliuuseqartoqassanersoq nalilersorneqarsinnaaniassammat.

Immikkut ittumik aarlerinartumik pissusilersortoq tassaasinnaavoq inuk malittarisassanik, soorlu imminut mattunnissamut peqqinnissaqarfiup pineqartumut ilitsersuutigisaanik, malinnikkusunngitsoq. Avatangiisini angallannermi, assersuutigalugu pineqartoq peqqinnissaqarfimmi atorfearpat, utoqqaat illuanni inuilluunniit sanngiitsut akornanniittarpat innuttaasunut immikkut ittumi sanngiitsut tunillatsinnissaannut navianartorsiortitsisinnaavoq. Aalajangersakkap kingunerisaanik peqqissaanermik suliaqartut aalajangersakkami eqqaaneqartunik napparsimasoq akuersiteeqqaarnagu napparsimasoq pillugu paasissutissanik ingerlatitseqqissapput.

Inatsit malillugu inatsit aalajangersakkalluunniit aalajangersarneqarsimasut malinneqarpata napparsimasoq akuersiteeqqaarnagu napparsimasup peqqissusaa pillugu paasissutissat allallu paasissutissat isertuussat pillugit ingerlatitseqqittooqarsinnaavoq, paasissutissat

ingerlateqqinnejartussat paasissutissallu oqartussamut tigusisussamut pingaaruteqarluinnarsorineqassapput.

§ 43, imm. 3-mi siunnersuutigineqarpoq Nunatta Nakorsaaneqarfia Inatsisartut inatsisaanni kapitali 3 naapertorlugu iliuutsinik aalajangiinissaanut napparsimasut pillugit nalunaarsuiffinnit il.il. aamma isumassuineq pillugu nalunaarsuiffinnit paasissutissat pisariaqarpata, oqartussat, paaqqinnittarfiit peqqissaanermillu suliaqartut Nunatta Nakorsaaneqarfianit qinnuigineqarnermikkut paasissutissanik taakkunannga ingerlatitseqqinnissamik aamma pisussaatitaasut.

Kapitali 3 malillugu Nunatta Nakorsaaneqarfia aalajangiinissaanut paasissutissat pisariaqartut sinnerlugit Nunatta Nakorsaaneqarfia qinnuiginnissinnaanngilaq aamma oqartussat, suliffeqarfik peqqissaanermilluunniit sulisoq pineqartoq paasissutissanik Nunatta Nakorsaaneqarfia aalajangiinissaanut paasissutissat pisariaqartut sinnerlugit tunniussisinnaanngilaq.

§ 43, imm. 4 naapertorlugu inatsisitigut pisinnaatitaasut pisussaatitaasullu inuit pillugit paasissutissanik attuumassuteqartunik tunniussisussaatitaapputtaaq. Inuit pillugit paasissutissanik attuumassuteqartut tassaasinnaapput inuup normua, sulisut ilaasortalluunniit attaviginissaannut kiisalu taakku angallattarnerat pillugit paasissutissat.

Nunatta Nakorsaaneqarfia aalajangersagaq manna naapertorlugu assersuutigalugu timersornermut peqatigiiffiit, timigissartarfiit il. il. ilaasortaasa attavigineqarnissaat qaqugukkullu ornigussimanerat pillugit paasissutissanik piumasaqarsinnaavoq, taamaaliornikkut Nunatta Nakorsaaneqarfia ilaasortat attavigisinnaavai inummillu nappaammik inunnut nalinginnaasumik ulorianartumik imaluunniit nappaammik inuiaqatigiinnut aarlerinartorsiortitsisumik tunillatsissimasorineqarpata, Nunatta Nakorsaaneqarfianit qinnuiginnitoqneratigut ilaasut allattorsimaffiannik paasissutissat inuttallu pillugit paasissutissat pigineqarpata, paasissutissat taakkua timmisartumut umiarsuarmulluunniit akisussasaasuuusup imaluunniit taassuma piginnaatitaata tunniutissavai.

Aalajangersakkani imm. 1 naapertorlugu paasissutissat ingerlateqqinnejartussat, nalinginnaasumik ateq(aqqit), najugaq attaveqarnissamullu paasissutissat (oqarasuaatip normua e-maililu), ilaasunut allattorsimaffinnut angalanissamut pilersaarut tamakkiisoq,

ilaasut angalanerisa killiffiat, issiaviisa normui allallu sumiiffigisimasat pillugit paasissutissat kiisalu angalaqatit taakkulu ilaasut allattorsimaffiini aqqi imarisassavaat.

Inatsisartut inatsisaanni § 44, imm. 2, malillugu paasissutissat suut imm. 1, naapertorlugu nalunaarutigineqassanersut kiisalu nalunaarutip ilusissaa pillugit maleruagassat ersarinnerusut Naalakkersuisut aalajangersarsinnaavaat.

§ 45-mut

§ 45, imm. 1 naapertorlugu Naalakkersuisut peqqissaanermik suliaqartut akuerisat inuinnaallu imaluunniit suliffeqarfiit, laboratoriами misissueqqissaarnermik ingerlatsisut inuit pillugit paasissutissanik, nappaatinut tunillaassortunut, Inatsisartut inatsisaanni § 2-mi pineqartunut tunngassutilinnik Nunatta Nakorsaaneqarfianut ingerlatitseqqinnissamik akisussaaffeqarnerat pillugu malittarisassanik aalajangersaasinnaapput.

Tassa imaappoq, Naalakkersuisut kikkut tunillaassuuttumik nappaateqarsimanersut pillugit paasissutissanik tunniussisussaatitaaneq pillugu malittarisassiorsinnaassapput.

Piginnaatitsinissamut aalajangersagaq siunnersuutigineqartoq nappaatinut tunillaassuuttunut tamanut tunngavoq, tassunga ilanngullugit inunnut nalinginnaasumik uloriarnartunut inuaqatigiinnullu aarlerinartorsiortitsisut, kisiannili nappaatit tuniluuttut inunnuli nalinginnaasumik uloriarnartuuungitsut inuaqatigiinnullu aarlerinartorsiortitsinngitsut ilanngullugit.

Piginnaatitsinissamut aalajangersagaq peqqissaanermik suliaqartunut allanullu laboratoriами nappaatinik tunillaassortunik naammattuuineq pillugu paasisat pillugit nalunaaruteqarnissamut pisussaaffiliinissaq pillugu kiisalu peqqissaanermik suliaqartut akuerisat nappaatit tunillaassortut pillugit allakkatigut oqarasuaatitigullu Nunatta Nakorsaaneqarfianut paasissutissiisussaatitaanissaat pillugu maleruagassiornissamut atorneqarsinnaassaaq.

Piginnaatitsinissamut aalajangersagaq taaku saniisigut toqusqarsimatillugu nappaat inunnut nalinginnaasumik uloriarnartoq inuaqatigiinnulluunniit aarlerinartorsiortitsisoq toqqutigineqarsimasorineqarpat taassuminngaluunniit toqquaasimasoq paasineqarpat nakorsaq aggersarneqartoq akisussaasuunissaa pillugu malittarisassiorissamut atorneqarsinnaassaaq.

Taamatut nalunaaruteqartussaanermik aalajangersaunerup siunertaa tassaassaaq, toqusqarsimatillugu nappaat inunnut nalinginnaasumik uloriarnartoq inuaqatigiinnulluunniit aarlerinartorsiortitsisoq toqqutigineqarsimasorineqarpat Nunatta Nakorsaaneqarfia ilisimatinneqarnissaa, taamaaliornikkummi Nunatta Nakorsaaneqarfia timimik toqungasumik pilattaanikkut misissuisoqassanersoq isummersinnaaniassammatt.

Imm. 1-im i piginnaatitsinissamut aalajangersagaq Nunatta Nakorsaaneqarfia timimik toqungasumik pilattaanikkut misissuisoqassanersoq isummersinnaanissaanut pisariaqartinneqarpata, § 40, imm. 1 takuuk, peqqissaanermik suliaqartut akuerisat

napparsimasoq toqusimasoq pillugu paasissutissanik Nunatta Nakorsaaneqarfianut tunniussisussaatitaanissaat pillugu maleruagassiornissamut atorneqarsinnaassaattaaq.

§ 45, imm. 2 naapertorlugu Naalakkersuisut peqqissaanermik suliaqartut akuerisat inuinnaallu imaluunniit suliffeqarfiit, sumiiffimmi allami laboratoriami misissueqqissaarnermik ingerlatsisut, misissuinermi atortunik, imaluunniit virusit geniinik misissueqqissaarnermit (helgenomsekventering) imaluunniit misissuinermit atortunik misissueqqissaarnernit assingusunit inernernik, inuup nappaammik Inatsisartut inatsisaanni § 2-mi pineqartumik napparsimaneranik takutitsisunik Nunatta Nakorsaaneqarfianut ingerlatitseqqinnissaannut malittarisassanik aalajangersaasinnaapput.

Piginnaatitsinissamut aalajangersagaq siunnersuutigineqartoq misiligtissanik nassiussinissamut taarsiullugu virusimik helgenomsekventeeriinikkut (organismenut kodenik genetiskiusunik suussusersueriaaseq) assigisaanilluunniit misissueqqissaarnermi paasisanik ingerlatitseqqittussaatisinissamut allanullu atorneqarsinnaassaaq.

§ 46-mut

Nunatta Nakorsaaneqarfia tuniluunnerup paasiniarneqartarnera pillugu Statens Serum Institutimik oqartussanillu attuumassutilinnik allanik isumaqatigiissusiorsinnaasoq § 46, imm. 1-imí siunnersuutigineqarpoq.

Aalajangersakkami takuneqarsinnaavoq Statens Serum Institut oqartussallu allat attuumassutilit imm. 1 malillugu paasissutissanik piniarsinnaasut, paasissutissat tamakkua institutip nappaatinik tunillaassortunik Inatsisartut inatsisaanni § 2-mut ilaasunik pinaveersaartitsiniarnermut akiuniarnermullu tunngatillugu suliassanik isumaginninnissaanut pisariaqartinneqarsimappata.

Inunnut paasissutissanik Nakorsaaneqarfiup tunillaassuunnerup pineqartup paasinianeranut atatillugu nalunaarsorsimasaanik Nakorsaaneqarfiup ingerlaannaq ingerlatitseqqittarnissaanik Statens Serum Institutip qinnuiginnissinnaalernissaa siunnersuutip kingunerissavaa.

Ilanngullugu § 44-mi inatsisitigut tunngaveqarluni ilaasut allattorsimaffiiniittut inuttallu pillugit inunnut paasissutissanik Nakorsaaneqarfiup katarsorsimasaanik ingerlatitseqqittarnissaq pillugu Statens Serum Institutip qinnuigineqarsinnaanera siunnersuutip kingunerissavaa, matumani attaveqarfigisimasanut tunillaassuuttunillu paasinianissamut tunngatillugu Statens Serum Institutip nunani tamalaani pisussaaffinnik suliaqarnissaa siunertaralugu. Tassunga atatillugu nappaatit tunillaassuuttut Inatsisartut inatsisaanni § 2-mi ilaasut pinaveersaartinnissaat akiorniarnissaallu pillugit suliassanik institutip suliaqarnissaanut paasissutissat pisariaqartuunissaat piumasarineqarpoq.

Taamatullu aamma isumaqatigiissuteqarnikkut Nunatta Nakorsaaneqarfia paasissutissanik Statens Serum Institutimit oqartussaniillu attuumassuteqartunit allanit pissarsisinnaassaaq.

§ 47-mut

Nakorsaaneqarfieuq inunnut paasissutissanik ingerlatitseqqissinnaanissa § 47-imi siunnersuutigineqarpoq, soorlu peqqissutsimut paasissutissanik najukkami kommunalbestyrelsimit ingerlatitseqqissinnaanermut tunngatillugu, matumani kapitali 3 malillugu iliuusissanut kommunimi pineqartumi innuttaasut nammineq piumassuseq malillugu peqataasarnissaannik Nakorsaaneqarfieuq kaammattuisarneranut kommunalbestyrelsip ikiuuttarnissa siunertaralugu. Kapitali 3-mi aalajangersakkat malillugit iliuuserineqartussat nappaatit inunnut nalinginnaasumik ulorianartut imaluunniit inuiaqatigiinnut aarlerinartorsiortitsisut pinaveersaartinnissaannut, killilersimaarnissaannut imaluunniit piuneerutsinnissaannut aatsaat aallartinneqarsinnaapput.

Aalajangersakkap kingunerissavaa kommunip innuttaasunut piffimmi aalajangersimasumiittunut tunillatsittunik paasisaqarfiusunut anguniagaqarfiusumik siunnersuisarnissa siunertaralugu Nakorsaaneqarfieuq inunnut paasissutissanik kommunalbestyrelsimit ingerlatitseqqittarnissa. Aalajangersakkap aamma kingunerissavaa inunnut paasissutissanik pisariaqartillugu Nunatta Nakorsaaneqarfia ingerlatitseqqittarnissa, matumani kommunalbestyrelsip inummut iliuusissanik aallartitsiffiusussamut nammineerluni peqataanissamik kajumissaarinissaanut ikuunnissaq eqqarsaatigalugu.

§ 47, imm. 2 malillugu najukkami kommunalbestyrelsi Nunatta Nakorsaaneqarfia qinnuiginnereerneratigut inunnut paasissutissanik attuumassutilinnik ingerlatitseqqissinnaavoq, soorlu peqqissutsimut paasissutissanik, matumani inatsimmi kapitali 3 naapertorlugu iliuusissat pillugit tunillaassuuttunik paasinianissamut aalajangiinissamulluunniit tunngatillugu Nunatta Nakorsaaneqarfia suliassaanut atugassai pisariaqartinneqarsimappata.

§ 48-mut

§ 48-imi aalajangersarneqarpoq inuup nappaammik inunnut nalinginnaasumik ulorianartumik imaluunniit inuiaqatigiinnut aarlerinartorsiortitsisumik aalajangersimasumik tunillatsissimanera pillugu atermik paasissutissanillu pisortat namminersortulluunniit suliffeqarfiaannut inuup najugaanut angalaarfigisaanulluunniit Nunatta Nakorsaaneqarfia ingerlatitseqqissinnaasoq, matumani suliffeqarfimmi tunillatsittoqarsimanera paasineqarpat aamma nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik siammarterinissaq tunillaassuinissarluunniit pinngitsoortinniarlugit suliffeqarfieuq iliuusissanik pisariaqartinneqartunik aalajangiinissaq pisariaqartinneqarsimappat.

Assersuutigalugu angajoqqaat nukangasumik inunnut nalinginnaasumik ulorianartumik imaluunniit inuiaqatigiinnut aarlerinartorsiortitsisumik tunillanneqarsimasumik meerallit meeqqap tunillanneqarsimaneranik namminneerlutik atuarfimmut suliffeqarfimmulluunniit ornittagaanulluunniit ilisimatitsinnginnissaannut tunngatillugu ingerlatitseqqinnissaq pisariaqarsinnaavoq. Pisumi taamaattumi atuarfimmi suliffeqarfimmiluunniit pineqartumi nappaammik inunnut nalinginnaasumik ulorianartumik inuiaqatigiinnulluunniit aarlerinartorsiortitsisumik siammerterinissaq tunillatsissimanermulluunniit pinngitsoortinnissaq eqqarsaatigalugu pisariaqarsinnaassaaq.

§ 49-mut

§ 49, imm. 1-imi tunngavigalugu inunnut paasissutissat suliarineqarnissaat pillugit malittarisassanik Naalakkersuisut aalajangersaasinnaapput, matumani nappaammik aalajangersimasumik tunillaassortumik inatsimmi § 2-mut ilaasumik pinngitsoortitsiniarneq tunillaassuinnginnissarlu katsorsaanikkut pisariaqassappat.

§ 49, imm. 2-mi siunnersuutigineqarpoq malittarisassat, oqaaseqatigiit siulliit naapertorlugit aalajangersarneqartut, inuit pillugit paasissutissanik suliaqartarneq pillugu malittarisassanik, inatsimmi allami inatsilluunniit alla naapertorlugu aalajangersarneqartunik saneqqutsisinnaasut.

Piginnaatitsissummut aalajangersagaq ilaatigut misissortinnissamut neqeroornermut atatillugu inunnut paasissutissat suliarinerannut malittarisassanik aalajangersaanissamut atorneqarsinnaassaaq, soorlu taamaaliortoqartoq Coronamut 2019-imut (COVID-19) misissortinnissamut atatillugu.

§ 50-imut

§ 50, imm. 1-imi oqaaseqatigiit siullianni pisortanut pisussaaffiliussat namminersortullu pisortanut pisussaaffiisa inatsisini allani aalajangersarneqartut, inatsisit allat malillugit imaluunniit inatsisit allat malillugit aalajangiiffingeqartut saneqqunneqarsinnaanerat pillugit nunamut nunalluunniit ilaanut piffissami aalajangersimasumi Naalakkersuisut aalajangersaanissaminntu piginnaatinneqarput, matumani nappaatip inuiaqatigiinnut aarlerinartorsiortitsisup kingunerisaanik inuit tassanngaannartumik imaluunniit ajortunut katsorsartinnissamik pisariaqartitsisut katsorsarnissaannut paaqqutarineqarnissaannullu sulisoqarnissaq qulakkeerniarlugu pisariaqartitsisoqarsimappat.

Nalunaarut aqqutigalugu piginnaatitsissut siunnersuummiittooq aqqutigalugu tamakkiisumik killilersuunissaq pillugu malittarisassanik aamma aalajangersaasoqarsinnaassaaq, imatut paasillugu; pisinnaatitaaffik pisussaaffilluunniit pineqartoq aamma pisinnaatitaaffik pisussaaffilluunniit ilaannakuusumik killeqartinnissaat pillugit malittarisassat

atorunnaarsinnaanerat, soorlu piffissaliussap aalajangersarneqareersup allannguiffiginissa sivitsuiffiginissaaluunniit.

Aalajangersagaq malillugu nunamut nunalluunniit ilaanut malittarisassanik aalajangersaasoqarsinnaassaaq, assersuutigalugu kommuninut aalajangersimasumut, kommunip ilaanut, illoqarfiup ilaannut aalajangersimasunut imaluunniit illoqarfiup ilaannut immikkut killilersuiffiusunut killeqartitsisunik.

Aalajangersagaq naapertorlugu malittarisassat taamaallaat piffissamut aalajangersimasumut aalajangersaaffigineqartarnissaannut piumasaqaateqarnermi piumasarineqarpoq nalunaarutit aalajangersagaq naapertorlugu atortussanngortinnejartut atorunnaarsinnissaannut ulluliinermik imaqtassasut, taamaaliornikkut qulakkeerneqassammat pisinnaatitaaffinnik pisussaaffinnillu saneqqutsinissaq piffissaq qaangerlugu ingerlatiinnannginnissaat.

Aalajangersagaq naapertorlugu naleqqiussisinnaanermut naliliineq nutaaq tunngavigalugu nalunaarutip atortussanngortinnejartup sivitsuiffiginissaanut aalajangiineq taamatut piumasaqarnermut akornutaanavianngilaq sivitsuisimaneq piffissamut aalajangersimasumut killeqartinnejarsimappat.

Nappaatip inuaqatigiinnut aarlerinartorsiortitsisup kingunerisaanik inunnut katsorsartinnissamik tassanngaannartumik ajortumilluunniit katsorsaanissamut paaqqutarinninnissamullu sulisussanik qulakkeerininnissaq pisariaqarsimappat aalajangersagaq malillugu pisinnaatitaaffiit pisussaaffiillu saneqqunneqarsinnaanerat aatsaat pisinnaanerat pillugu piumasaqarnermi suliaqartarnissaq killiliiffigineqarpoq, matumani nappaat inuaqatigiinnut aarlerinartorsiortitsisoq peqqinnissaqarfiup iluani inuaqatigiinni suliassanik pingaarutilinnik akornusersuinernik annertuunik kinguneqarsinnaassappat imaluunniit akornusersueriaannaassappat.

Aalajangersagaq malillugu nappaat inuaqatigiinnut aarlerinartorsiortitsisoq pissutigalugu peqqinnissaqarfimmi katsorsaanissamut paaqqutaqarnissamullu sulisorineqartut amigaataalersimanissaat imaluunniit amigaataalerumaarnerat piumasaqaataassaaq. Taamaammat piumasaqaataasariaqarpoq pisussaaffiit pisinnaatitaaffiillu saneqqunneqartut sulisussanik pisariaqartitsinermut tunngatillugu pingaaruteqarpallaanngitsutut isigineqarnissaat, tassalu inuit tassanngaannartumik imaluunniit ajortunut katsorsartinnissamik pisariaqartitsisut katsorsartittussatut nalilerneqartut.

Aalajangersakkap pisuni nappaatip inuaqatigiinnut aarlerinartorsiortitsisup peqqinnissaqarfiup katsorsaanissanut paaqqutarinninnissamullu sulisunik navianartorsiørnerani aatsaat atorneqarsinnaaneranut killeqartitsinermut, killeqartitsinermilu peqqinnissaqarfimmut suliassaqarfiup iluani malittarisassanik aatsaat saneqqutsisinnaanermut tunngatillugu, aalajangersagaq killeqartumik atorneqarsinnaassaaq.

Napparsimasut innuttaasullu katsorsarneqarnissaasa qulakkeernissaat pisariaqarpat tassungalu piumasaqaatit imm. 1 naapertorlugu malitarisassat aalajangersarneqarsimasut pissutigalugit naammassineqarsinnaassanngimmata imm. 2-mi piffissami aalajangersakkanik inatsimmi allami aalajangersarneqarsimasunik piumasaqaatinik saneqqutsisunik aalajangersaanissamut Naalakkersuisut periarfissinneqarput.

Taakku immikkut aalajangersakkat taakkununnga tunngavissaaruppat atorunnaarsinneqassapput, imm. 3 takuu.

§ 51-imut

Pisortanut aalajangersarneqartunut pisortat namminersortulluunniit pisussaaffiinut pisinnaatitaaffiinullu imaluunniit inatsisit allat naapertorlugit imaluunniit inatsisit allat naapertorlugit aalajangiinerit pisortanit aalajangiiffingeqartut pillugit pisussaaffiit saneqqunneqarsinnaanerat pillugu nunamut tamarmut nunalluunniit ilaanut malittarisassanik Naalakkersuisut aalajangersaasinnaapput, matumani pisussaaffiit pisinnaatitaaffiillu pineqartut naammassinissaat periarfissaqarsimatinnagu imaluunniit nappaatinut inuiaqtigiinnut aarlerinartorsiortitsisunut Inatsisartut inatsisaat manna malillugu aalajangiiffingeqartunut iliusissat kingunerisaannik periarfissaajunnaarsimappat ajornakusuulersimappalluunniit.

Aalajangersagaq nappaammut inuiaqtigiinnut aarlerinartorsiortitsisumut tunngatillugu iliuuseqarnermi taamaallaat atorneqarsinnaavoq.

Inatsisartut inatsisaat malillugu iliuutsit inuiaqtigiiit annerpaartaannut kinguneqarsinnaapput, taamaattumik suliassaqarfinni assigiinngitsuni arlalinni pisussaatitaaffinnik pisinnaatitaaffinnilluunniit saneqqussinissaq pisariaqalersinnaavoq.

Aalajangersakkami siunnersuutigineqartumi siunertaasoq tassaavoq pisortani oqartussat, iliuutsit Inatsisartut inatsisaat manna naapertorlugu aalajangersarneqartut kingunerisaannik oqartussat inatsit alla il.il. naapertorlugit pisussaaffimminik, soorlu piffissaliunneqartumik oqartussat malitassaannik eqquutsitsisinnaanerisa innuttaasullu pisinnaatitaaffiinik qulakkeerinnissinnaanerisa pissusissamisuunngitsumik ajornarsinnaanerat ajornakusoorsinnaaneratalu eqqarsaatigineqarnissaat.

Aalajangersakkami siunertarineqarportaaq inuit inatsisitigullu pisinnaatitaasut pisussaatitaasullu, pisussaaffimminik inatsit naapertorlugu oqartussanut pisussaaffigisaminnik eqquutsitsisinnaanerisa ajornarsinnaanerata eqqarsaatigineqarnissaa.

Assersuutigalugu inuit sumiiffimmi ataatsimi ataatsimoornissaannik inerteqquteqarneq ataatsimeersuarnerit ingerlanneqartarnerinut sunniuteqarsinnaavoq. Tamanna ukumoortumik nalunaarusianik nassiussisarnermut tunngatillugu unamminiagassanik kinguneqarsinnaavoq, taanna ataatsimeersuarnermi akuerineqartussaammat. Tamanna suliffeqarfiup ukumoortumik

nalunaarusiap akuerineqarsimasup Ukiumoortumik naatsorsuutit pillugit inatsimmi piffissaliunneqartoq tikitsinnagu nassiunnissaanut inortuineranik kinguneqarsinnaavoq. § 51-imi aalajangersagaq siunnersuutigineqartoq aqqutigalugu ukiumoortumik nalunaarutit nassiunneqarnissaannut piffissaliussamik saneqqutsisinnaanermut malittarisassanik aalajangersaasoqarsinnaassaaq.

Taamaattumik Naalakkersuisut isumaqarput aalajangersagaq inatsisit il.il. aalajangersimasut malillugit pisinnaatitaaffinnut pisussaaffinnullu taamaallaat atorneqarsinnaasunngungnnginnissa piissusissamisoortuunerpaassasoq. Aalajangersagaq malittarisassanik inatsimmi allami inatsilluunniit alla naapertorlugu aalajangersarneqartunik kiisalu inatsit alla naapertorlugu aalajangikkani pisinnaatitaaffinnik pisussaatitaaffinnillu pisortanit aalajangersarneqartunik saneqqutsisinnaassaaq.

Piginnaatitsissut siunnersuutigineqartoq aqqutigalugu, pisinnaatitaaffinnik pisussaaffinnilluunniit pineqartunik tamakkiisumik atorunnaarallartitsisoqarneranut malittarisassanik aamma pisinnaatitaaffinnik pisussaatitaaffinnillu ilaannakortumik killiliinermut malittarisassanik aalajangersaasoqarsinnaassaaq. Aalajangersagaq malillugu malittarisassiorerit, nuna tamakkerlugu atuuttusanik malittarisassiornissaq pisariaqanggikkaangat nunap immikkoortuinut killilersorneqarsinnaassapput.

Imm. 2-mi pisinnaatitaaffiit pisussaaffiillu pineqartut saneqqunneqarnissaannut tunngavissaaruppat, malittarisassat imm. 1 naapertorlugu atuutilersinneqartut atorunnaarsinneqassapput.

§ 52-imut

Siunissami nappaatinik tuniluuttartunik, nioqqutissanik pilersuinermut unammilligassaqartitsilersonik tuniluuttoqarnissaa mattunneqarsinnaanngilaq.

Taamaattumik Naalakkersuisut isumaqarput, assersuutigalugu nammineq atortunik tunillaassuunnaveersaatinik pilersuinerup imaluunniit ulluinnarni nioqqutissanik pilersuinerup attannissaata qulakteernissaanut tunngavissaqarnissaq pisariaqartoq.

Nunatsinni maani pisuni nappaatip inuiaqatigiinnut aarlerinartorsiortitsisup siammaannissaanut imaluunniit siammaannissaanut ulorianartorsiortiusuni nunamut tamarmut ilaanoluuunniit piffissami aalajangersimasumi nioqqutissanik pilersuinissap qulakteernissa siunertalarlugu iliuusissat immikkut ittut pillugit malittarisassanik Naalakkersuisut aalajangersaasinnaanissaat siunnersuutigineqarpoq.

Piginnaatitsissut nappaammut inuiaqatigiinnut aarlerinartorsiortitsisumut tunngatillugu iliuuseqarnermut atatillugu taamaallaat atorneqarsinnaavoq.

Aalajangersagaq assersuutigalugu nioqqutissanik eqqussuisut, tunisassiortut siammerisullu quersuarmiittutinik annertusaanissaannik allannguinissaannilluunniit allatigulluunniit

nioqqtissanik pisarialinnik pilersuinermik qulakkeerinneqataamissaannik peqqussuteqarnermut atorneqarsinnaavoq.

Nioqqtissanik pilersuinerup qulakeernissaanut iliuutsinik aallartitsinerit pingaartumik inuussutissarsiortunut artukkiisinjaammata, aalajangersagaq malillugu iliuutsit nunap immikkoortuinut, malittarisassanik nuna tamakkerlugu atuuttussanik eqquassinissamut pisariaqartitsiffiunngitsunut killilerneqarsinnaassapput. Taamaalilluni nioqqtissanik pilersuineq eqqarsaatigalugu iliuutsit aallartinneqartut taamaallaat pisariaqartutut nalilerneqartuni ingerlanneqassallutik.

Imm. 1 naapertorlugu malittarisassat aalajangersarneqartut inatsisini allani saneqqunneqarsinnaapput.

§ 53-imut

Imm. 1-imi siunnersuutigineqarpoq piginnaatitsinissamut aalajangersakkat arlallit taamaallaat Naalakkersuisunit atorneqarsinnaassasut Inatsisartuni ataatsimiititaliaq akerliliissuteqarsimanngippat Atortut ataatsimiititaliamut saqqummiunneqartut inaarutaasumik ilusilerneqarsimanissannik piumasaqaateqanngilaq, ataatsimiititaliali ilisimatitsissutigineqartut tunngavigalugit malittarisassat atorneqarnersut nalilersinnaanissaannut paassisutissanik naammattunik saqqummiiffigineqassapput. Malittarisassat imarisaat oqaatsitigut allattarissatigulluunniit saqqummiunneqarsinnaassapput taamaattumillu Naalakkersuisut suliniutit nutaat oqaatsitigut saqqummiunneqassasut kissaatigipassuk tamanna ataatsimiititaliamut qinnuiginninnikkut sapinngisamik piaarnerpaamik taamaasiortoqarsinnaasariaqarpoq. Oqaatsitigut saqqummiisoqarpat Naalakkersuisut suliniutit pilersaarutigineqartut sapinngisamik piaarnerpaamik allaganngorlugit nassiuutariaqarpaat.

Suliniutit nutaat pissutsinut isertuussassanut tunngasunik imaqpata paassisutissat taakku isertuunneqarunnaarnissaasa, assersuutigalugu nalunaarutip tamanut saqqummiunneqarnissaata tungaanut ataatsimiititaliaq isertukkamik malittarininnissaa naatsorsuutigineqassaaq. Pissutsit isertuussinissamut pissutissaqartitsisut assersuutigalugu tassaapput suliniutit ininut aalajangersimasunut, innuttaasut malittarisassat atuutilersinnagit suliniutaasinnaasunut nutaanut qisuarriaatit orniguffissaannut, taamaalillunilu inuiaqatigiinnut aarlerinartumik malittarisassatigut pinaveersaartinneqarniarsarigaluartumik annertunerulersitsumik isersinnaanermik killilersuinerit.

Aalajangersagaq imatut oqaasertalersorneqarpoq, taamaalilluni ataatsimiititaliaq akerliliissuteqarnissamik kissaateqanngikkuni nassiuunneqartunut oqaaseqartussaatitaanani. Ataatsimiititaliaq akerliliissuteqanngikkaluarluni Naalakkersuisunut nalunaaruteqarsinnaanissaa pitsaaqutaassagaluarpoq, pingaartumik assersuutigalugu peqqissutsitigut ilisimasat eqqarsaatigalugit imm. 4 naapertorlugu sivikitsumik piffissaliisoqarpat.

Imm. 1-imi allassimavoq ataatsimiititaliaq malittarisassat atuutilersinneqarnissaannut

akerliuppat aalajangersakkat taaneqartut tunngavigalugit nalunaarutinik atuutilersitsisoqarsinnaanngitsoq. Taamaalilluni ataatsimiititaliamit erseqqissumik utimut akissuteqartoqarnissaa piumasaqaataalerpoq. Ataatsimiititaliap malittarisassat siunniunneqartut isummerfiginngippagit imaluunniit ataatsimiititaliap isummernera pillugu Naalakkersuisunut nalunaaruteqanngippat Naalakkersuisut nassuiarnerattut malittarisassiorsinnaapput. Ataatsimiititaliaq aalajangiussaminik oqaatsitigut nalunaaruteqarsinnaavoq, upternarsaateqarnissarli eqqarsaatigalugu ataatsimiititaliap isummernera pillugu kingorna allakkatigut nalunaaruteqassalluni.

Suliap ingerlanerani ataatsimiititaliamut qaqqukkulluunniit saqqummiisoqarsinnaavoq, avammulli tusarniutigineqarnerata kinguninngua nassiunneqaruni pitsaanerussaaq.

Ataatsimiititaliaq Inatsisartunit pilersinneqassaaq malittarisassallu eqqarsaatigineqartut pillugit isummerfiginissaannut sukkasuumik utertitsiviginissinnaanissaa naatsorsuutigineqarluni. Ataatsimiititaliap ataavartuunissaa piumasaqaataanngilaq.

Ataatsimiititaliaq Inatsisartunit pilersinneqarmat Inatsisartut Suleriaasiannut ilanngunneqartariaqarpoq, tassunga ilanngullugit malittarisassat ataatsimiititaliap aalajangiinissaanut piginnaatitsisut suleriaasiannullu malittarisassaqtitsisut. Ataatsimiititaliaq inatsimmi atuuttumi suliassaqarfinnut malittarisassaqtinneqanngippat, suliniutissanik nutaanik saqqummeeriaatsit erseqqinnerusut ataatsimiititaliap Naalakkersuisullu akornanni isumaqatigiissutigineqarsinnaapput.

Imm. 2-mi allassimavoq imm. 1 naapertorlugu suliniutinik nutaanik ataatsimiititaliamut saqqummiinissaq pisariaqanngitsoq atorunnaarsitsineq, sakkukinnerulersitsineq annikitsumillu allangguinerit malittarisassat pioreetut pineqarpata. Suliniut sakkukinnerulersitsiniarnerunersoq annikinnersorluunniit nalornissutigineqarpat ataatsimiititaliamut saqqummiunneqartariaqarpoq. Naalakkersuisut imm. 2 naapertorlugu ataatsimiititaliaq peqataatinngippassuk kingornalu tamanna kingornalu suliniut artorsartitsippat annertuumilluunniit sunniuteqarpat piffissami tessani taamaattussatut suliat tunngavigalugit nalilerneqarsimannngippat ataatsimiititaliamik peqataatitsinnginnej suliniutip atuuttussaaneranut isumaqassanngilaq.

Imm. 3-kkut Naalakkersuisut ataatsimiititaliamut siumut saqqummeeqqaaratik malittarisassiorsinnaapput pisuni inuit peqqinnerannut pilertertumik navianartorsiortitsiviusuni aarlerinartorsiortitsisuniluunniit. Oqaaseqatigiit "pisuni inuit peqqinnerannut pilertertumik navianartorsiortitsiviusuni aarlerinartorsiortitsisuniluunniit" ima paasineqassapput pisut ataatsimiititaliamut saqqummiunnissaannut utaqqissunneqarsinnaanngitsutut nalilerneqarpata. Paasissutissat piusut tunngavigalugit naleqqussutsimik nalilersuineq pissaaq. Ataatsimiititaliamut saqqummiinissaq pingaaruteqarluinnarpoq, taamaattorli inuit peqqissusiisa aarlerinartorsiortinneqarnerannut ularianartorsiortinneqarnerannulluunniit tunngatilluguunngitsoq. Aalajangersagaq

atuutilersitsinnagu Naalakkersuisut nalilersuissapput.

Tamanna aarlerinartuunngitsoq ulorianartorsiornerlu annikinnerusoq kingorna paasineqarpat, aalajangererup atuunneranut allannguissanngilaq, aatsaat paassisutissat aarlerinartumik qulaajaanermi ajornannngitsumik pissarsiarineqarsinnaasimappata pissarsiariniarnerisigullu aalajangerniarnermik annertuumik kinguaattoortitsisussaasimannngippata.

Naalakkersuisut imm. 3 oqaaseqatigiit siullit malillugit ataatsimiititaliamut saqqummeeqqaarnatik malittarisassiorpata Naalakkersuisut malittarisassioreernermeri kingorna pisariaqanngitsumik utaqqissussinatik taakku ataatsimiititaliamut saqqummiutissavaat. Ataatsimiititaliap tamatuma kingorna malittarisassanut akerliuppata Naalakkersuisut malittarisassat atorunnaarsissavaat.

Imm. 4 aqqutigalugu Naalakkersuisut ataatsimiititaliap isummernissaanut naammattumik piffissaliinissaannut periarfissinneqarput. Piffissaliussamut naammattutut isigineqarsinnaasumut pisoq aalajangersimasoq aammalu piffissami nalilersuinermi innuttaasut peqqissusaannut aarlerinassutsip ilisimasalimmit nalilersorneqarnera apeqquaassapput. Innuttaasut peqqissusaannut ulorianartoq annikitsutut nalilerneqaraluartoq Naalakkersuisut piffissaliussanik aalajangersaasinnaapput. Tamanna pisinnaavoq suliniutinut nutaanut pilersaarusiornissaq isiginiarlugu kiisalu susassaqtunut suliniutinik kalluarneqartut siunertamut naapertuuttumik paasissutissiinissaq eqqarsaatigalugu.

Imali pisoqarsinnaavoq, tassa piffissaliussaq aalajangersarneqarpat ima naatsigisoq allaat ataatsimiititaliap suliniutit nutaat pillugit isummernissamut periarfissaqarani. Pisuni taama ittuni imm. 3 taarsiullugu atorneqartariaqarpoq. Naalakkersuisut iluaqutaasumik imm. 3-mik 4-milluunniit atuinissamik isumaliuteqartinnatik ataatsimiititaliamut saaffiginnissinnaapput ataatsimiititaliallu suliniutinut nutaanut isummernissamut piffissaq qanoq sivisutigisoq atussaneraat paasiniarlugu.

§ 54-imut

Imm. 1 naapertorlugu ataatsimiititaliamut ilisimatitsisussaatitaaneq ilusissamut piumasaqaammut ilaangilaq piffissamillu piumasaqaat eqqarsaatigalugu pisut ilaanni iluaqutaasinaassaaq ilisimatitsineq siullertut oqaatsitigut pippat. Inatsisartut inatsisaanni piumasaqaammik eqquutsitsinermut erseqqissunik uppernarsaateqarnissaq eqqarsaatigalugu pisuni tamani allakkatigut ilisimatitsisoqartarnissaa naleqquissaaq.

Allannguut annertunnginnersoq nalornissutigigaanni Naalakkersuisut allannguut annertusuuppat ataatsimiititaliamut ilisimatitsinissamisut ilisimatitsissaaq.

§ 55-imut

Tunillaassortunik Nappaalanersuaqarneranut Ataatsimiititaliarsuarmit inassuteqaatit tamanut saqqummiunnerat Naalakkersuisunit suliarineqassapput Naalakkersuisut toqqagaanni.

Tamanut saqqummiineq Naalakkersuisut nittartagaanni nutaarsiassani tamanna pisinnaassaaq. Inassutigineqartoq assersuutigalugu nutaanik suliniuteqarnermut atatillugu immikkut ilisimatitsissutaasoq Naalakkersuisut isumaqarpata, inassutigineqartut assersuutigalugu aamma tusagassiorfinnut toqqaannartumik nassiunneqarsinnaapput tamanulluunniit saqqummiunneqarneranni tusagassiorfinnut nalunaarummik ilanggussilluni.

Imm. 3 inassutinik kingorna tamanut immikkut ittumik saqqummiussisinnaasitsivoq tamanna innuttaasut pissusilersornerisa, inuiaqatigiinnut aarlerinartorsiortitsisinnaasut ulorianartorsiortitsisinnaasullu pinaveersaartinnissaannut pisariaqarpat. Assersuutigalugu inini tamat iserfigisinnaasaanni aqunneqarsinnaanngitsumik annertuumik tuniluuttoqarnerata paasineqarneratigut Tunillaassortunik Nappaalanersuaqarneranut Ataatsimiititaliarsuup init inunnit tamanit iserfigineqarsinnaasut pisariaqanngitsut matuneqarallassasut inassutigippagu. Pisuni taama ittuni malittarisassat atuutilinnginnerini innuttaasut anerusussinnaapput atisanillu, elektronikkinkik assigisaannillu pisiniarlutik, tamannalu inassutigineqartumi siunertarineqartumut akerliussaaq. Malittarisassat tamanut saqqummiunneqareerpata inassutip tamanut tusarliunneqarneranit utertinneqarnissaa innimiginarunnaassaaq taamaattumillu sapinngisamik kinguninnguatigut tamanut saqqummiunneqassaaq. Inassuteqaammik kinguartitsisinnaaneq taamaallaat pisinnaavoq Naalakkersuisut inassuteqaatit atuutilersikkusutaannut. Tunillaassortunik Nappaalanersuaqarneranut Ataatsimiititaliarsuarmit inassuteqaateqarpat Naalakkersuisunit malinneqarumanngitsunik illersuinissamut isiginninnermik tunngavissaqanngilaq inassuteqaatillu pineqartut taamaammat ataatsimiititaliamut ilisimatitsissutigineqariartut piaernerpaamik tamanut saqqummiunneqassallutik. Ataatsimiititaliaq Tunillaassortunik Nappaalanersuaqarneranut Ataatsimiititaliarsuarmit inassutigineqartup naammassineqarnissaanut Naalakkersuisunut peqqusisinnaanngimmat inassutigineqartoq tamanut saqqummiutsinnagu Naalakkersuisut ataatsimiititaliamit utimut nalunaaruteqartoqarnissaa utaqqissanngilaat.

§ 56-imut

§ 56, imm. 1-imi aalajangersagaq aqqutigalugu Inatsisartut inatsisaat malillugu - imaluunniit tassani malittarisassat aalajangersarneqartut naapertorlugit - iliuusissat aallartinnissaannut atugassanik nammineq pigisat arsaarinnissutigineqarnissaannik Naalakkersuisut aallartitsisinnaapput.

Iliusissanut inatsisisstatut siunnersuummi siunnersuutigineqartunut atatillugu inuit inatsisitigullu pisinnaatitaasut pisussaatitaasullu pigisaannik arsaarinninnissamik aallartitsisoqarsinnaaneranut inatsisitigut tunngavissamik tunniussisoqarsinnaanissaa aalajangersakkap siunnersuutigineqartup kingunerissavaa.

§ 57-imut

§ 57 malillugu iliuusissanik kiffaanngissusiiagaanertut isikkulinnik aamma peqqusinernik taamaattunik atorunnaarsitsinissaq pillugu qinnuiginninnernut itigartitsinerni allaffissornikkut aalajangersimasumik kiffaanngissusiiagaanerup misilinneqarnissaa pillugu malittarisassat malillugit eqqartuussivinni suliassanngortitsinissamut periarfissaqarnera pillugu oqartussaasut pineqartumut ilitsersuissapput.

Tunngaviusumik inatsimmi § 71, imm. 6 naapertorlugu pineqaatissiisarnermut inatsiseqartitsinerup avataani kiffaanngissusiiagaaneq, eqqartuussivittut oqartussaasunit aalajangiiffigineqanngitsoq, allamiullu pillugit inatsisini inatsisitigut tunngavissaqanngitsup, inatsisitigut unioqqutitsiviusimassanginnera kiffaanngissusiiagaasoq imaluunniit taanna sinnerlugu iliuuseqarniartoq sinnerlugu, eqqartuussivinnut imaluunniit eqqartuussisutut oqartussaasumut allamut saqqummiunneqartussaavoq.

Allaffissornikkut aalajangersimasumik kiffaanngissusiiagaanerup suliassanngortinnejarsinnaanera pillugu malittarisassat Kalaallit Nunaannut Eqqartuussisarnermut Inatsimmi kapitali 28-mi atuarneqarsinnaapput.

Tassani atuarneqarsinnaavoq inuk allaffissornikkut oqartussaasumit kiffaanngissuseqarnerminik arsaagaasoq imaluunniit taanna sinnerlugu iliuuseqartoq kiffaanngissusiiagaanerup imaluunniit kiffaanngissusiiagaanerup siusinnerusukkut aallaartinnejartup inatsisitigut eqqortuuneri pillugit apeqqutip eqqartuussivinni aalajangiiffigisassanngortinnissaannik piumasaqarsinnaasut.

Eqqartuussisarnermut inatsimmitaaq kapitali 28-mi atuarneqarsinnaavoq oqartussaasoq kiffaanngissusiiagaanissamik aalajangiisoq ingerlaannaq, kingullermillu kiffaanngissusiiagaanerup aallartinnerani, suliap eqqartuussivinnut tunniunneqarsinnaanera pillugu ilitsersuissalluni pisussaaffeqartoq.

Eqqartuussivinni suliassanngortitsinissaq pillugu qinnuiginninnermik saqqummiisoqarsimappat oqartussaasoq kiffaanngissusiiagaanissamik imaluunniit taassuminnga atorunnaarsitsinissamik aalajangiisoq piaartumik, sapinngisamillu qinnuiginninnerup saqqummiunneraniit ullut arfineq-marluk qaangiutsinnagit, suliamik Kalaallit Nunaanni Eqqartuussivimmun saqqummiissaq.

Nunatta Nakorsaaneqarfia §§ 10-12 naapertorlugin peqqusummik nalunaaruteqaruni Nunatta Nakorsaaneqarfia suliamik eqqartuussivimmun suliassanngortitsissasoq imm. 3-mi aalajangersakkami siunnersuutigineqartumi aalajangersarneqarpoq.

Nunatta Nakorsaaneqarfia peqqussutip nalunaarutigineraniit ullut arfineq-marluk qaangiutsinnagit suliaq eqqartuussivimmun suliassanngortissavaa.

Suliassanngortitsineq allaffissornikkut aalajangersimasumik kiffaanngissusiiagaanerup suliassanngortinnissaa pillugu eqqartuussisarnermut inatsimmi kapitali 28-mi malittarisassat malillugit pisinnaassaaq.

§ 58-imut

Inatsisartut inatsisaanni matumani aalajangersakkanik unioqqutitsinerit pillugit suliani uppernarsaatissanik ujarlernerit Kalaallit Nunaannut Eqqartuussisarnermut Inatsimmi kapitali 36-mi malittarisassanut naapertuuttumik pisinnaapput.

Uppernarsaatissanik ujarlerneq illumilluunniit misissuineq paasiniaasarnertut ileqquuvoq inissiamik imaluunniit allatut inuttut pigisanik uppernarsaatissatut atugassanik misissuinissamut periarfissiisoq.

§ 59-imut

Siunnersuummi § 59 malillugu inuk inerteqqummik malinnikkumanngitsoq, inerteqqummik unioqqutitsisoq imaluunniit nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik nalunaarutiginnikkumanngitsoq imaluunniit inummut paassisutissanik pisariaqartunik nalunaarutiginnikkumanngitsoq nappaatip nalinginnaasup inuaqatigiinnulluunniit ulorianartup siammaannissaata tunillaassuunnissaataluunniit pinngitsoortinnissa siunertaralugu Nunatsinni Nakorsaneqarfiup piniarnissaanut iliuuseqarumanngitsoq akiliisitsinikkut pineqaatissinneqarsinnaavoq.

Tamatuma saniatigut Kalaallit Nunaannut Eqqartuussisarnermut Inatsimmi malittarisassat malillugit aamma nalunaarutit Inatsisartut inatsisaat manna naapertorlugu suliarineqartut malillugit akiliisitsinerit aqqutigalugit pineqaatissiinernik aalajangersaanissaq periarfissaavoq.

Akiliisitsinermut akigititat atuisunut kisitsisitigut paassisutissat ilutigalugit ukiumut tallimakkaarlugit malittarisassiuuttarnissaat siunnersuutigineqarpoq.

Inatsisartut inatsisaannik taannaluunniit malillugu najoqqutassanik unioqqutitsinermi akiliisitsinermut akigititassatut siunnersuutit:

Oqaatigineqassaaq akiliisitsinissamut najoqqutassiissutit ataaniittut taamaallaat Namminersorlutik Oqartussani allaffisornermut suliaqarfiusumut sammitinneqarmata taakkulu akiliisitseqqussutit annertussusaat pillugu oqaaseqarnissamut tunngatillugu unnerluussisussaatitaasup suliarinneqqusineranut atatillugu atugassaallutik.

Inuinnaat

Inuinnaat unioqqutitsinerannut akiliisitsinissamut siullermeernermi 2.500 kr.-t tungaannut, aappassaaneernermermi 3.500 kr.-t, pingajussaaneernermermilu 4.500 kr.-t akigitinneqassasut siunnersuutigineqarpoq.

Sisamassaanik sinnerlugilluunniit unioqqutitsinerni akiliisitsinissamut pineqaatissiissutigineqartoq qaffassinnaassaaq.

Umiarsuarnut timmisartunullu nalunaaruteqartarnissamut pisussaaffeqarneq

Inunniq umiarsuarmut timmisartumulluunniit ilaasunik nappaammik inunnut nalinginnaasumik ulorianartumik inuaqatigiinnulluunniit aarlerinartorsiortitsisumik

taamaattumik tunillatsissimasutut ilimagineqartumik peqartoqarsimatillugu imaluunniit umiarsuarmi timmisartumiluunniit nappaatip siaruaannissaanut ulorianartoqarsimappat oqartussaasunut nalunaaruteqarnissamut pisussaaffinnik malinnikkumanngitsoqarsimappat akiliisitsinissamut siullermeernermi 15.000 kr.-t tungaannut, aappassaaneernermermi 30.000 kr.-t pingajussaaneernermermilu 60.000 kr.-t akigitinneqassasut siunnersuutigineqarpoq. Sisamassaanik sinnerlugilluunniit unioqqutitsinerni akiliisitsinissamut pineqaatissiissutigineqartoq qaffassinnaassaaq.

Inunnut inatsisitigullu pisinnaatitaasunut pisussaatitaasunullu paasissutissiisarnissamut pisussaaffeqarneq

§ 59, imm. 1, malillugu inummut paasissutissat attuumassutillit nappaatit inunnut nalinginnaasumik ulorianartut inuiaqtigiinnilluunniit aarlerinartorsioritsisut siammaannissaat tuniluunnissaalluunniit pinngitsoortinnissaannut pisariaqartut imaluunniit tamanna pillugu pineqaatissiinerit aalajangiiffiginissaat pillugit Nunatta Nakorsaaneqarfiata qinnuiginninneranut malinnikkumannginnermi akiliisitsinerit aqqutigalugit pineqaatissiinissamik eqqartuussisoqarsinnaanissaa periarfissaavoq, takuuk § 43, imm. 1-4. Akiliisitsinissami siullermeernermi 1.000 kr.-t tungaannut, aappassaaneernermermi 2.000 kr.-t pingajussaaneernermermilu 3.000 kr.-t akigitinneqassasut siunnersuutigineqarpoq. Sisamassaanik sinnerlugilluunniit unioqqutitsinerni akiliisitsinissamut pineqaatissiissutigineqartoq qaffassinnaassaaq.

Tamatuttaaq § 59, imm. 2, malillugu timmisartumut umiarsuarmulluunniit akisussaasumut akiliisitsinermik pineqaatissiisoqarsinnaavoq, matumani ilaasunut allattorsimaffinnut paasissutissat inuttanullu paasissutissat tunniunneqarnissaannut Nunatsinni Nakorsaaneqarfiup piumasaqarnera malinneqanngippat, takuuk § 44, imm. 1. Akiliisitsinissami siullermeernermi 10.000 kr.-t tungaannut, aappassaaneernermermi 20.000 kr.-t pingajussaaneernermermilu 30.000 kr.-t akigitinneqassasut siunnersuutigineqarpoq. Sisamassaanik sinnerlugilluunniit unioqqutitsinerni akiliisitsinissamut pineqaatissiissutigineqartoq qaffassinnaassaaq.

Inuussutissarsiortunut akiliisitsinissamut akigititassatut siunnersuutit

Najoqqutassanik Inatsisartut inatsisaat manna malillugu suliarineqartunik inuussutissarsiortut unioqqutitsinerannut tunngatillugu, *suliffeqarfiallu* angissusaa apeqquataillugu, akiliisitsisarnissanut akigititat tullinnguuttut siunnersuutigineqarput:

Suliffeqarfinnut mikisunut minnerusunullu (1-9-nik sulisulinnut) akiliisitsinissamut siullermeernermi 10.000 kr.-t tungaannut, aappassaaneernermermi 15.000 kr.-t pingajussaaneernermermilu 20.000 kr.-t akigitinneqassasut *siunnersuutigineqarpoq*.

Suliffeqarfinnut akunnattumik angissusilinnut (10-49-nik sulisulinnut) akiliisitsinissamut siullermeernermi 20.000 kr.-t tungaannut, aappassaaneernermermi 25.000 kr.-t pingajussaaneernermermilu 30.000 kr.-t akigitinneqassasut *siunnersuutigineqarpoq*.

Suliffeqarfinnut anginerusunut (50-inik sinnerlugilluunniit sulisulinnut) akiliisitsinissamut siullermeernermi 30.000 kr.-t tungaannut, aappassaaneernermermi 40.000 kr.-t pingajussaaneernermermilu 50.000 kr.-t akigitinneqassasut **siunnersutigineqarpoq**.

Sisamassaanik sinnerlugilluunniit unioqqutitsinerni akiliisitsinissamut pineqaatissiissutigineqartoq qaffassinnaassaaq.

Inatsisitigut pisinnaatitaasunut pisussaatitaasunullu inuussutissarsiortuunngitsunut akiliisitsinissamut akigititassatut *siunnersuutit*

Inatsisitigut pisinnaatitaasunut pisussaatitaasunullu inuussutissarsiortuunngitsunut, taakkununnga ilanngullugit aningasaateqarfinnut, peqatigiiffinnut allanullu assersuutigalugu matoqqasussaatitaanermik eqqortitsinngitsunut akiliisitsinissamut siullermeernermi 3.000 kr.-t tungaannut akigitinneqassasut **siunnersutigineqarpoq**. Akiliisitsinermi akigititaq aappassaaneernermermi pingajussaaneernermermilu 6.000 kr.-nut aamma 9.000 kr.-nut qaffanneqassaaq.

Sisamassaanik sinnerlugilluunniit unioqqutitsinerni akiliisitsinissamut pineqaatissiissutigineqartoq qaffassinnaassaaq.

§ 60-imut

Inatsisartut inatsisaata ullormi 1. juli 2023-mi atortuulersinneqarnissaa aalajangersakkatigut aalajangersarneqarpoq.

Ilanngussaq 1**Tusarniaanermit akissutit pillugit allakkiaq**

Oqartussaasut suleqatigiiffillu il.il. tusarniaavagineqarnerat

Siunnersuut 10. oktober 2022-miit 9. november 2022-mut tusarniaassutigalugu nassiunneqarsimavoq.

Siunnersuut ukununnga tusarniaassutigalugu nassiunneqarsimavoq:

Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Inuit Pisinnatitaaffiinut Instituti, Sulitsisut, Sulinermik Inuussutissarsiuteqartut Kattuffiat/SIK, Nunatsinni Nakorsat Peqatigiiffiat, Peqqinnissaq Pillugu Kattuffit/Det Grønlandske Sundhedskartel (PPK), Kigutit Nakorsaasa Peqatigiiffiat, Visit Greenland, Kalaallit Nunaanni Politit, Nunatsinni Eqqartuussivik aamma Nunatta Eqqartuussisuuneqarfia.

Taassuma saniatigut piffissami tassani siunnersuut tusarniaanerit nittartagaanni tamanut saqqummersinneqarsimavoq.

Tusarniaanermit ukua akissuteqarsimapput:

Oqaaseqaatit tiguneqartut ataani naalisarlugit nalinginnaasumik allassimatillugit issuarlugit allanneqarput, Naalakkersuisut akissutaat uingasumik allanneqarlutik.

Kalaallit Nunaanni Eqqartuussiviup ilisimatitsissutigisimavaa siunnersuummut oqaaseqaatissaqaratik.

Nunatsinni Sulisitsisut Peqatigiiffiat

Aalajangersakkat §§ 53 – 55 imatut oqaaseqarfingineqassapput:

Sulisitsisut aalajangersakkani pingasuni allassimasuni inatsisartut nakkutiginninnissaannut tamakkiisumik ilalerpaat, matumani Naalakkersuisunit, Inatsisartunit aamma/imaluunniit Tunillaassortunik Nappaalanersuaqarneranut Ataatsimiititaliarsuarmit aalajangererit/inassuteqaatit aalajangiunneqarnerisa kinguninngua inuussutissarsioruntunut innuttaasunullu nalunaarutigineqartassappata.

Tamanna soorunami pineqartut tamarmik namminneq naliliertik malillugu namminneq taassuma/taakku naleqquttuusorisaminnik qisuarlarsinnaaniassammata. Tamanna Naalakkersuisut Tunillaassortunik Nappaalanersuaqarneranut Ataatsimiititaliarsuarmit inassuteqaammut qanoq qisuarnerat apeqquaatinngu, § 54 takuuk.

Akissut:

Naalakkersuisut tusarniaanermi akissut tusaatissatut tiguaat.

Transparency International Greenland

Transparency International Greenland inatsisartut nakkutiginninnissaat pingaarutilittut sakkussatullu pingaarutilittut isumaqarfigaa, taamaattumillu inatsisisatut siunnersuummi aalajangersakkat nutaat taakku kapitali 9-mi § 53-imiit 55-imut ikkunneqartut tigulluarpaat.

§ 55, imm. 3: Innuttaasut inuiaqatigiit peqqissusaannut ulorianarsinnaasumik navianarsinnaasumilluunniit iliornissaasa pinaveersaartinnissaat pisariaqarpat § 53 malillugu inassuteqaatinik nalunaaruteqarnissaq inassuteqaammi malittarisassat nassuiarneqartut nalunaarutigineqarnissaasa kingornanut utaqqisinneqarsinnaavoq. Inassuteqaat tamatuma kingorna sapinngisamik sukkannerpaamik saqqummiunneqassaaq.

Matumani Transparency International Greenlandip kaammattuitigaa ilanngunneqassasoq tunngaviatigut tamakkiisumik ammasumik periaaseqartoqarnissaat kiisalu immikkut taamaallaat illuinnartuni tamanut tamakkiisumik saqqummiussinissap kinguaallatsinnissaat pisinnaatillugu.

Akissut:

§ 55, imm. 3-mi allanneqartutut innuttaasut inuiaqatigiit peqqissusaannut ulorianarsinnaasumik navianarsinnaasumilluunniit iliornissaasa pinaveersaartinnissaat pisariaqarpat § 55, imm. 3 malillugu inassuteqaatinik nalunaaruteqarnissaq taamaallaat inassuteqaammi malittarisassat nassuiarneqartut nalunaarutigineqarnissaasa kingornanut utaqqisinneqarsinnaavoq. Aalajangersakkap oqaasertai naapertorlugit taamaallaat pisumi ilungersunartorsiornermi pisariaqartinneqarluinnarpat aalajangersagaq atorneqarsinnaavoq. Pisoq qaqugukkut ilungersunartuuneranik nalilersuisarneq soorunami nikerarsinnaasarloq, illuatungaanili inuiaqatigiit peqqissusaat eqqarsaatigineqartussaamat nassuaanissap inissaqartinneqarnissaat pisariaqarpoq. Tusarniaanermi akissutip kingunerisaanik aalajangersakkamut nassuaatini erseqqissaammik ilanngussisoqarpoq, tassani aalajangersakkap immikkut ittumik atorneqarnissaata eqqarsaatigineqarnera allassimalluni. Erseqqissarneqassaarli Naalakkersuisut pisariaqartutut naliliisoqartillugu killilersorneqanngilluinnarlutik aalajangersakkamik atuisinnaasariaqarmata.

Tunillaassortunik Nappaalanersuaqarneranut Ataatsimiititaliarsuup katitigaaneranut oqaaseqaatit, § 3: Tunillaassortunik Nappaalanersuaqarneranut Ataatsimiititaliarsuaq atorfilittanik inuttaqarpoq. Tunillaassortunik Nappaalanersuaqarneranut Ataatsimiititaliarsuarmi innuttaasunut sinniisoqarnissaat isumaliutigineqarsinnaavoq.

Coronamik nunarsuaq tamakkerlugu tuniluuttoqarnerani Inuit Pisinnatitaaffiinut Siunnersuisoqatigiivi aamma Transparency International Greenlandip periutsit malittarisassallu akuerineqartut inuiaqatigiinni tamanut paasuminartuunissaasa pingaaruteqarneranik erseqqissaapput.

Akissut:

Siunnersuutikkut uguuna aalajangiisarnerit inuiaqatigiinnut paasinarnerulernissaat naatsorsuutigineqarpoq. Isiginninniarnerit tunuliaqutaasut tusarniaanermi akissutiniittut

taamaammat akuersaarneqareersutut ilaatigut isigineqarsinnaapput siunnersuut akuerineqassappat.

Tunillaassortunik Nappaalanersuaqarneranut Ataatsimiititaliarsuaq mianersoqqissaarluni katiterneqarnikuuvoq, matumani ilaasortat tamarmik assigiinngitsunik isumagisaqarnissamut siunertaqarlutik, tassunga ilanngullugu suliniutit nutaat inuiaqatigiinnut pitsaasumik ajortumillu sunniutissaannik nalilersuisarneq. Nalilersuinerit ilaasortat suliamut piginnaasaat oqartussaaffeqarfimmilu taaneqartumi sulinerminnut tunngatillugu ilisimasaat aalajangersimasut tunngavigalugit pisarput. Naalakkersuisut taamaattumik tunillaassortunik nappaalanersuaqarneranut ataatsimiititaliarsuarmi peqataasut amerlisinnissaat naapertuussorinngilaat imaluunniit pisariaqarsorinngilaat.

Kalaallit Nunaanni Politiit

§ 40-mut:

Aalajangersakkami imm. 1 malillugu Nunatta Nakorsaaneqarfia timimik toqungasumik pilattaalluni misissuisoqarnissaanik peqqusisinnaavoq. Aalajangersakkami imaluunniit ajornanngippat nassuaatini Nunatta Nakorsaaneqarfia peqqusinerata kingorna oqartussat sorliit timimik toqungasumik pilattaallutik misissuissanersut pillugit erseqqissumik allanneqarnissaat Kalaallit Nunaanni Politiit siunnersuutigissavaat.

Akissut:

Aalajangersagaq Inatsisartut peqqussutaannit 2001-imeersumi aalajangersakkamit assingusumit ingerlateqqitaavoq, tassani aamma innersuussuteqanngilaq oqartussat sorliit timimik toqungasumik pilattaallutik misissuissanersut. Naalakkersuisut suliassamik uannga isumaginnittussamik oqartussamut aalajangersimasumut atilerlugu suliakkiutigineqannginneratigut inatsisartut inatsisaat siunissamut qulakkeerusuppaat.

Tusarniaanermi akissutip kingunerisaanik paragrafimut nassuaatini erseqqissaammik ilanngussisoqarpoq, tassani peqqussut oqartussanut suliassamik uannga nalinginnaasumik suliaqartussamut eqqarsaatigineqartoq pineqarpoq.

Inuit Pisinnaatitaaffii pillugit instituti

(...)Instituttip tassunga atatillugu 29. oktober 2021-mi tusarniaanermi akissutini innersuussutigissavaa, tassani inatsisitigut isumannaatsuunerup aammalu kiffaanngissuseqarnissamut pisinnaatitaaffit illersorneqarnerat inatsimmi qanoq pitsanggorsarneqarsinnaanerannut arlalinnik innersuussuteqarpoq.1 Innersuussutit tamarmik

atutilersinneqarsimannngillat, taamaattumik instituttip pingarnerpaat – inatsisissatut missingiummut matumunnga naleqqussarlugit – tullinnguuttumi uteqqikkusuppaat:

Inunnut amerlasuunut iliuuseqarnerit

Inatsisissatut missingiummi § 22 malillugu Naalakkersuisut inuit sumiiffimmi aalajangersimasumiissimasut, katersuunnerni, aaqqissuussinerni, pisuni assigisaanniluunniit peqataasimasut, sumiiffigisimasaanni peqataaffigisimasaannilu nappaammik inuiaqatigiinnut aarlerinartorsiortitsisumik uppernarsarneqarsimasumik tunillaasoqarsimappat, peqqissaanermik suliaqartumit misissortinnissaat imaluunniit pisariaqarpal inissiivimmumt naleqquttumut mattunnissaat pillugit malittarisassanik aalajangersaasinnaapput.

Pisuni inuit ataasiakkaat kinaassusersineqarsinnaanngippata imaluunniit inuit ataasiakkaat kinaassusersinissaannut tunngatillugu isumalluutinik naleqqutinngitsumik atuisoqartariaqarpal, inunnut ataasiakkaanut amerlanerusunut "ataatsimut peqqusummik" aalajangersaasinnaanissaq aalajangersakkatigut periarfissinneqarpoq.

Inatsimmi § 59 malillugu malittarisassanik maleduaannginnermut akiligassiissutinik aalajangersaasoqarsinnaavoq.

Inuit ataasiakkaat kinaassusersineqarsinnaanngippata malittarisassat § 22 naapertorlugu aalajangersarneqartut qanoq malinnejartinneqassanersut pillugit inatsimmut nassuaatini takuneqarsinnaanngilaq. Taamatuttaaq tassunga atatillugu inatsimmut missingiummi § 43 ilisimatitsisussaatitaanermut tunngasut inunnut atorneqassanersoq takuneqarsinnaanngilaq.

Tamanna tunngavigalugu instituti isumaqarpoq malittarisassanik unioqqutitsinermut inunnik pineqaatissiisinnaanissaq periarfissaasariaqanngitsoq. Inatsimmut missingiummi §§ 9 aamma 11 malillugit pisuni inuup peqqissaanermik suliaqartumit misissorneqarnissamut imaluunniit inissiivimmui naleqquttumi mattusimanissaanut peqquneqarsimaneranut tunngatillugu aatsaat pineqaatissiisoqarsinnaasariaqarpoq.

- Peqqissutsimut Naalakkersuisoqarfik malittarisassanik inatsimmut missingiummi § 22 naapertorlugu aalajangersarneqartunik unioqqutitsinermut inuit pineqaatissinneqannginnissaannik qulakkeerinissasoq Inuit pisinnaatitaaffiinut Institutip innersuussutigaa.

Akissut:

Siunnersuummi matumani § 59-mi pineqaatissiissutaasinnaasut pillugit aalajangersakkani imaluunniit inatsisartut inatsisaanni maanna atuuttumi pineqaatissiissutaasinnaasut pillugit aalajangersakkani § 22 allassimanngilaq. Tusarniaanermi akissut taamaattumik siunnersuummut naleqqussaanermik kinguneqanngilaq.

Namminerisamik najukkami pulaartoqarsinnaaneq

Inatsimmut missingiummi § 24 malillugu Naalakkersuisut pulaartut napparsimavinnut katsorsaavinnullu, paaqqutarisariallit angerlarsimaffiinut, inissianut paaqqinnittarfinnut, oqilisaaffiinut, inissiivinnut, najugaqarfissatut neqeroorutinut assigisaannullu pisortat namminersortullu pigisaannut isersinnaanerannik killilersuinermut, inerteqquteqarnermut,

taakkununngalu immikkut ilaatinneqartussaanngitsut pillugit nuna tamakkerlugu nunalluunniit ilaanut malittarisassanik aalajangersaasinnaapput.

Pulaartoqarnissamut killilersuinerit inerteqquteqarnerillu annertuumik akuliunnerusinnaapput pisullu ilaanni najugaqartup qanignerpaasaminut attaveqarneranik kipitsilluinnarsinnaallutik. Taamatuttaaq najugaqartup nammineerluni oqartussaaffigisaata ilaanut, taassuma najugaqarfianut angerlarsimaffianullu ilaasunut tunngatillugu killilersuinernik aalajangersaasoqarsinnaanersoq pillugu inatsimmut missingiummi allassimasoqanngilaq.

Tassunga ilanngullugu najugallit najukkamut taama ittumut attuumassuteqarnerinnartik pissutigalugu nappaammullu aalajangersimasumut aarlerinartorsiorsinnaanerat apeqquaatinngagu aammalu inunnut ataasiakkaanut pisariaqassutsimik piumasaqaatip nalilersorneqartannginnera pissutigalugit taamatut akuliuffigineqarsinnaapput.

- Peqqissutsimut Naalakkersuisoqarfiup inatsimmut missingiummi inini ataatsimoorfiusuni inini najugaqartup nammineq najugaqarfingisaaniunngitsoq pulaarnissamut killilersuutit inerteqqutillu ilanngullugit allassagai Inuit pisinnaatitaaffiinut Institutip innersuussutigissavaa.

Akissut:

Aallaqqaasiutigalugu oqaatigineqassaaq § 24-mi § 18 ilaatinneqarmat, tassani pissutsinut naapertuuttumik periaaseqarnissaq erseqqilluinnartumik allassimavoq. Tassa imaappoq pissutsinut naapertuuppat pisariaqarpallu taamaallaat § 18 atuutsinneqaqqusaasoq. Eqqorpoq aalajangersagaq aqqutigalugu akuliunnerup annertunerpaaffissaa innuttaasunut napparsimavimmi uninngasunut, utoqqaat illuanniittunut, najugaqarfinni paaqqinnittarfiusuniittunut assigisaanniittunullu, tessunga ilanngullugu pulaartoqarnissamut periarfissaannut kinguneqarsinnaavoq. Oqaatigissalluguli pingaaruteqarpoq nappaammik inunnut aarlerinartorsiortisumik assersuutigalugulu utoqqaat inuilluunniit timimikkut akiuussutissakillisimasut toqquigitisinnaasaannik tuniluuttoqartillugu inatsisartut inatsisaat aamma atorneqarsinnaassammat. Pisuni taama ittuni pissutsit apeqquaallutik inuit allat inunnut ataatsimut najugaqatigiiffinni najugalinnut pulaarsinnaanerannut tunngatillugu akuliuffiusumik, inuit allat najugaqatigiiffinniittut illersornissaat siunertaralugu § 24-p atuutsinneqarnissaa pisariaqarsinnaavoq.

Tusarniaanermi akissutini matumunnga tunngasuni siornatigut tigusimasani eqqaaneqarportaaq aalajangersakkamut nassuaatini erseqqissarneqarsimasoq killilersuinernik inerteqqutinilluunniit aalajangersaanermut atatillugu - peqqinnissakkut illersorneqarsinnaasumik - qanigisanit pulaartoqarsinnaanissaq qulakteerniarlugu killilersuinerit inerteqqutilluunniit atuuffissarinngisaannik aalajangersaasoqartassasoq.

Peqqissaasut Kattuffiat

Inatsimmi innuttaasunut pissaanermik atuinissaq mattussinissarlu periarfissaapput.
 Taamaammat PK-p inatsit una peqqissutsimut tunngasutigut sulisunik ilinniarfinnut soorlu
 assersuutigalugu tarnikkut nappaatilinnik katsorsaaneq pillugu inatsisip
 ilanngunneqarsimaneratut ilanngunneqarnissaa innersuussutigaa.

§3, imm 3-morpiaq:

PK isumaqarpoq Tunillaassortunik Nappaalanersuaqarneranut Ataatsimiititaliarsuaq sulisunik
 sinniisoqarnissaa pingaaruteqartoq taamaalilluni sulisut tamarmik maannakkut pisumik
 ilisimasaqarnissaat ataatsimullu isigalugu Tunillaassortunik Nappaalanersuaqarneranut
 Ataatsimiititaliarsuaq pillugu ilisimasat siaruarterneqarnissaat
 qulakkeerneqarsinnaassammata.

Akissut:

*Naalakkersuisut sulisut innuttaasullu sinneri inatsisartut inatsisaannik atuutsitsinermi
 maannakkut pisumik ilisimasaqarnissaat pingaaruteqarneranik isumaqataapput.
 Erseqqissaatigineqassaarli Tunillaassortunik Nappaalanersuaqarneranut
 Ataatsimiititaliarsuaq pingaarnertut innimigisassat attuumassutillit innimigalugit
 inuiaqatigii peqqissusaannut aarlerinartup annikillisinnissaanut suliniutit sorliit
 atuutilersinneqassanersut pillugit aalajangiisartunut inassuteqarnissamik siunertaqarmat.
 Sulisut innuttaasullu avammut attaveqaatit immikkut siunertallit aqqutigalugit, tassunga
 ilanngullugit ilisimasanut aalajangersimasunut attaveqaatit allat aqqutigalugit
 tusagassiortunik katersortitsinikkut, tusagassiorfinnut nalunaarutitigut nutaarsiassatigullu
 pisumik ilisimatinneqartassapput. Taamaattumik kissaatigineqartoq ilanngunneqanngilaq.*

§16, imm 2-morpiaq:

Sulisut inunnik inini paarnaqqasuniittunik takusaasarnissaat allassimavoq. Tamanna sulisunit
 peqqissutsimut tunngasutigut ilisimasalinnit isumagineqassava imaluunniit sulisunit tamanit
 isumagineqarsinnaava?

Akissut:

*Aallaqqaasiutigalugu oqaatigineqassaaq aalajangersagaq akuttusuumik atorneqartarnissaa
 naatsorsuutigineqarmat.
 Sulisut pineqartut peqqissutsimut tunngasutigut immikkut ilisimasaqarnissaannut
 piumasaqaateqartoqanngilaq. Pineqartoq soorunami nakkutilliinerup toqqisisimanartumik
 ingerlannissaanut pisarialinnik piginnaasaqassaaq. Nakkutilliineq pineqartup
 ingerlaavartumik ataatsimut isigalugu ajunnginnissaanik qulakkeerinninnissamik
 siunertaqarmat, sulisut assersuutigalugu peqqissaasutut nakorsatulluunniit
 ilinniarsimanissaat pisariaqassanngilaq.*

Taamatuttaaq pissaanermik atuinermut tunngatillugu § 16-imut:

Sulisut assersuutigalugu upperisarsiornikkut isummat pissutigalugit pissaanermik taama
 ittumik atuinermi peqataannginnissamik aalajangersinnaappat?

Akissut:

Paaqqinnittarfimmit qinnuiginnittooqarneratigut § 16 atuutsinnejassaaq, taamaalillunilu peqqussut taama ittoq sulinermi pissutsinit tapserneqarsinnaanersoq pillugu siumut nalilersuisoqartassalluni. Tullertut Nunatsinni Nakorsaaneqarfimmit aalajangerneq sulisunut aalajangersimasunut sammiveqassanngilaq, immikkoortumulli tamarmiusumut sammiveqassalluni. Taamaattumik immikkoortumi aqutsisut § 16-ip atorneqarnissaanik aalajangertoqarnerani suliassap suliffimi isumagineqarnissaa isumagissavaat, tassunga ilanngullugu sulisut malittarisassat sulisunullu ataasiakkaanut isumaqatigiissutit naapertorlugit suliassap matuma isumaginissaanut itigartitsisinnaanersut pillugu nalilersuissallutik.